

BIBL. NAZ.  
VITT. EMANUELE III

**XX**

**B**

**25**


NAPOLI















# DE DIVER

SIS REGVLIS IVRIS

antíquí,títulí decímí septímí dí-  
gestorum, seu Pandectarum líbrí  
quínquagesímí, vna cum ínterpre-  
tationíbús Francíscí Iammetú

Textoris.



*fr. Mich. Vasconceli*

P A R I S I I S,

APVD MICHAELEM VASCOSA-

NVM, VIA AD DIVVM IACO-

BVM, SVB SICNO FONTIS.

M. D. XXXIII.

NOMINA PRVDEN  
trium, ex quorum libris, titulus  
iste cōpositus est & cōcinnatus.

Paulus	1	Mætianus	8
Vlpianus	2	Hermogenianus	9
Pomponius	3	Venuleius	10
Caius	4	Marcellus	11
Iulianus	5	Celsus	12
Iabolenus	6	Modestinus	13
Scævola	7	Licinus Rufinus	14

✠ R. P. D. IA

COBO CHALANCO,  
NIO ABBATI SANCTI AMA-  
BILIS APVD ARVERNOS  
FRANCISCVS IAMME-  
TIVS TEXTOR,

S. P. D.



Cæsio mihi sese obtulit, ut aliquos labores, quos in iure civili insumpsimus, tibi dedicarem: ea mirum immodum mihi grata fuit: quū planè sciebam te cādidè disciplinæ legalis, æquè amatorem, ac peritum. Deinde non diffidebam eorum, quæ enarrauimus fore, & tutorem & accerrimum defensorem. Nam putavi, cum in tua familia, quiquaginta Pandectarū libros euoluerem, pulchrè sumi argumētum, ut tuæ nobilitati nuncuparent interpretationes legum (quas uocant regulas iuris) à nobis cōscriptas. Ingratus quidem, & acerbus nimis pro tot, tantisq; in me beneficijs uiderer, nisi munus te non indignum (qui ex lectione iurisconsultorum tantam disciplinam retuleris) & hēro & me cōcenati meo persoluissē. Cum ego mirabiliter de

beam dignitati tuæ, quam mihi statui habere domi-  
nam. Quam ob causam necesse habui, cum ab hinc  
triennio domi tuæ per humanitatem, summamq; li-  
beralitatem, adiunxeris. In qua quidem me & benig-  
nè, & humaniter perpetuò tractasti, quod erat lon-  
gè infra tuam nobilitatem. Quod tibi non parvæ lau-  
di duco, cum in familia clarissima natus fueris, ex qua  
multi, & militum præfecti, & reipublicæ gubernas-  
tores exierunt. Sed, ut taceam utriusq; parentis ma-  
iores, propinquos, & affines. Pater quidem tuus no-  
bilissimus uir, atque integerrimus armis, tam potens  
& in Gallia, & ultra fines Galliæ fuit, ut eo in ca-  
stris apud Italos immatura morte animam agente, sui  
exercitus expectatio omnis simul interierit. Nam bo-  
na pars illius (nemo enim est, qui ignoret) secum ho-  
ste intacto in patriâ reuersa est. Cui uerò frater tuus  
Ioānes Chalanconius Rupisbaronis dominus magnā  
spem de se præbens successit, adolescēs cum bonus,  
tū perhumanus, & in omni genere officij diligēdus.  
Cuius crescente tempore adolescētia mirè candida in  
melius cōmutatur. Qui enim à primis annis in re mi-  
litari uirtutē maximā, & in omni re prudentiā pol-  
licetur. Sed ut uno uerbo dicā, ne pro breui uerborū  
serie in immensum crescat hic sermo. Has interpre-  
tationes, si eo nomine dignæ fuerint liberali animo  
amplectere, & boni cōsule. Lutetiæ ex ædibus diuæ  
Genouephes è regione montis decimo quinto cal.  
April. M. D. XXXII. Vale.

# NICOLAUS BORBONIVS VANDO,

PER ANVS AD R.D.IACOBVM  
à Chalancone S. Amab. Abb. iuuenem ad  
omnia summa natum.

Non sat habes lingua præcellere Præsul utraq;  
Et forma, & generis nobilitate tui:  
Set leges & quicquid habent ciuilia iura  
Eruis, ardenter sensa retrusa petens.  
At bonus ille tuus TEXTOR, tuus ille laborem  
Istum incredibili sedulitate leuat.  
Testis adest, plenus fructu atq; lepore libellus  
Hic, quem nunc Genio dedicat ille tuo.

LEGVM STUDIOSO  
F. IAMMETIVS Textor S. P. D.



N tibi, studiose Lector, à nobis  
succinctæ quidem & breues ad  
modū lucubrationes prodeūt, quas  
inter enarrandum leges sub titu-  
lo de Regulis iuris, conscripsimus,  
non ut in uolumen excederent, sed ut pro enchiridio  
haberentur, interq; manus sine ullo pondere, & citra

nauseant deferri possent. Cum hæc leges, & si omnia  
in genere contineant, quæ in immenso legum pelago la-  
tent, sua tamen breuitate sibi simile desiderare uide-  
batur. Itaque eas emittere non longas, prolixasque uolu-  
imus, ut si dignæ lectu essent breui uerborum structu-  
ra placerent. Sin minus, ne diu te cum tædio remora-  
retur. Sed si hoc nostrum negociolum, aut profuisse, aut  
animum tuum delectasse, cognouerimus. Sanè facies can-  
dide lector, ut mihi, quod sit accuratius elaboratum, &  
diutius deliberatum succrescat. Cum iam habeam inter  
manus institutum, quod ad tempus certum, expectans  
huius fortunam, latebit. Quare, meliora expectando,  
interim his frui, conatusque nostros æqui bonique com-  
sule, & uale. Luteria.

# INDEX LEGVM

huius tituli.

## A.

Absentia	49.
Actus	19.
Ab ea quæ	56.
Aliud est	31.
Alterius	13.

## B.

Bona fides	15.
Bona fides tantundem	48.

## C.

Consilij	13.
Contractus	6.
Creditor	31.
Cuius effectus	52.
Cuius per errorem	14.
Cui ius est donandi	32.
Culpa caret	13.
Culpa est	10.
Cum amplius	21.
Cum par	54.
Cum prætor	46.
Cum principalis	39.
Cum quis	33.
Cum seruis	27.
Cum tempus	4.

## D.

Diuus pius	8.
Domum	15.
Donari	21.

## E.

Ea est	16.
Ea quæ	48.
Ea quæ raro	16.
Ea quæ in	42.
Ea sola	25.
Eius est	2.
Et si nihil	40.
Ex pœnalibus	15.
Ex qua	52.
Expressa	42.

## F.

Factum	35.
Factum cuiq;	14.
Fauorabiliores	45.
Ferè in omnibus	27.
Ferè quibuscunq;	53.
Filiusfamilias	24.
Fœminæ	1.
Fraudis	20.
Fructus	17.
Furiosi	11.

## G.

Generaliter	20.
-------------	-----



## H.

Hæredem	15.
Hæreditas	16.
Hoc iure	52.

## I.

Id quod	3.
Imaginaria	4.
Imperitia	47.
Impossibilem	40.
In ambiguis orationibus	24.
In ambiguis, pro.	21.
In condemnatione	36.
In contrahenda	35.
In eo quod plus	28.
In eo quod uel	9.
In iure	32.
In negocijs	2.
In obscura	39.
In obscuris	29.
In omnibus	4.
In omnibus causis pro.	10.
In omnibus causis id.	17.
In omnibus officijs	37.
In omnibus quidem	23.
In pari causa	46.
In personam	6.
In testamentis	3.
In toto iure	10.

In toto, &c	29.
In totum omnia	19.
Inuitus nemo	55.
Inuito	17.
Is damnum	35.
Iura	3.
Iure naturæ	57.
Ius nostrum	2.

L.

Libertas	27.
Libertas omnibus	44.

M.

Marcellus	16.
Melior	47.
Minus	57.

N.

Nec ex prætorio	8.
Nemo dubitat	24.
Nemo de domo	26.
Nemo enim	22.
Nemo damnum	52.
Nemo ex ijs	12.
Nemo ideo	35.
Nemo plus	44.
Nemo plus iuris	14.
Nemo potest mutare	19.
Nemo in alieno	45.
Nemo prædo	46.

Nemo qui	10.
Nemo uidetur.	51.
Neque in	43.
Neque pignus	12.
Nerarius	41.
Nihil consensui	30.
Nihil dolo	47.
Nihil interest	29.
Nihil peti	40.
Nihil tam	10.
Non alienat	44.
Non debet auctori	11.
Non debet alteri	19.
Non debet cui	6.
Non est	38.
Non fraudantur	48.
Non ex pluribus	31.
Non omne	51.
Non potest dolo	45.
Non potest uideri	58.
Non potest uideri improbus	25.
Non solet	22.
Non solent	24.
Non uidetur coep.	4.
Non uidetur defendere	14.
Non uidetur quispiam	14.
Non uidentur rem	21.
Non uidentur data	34.

Non uult	2.
Nulla	22.
Nullus uidetur	14.
Nullum	27.
Nunquam	47.
Nuptias	9.

O.

Omnes	49
Omnia ferè	42.
Omnia quæ ex	56.
Omnia quæ iure	25.
Omnia quæcunq;	18.
Omnis definitio	57.
Omnis hæreditas	49

P.

Parem	52.
Plerunque	57.
Plus	8.
Pœnalia	33.
Prætor	31.
Privilegia	42.
Pupillus	41.
Pupillum	29.

Q.

Quæ ab	58.
Quæ dubitationis	20.
Quæ legat a	4.
Quæ propter	32.

Quandiu possit	23.
Quatenus	7.
Qui actionem	4.
Qui authore	48.
Qui cum alio	5.
Qui dolo	47.
Qui in alterius	11.
Qui in ius	38.
Qui in servitute	44.
Qui non facit	44.
Qui potest facere	37.
Qui potest inuitis	8.
Qui rem	33.
Qui sine dolo	16.
Qui tacet	50.
Qui uetante	26.
Quidquid	13.
Quod à quoq̃	13.
Quod attinet	9.
Quod contra	50.
Quod exincitur	41.
Quod initio	8.
Quod ipsis	50.
Quod iussu	39.
Quod nullius	39.
Quod quis dum	51.
Quod quis ex	17.
Quoties dubia	6.

Quoties duplici	23.
Quoties idem	17.
Quintus Mutius	18.
Quoties nihil	56.
Quoties utriusq;	25.

R.

Rapienda	34.
Regula	1.
Res iudicata	58.

S.

Secundum	3.
Semper in conventionibus	43.
Semper, in	3.
Semper in dubijs	14.
Semper in stipulationibus	9.
Semper specialia	51.
Semper qui non	15.
Servitutem	58.
Servus	59.
Si in duabus	26.
Si librarius	23.
Si nemo	39.
Sicuti pœna	10.
Si quis	40.
Si quis obligatione.	30.

T

Toties	12.
--------	-----

Vani	40
Vbi lex	25.
Vbi non	45
Vbi pugnancia	41.
Vbicunq;	26.
Velle	2.
Verum est	9.

## ERRATA.

Pa.	Fa.	Vers.	Lege.
1	1	22	sunt.
1	1	26	huius.
2	1	28	mentiri aut circumscribere.
4	1	16	faceret.
4	2	5	fit
7	1	18	alii septem.
7	2	15	nomine nihil quidem.
8	2	6	definitum.
9	1	1	confirmabitur.
10	1	9	contrario
10	1	25	iniquoq; animo
13	1	22	Quis ergo?
14	2	21	præsens offertur.

Pa.	Fa.	Vers.	lege.
15	1	12	ne in syncera.
16	2	15	liceat fraudem.
17	2	1	ad quos peruenerit.
17	2	18	Nemini,
20	1	13	satis liquet.
21	2	10	lege si non sortem.
25	1	4	Calamitosius.
25	1	10	supercilium, oporteat.
26	2	19	Causa.
27	2	5	imprudentiae
32	1	13	amplitudo, & utilitatem:
33	1	2	munificentiam
34	2	13	sententiae
36	1	10	Lex. 133.
39	2	20	utilitatem
42	2	13	firmamentum
46	1	10	su
47	2	11	isto
54	2	12	factum
58	2	29	quod
56	2	1	Taurinum
56	2	3	interpretationem



# DE DIVER

SIS REGVLIS IVRIS ANTI.

QVI Tit. 17. cum interpretationi-  
bus. F. Iammetij Textoris.

Lex prima. Paulus.



Regula est, quæ rem, quæ est, bre-  
uiter enarrat: nō ut ex regula ius  
sumatur: sed ut ex iure, quod est,  
regula fiat. Per regulā igitur bre-  
uis rerū narratio traditur, & (ut  
ait Sabinus) quasi causæ cōiectio:  
quæ simul cum in aliquo uiciata est, perdit officiū suū.

Interpretatio.



Legibus homines uiuunt cuiq; suum datur, om-  
nia malorum fomenta intereunt, ciuitates cō-  
tinentur. Nam uinculū huius uitæ, quo in rep.  
optimè constituta, fruimur. Quum sit robur  
& fundamentum libertatis, fonsq; uiuæ equi-  
tatis, animus & consilium, & scientia boni, po-  
sita in omni uirtute. Vt corpus cuiusq; sine  
anima sic respublica sine legibus, ut quoque mundus sine sole & stellis,  
sic homines sine iuris ciuili prudentia stare non possunt. Sunt igitur  
legum interpretes uiri boni, non auari, non fallaces, legum ministri in  
omni disciplina magistratus doctissimi. Legum denique omnes serui-  
simus, ut liberi esse possimus. Quorum quidem, ut facilius esset insti-  
tutio, prudēter uisum est Triboniano, quasi in fasciculū huius prudentiæ  
scitè dicta, breuiterq; enarrata, in unum colligere, quæ non immerito

uocitatur regule iuris, per quas, ea quæ crebri<sup>o</sup> cōtingunt, enarrare  
tur, nō ut inde uires suas sumeret ius nostrū, sed ut ex eo rerū no-  
strarū, quæ sunt, præcepta daretur. Nā, quemadmodū oēs artes, atq;  
disciplinæ habent sua principia, suasq; regulas, ita antiquum ius La-  
tinorum noluit nos carere eo, quod esset maxime necessarium. Sed di-  
ligenti cura nobis causas dilucide breuiterq; tradidit. Nam huius  
uitæ mores ac reip. status diriguntur, cum, breui ac succincta præ-  
ceptione, uelut rerum nostrarum iniectione, utamur, nisi cum exce-  
ptione tollatur nonnunquam, suo munere uacare.

### Lex secunda. Vlpianus.

**F**œminæ ab omnibus officiis civilibus, uel publi-  
cis remotæ sunt. & ideo nec iudices esse pos-  
sunt, nec magistratus gerere, nec postulare, nec pro  
alio interuenire, nec curatores, existere.

### Interpretatio.

**S**tatutum est, ut fœminæ, quæ etsi iudicio non careant, tamen ob  
suos mores fortasse incompósitos, & ad id minus potentes publi-  
ca munera non exerceant. Nam earum ingenium tam uarium,  
tanq; aut gloriæ aut uindictæ cupidum, ut exercere reip. magistratus  
nō possint, ubi summa constantia, & animi fortitudine opus est. Qua-  
re sunt procul non tantum ab iudicijs, sed etiam à consilijs eorum quæ  
curas ciuiles tractāt. Nam sæpe, ut hoc tempore usu uenire solet, earū  
opinionem & fallacia, si non palam, tamen clām iudicia feruntur. Nō  
minus autem in causis dicendis, aut officijs publicis nocerent mulie-  
res, quām inter adolescentes leno aliquis communis pestis ciuitatis.  
Careant igitur omni munere publico, arceaturq; à rep. perinde atque  
lupi à præsepibus & agnis.

### Paragraphus. Item impubes.

**¶**Item impubes omnibus officijs civilibus debet ab-  
stinere.

## Interpretatio.

Impuberem, ait Alciatus, intelligamus eum qui quatuordecim annos non expleuit. Qui constitutione prudentiū immunitatem à muneribus ciuilibus habet. Nam, etsi tanta hominum esset penuria, ut suis officijs res publica uacaret: non tamen qui ex ephebis non excessit, ad dignitates, officia, & honores admitteretur. Cum in ea ætate sit tanta imbecillitas & cōsiliij & rationis. Ineunte enim pueritia huc illucq; non secus quàm arundo agitata uēto, in omnem partē ducitur.

### Lex tertia. Vlpianus.

¶ Eius est non uelle, qui potest, & uelle.

## Interpretatio.

Quantum ad iura ciuilia attinet, sunt personæ, inter quas serui & impuberes omnes numerantur, quæ uelle & non uelle finguntur non habere. Nam hæc diu taxat, cum sint in aliena potestate, si contrahant, uendant, aut emant, nihil agunt. Sed qui iure suo uiuit, ex testamento legatum accipiat, aut non accipiat, sibi liberum erit.

### Lex quarta. Vlpianus.

¶ Velle non creditur, qui obsequitur imperio patris, uel domini.

## Interpretatio.

**H**oc caput quartum, interpretari tertium præcedēs uidetur, indicans eos qui ex uoluntate sua in contractibus aut negocijs publicis locum nullum habent, quemadmodum est genus seruorum, & qui in patris potestate, ut obsequatur, positus est. Eius enim generis homines, etiam inuiti morem gerere aut domini aut patris legibus coguntur, nisi in admissis atrocibus, qualia sunt, furari, occidere, aut uim inferre. In alijs uero quæ sunt leuiora, ut puta fallere, inertiri, aut concunscibere, in quibus deliquerint, poenā istorū remitti declaratur.

Lex quinta. Paulus.

**I**N negocijs contrahendis alia caussa habita est furiosorum: alia eorum, qui fari possunt, quamuis actū rei non intelligerent: nam furiosus nullum negociū cōtrahere potest: pupillus omnia tutore auctore agere potest.

Interpretatio.

**H**AEC lex distinguit furiosum ab impubere in eo, quod sepe occurrit, uaria dubia afferens, ut contractū forma optima cognoscatur, primum furiosus, quum non possit, per dementiam consentire, si conatus fuerit contrahere, nullius momenti erit talis contractus. Impubes uerò, qui loqui potest, licet rerum ipsarū actus parum intelligat, patre suo consentiente, aut tutore auctoritatem suā interponente, omnia cōtractuum genera ut in perpetuum ualeant, cōponere uidebitur.

Lex sexta. Vlpianus.

**N**on uult hāres esse, qui ad alium transferre uoluit hāreditatem.

Interpretatio.

**C**Vi legitima hereditas erat, aut iure successionis, aut testatoris extrema uoluntate concessa, is, ut puta, filius familias, si sponte sua repudiarit hāreditatē, for te quod frater erat substitutus, postea si aliquo pacto illam uindicare uoluerit, repulsam patietur. Nisi minor uiginti quinque annis fuerit, qui beneficio suum principis restitui potest.

Lex septima. Pomponius.

Ius nostrum non patitur eundem in Paganis, & testatō, & intestatō decessisse: earumq; rerum naturas liter inter se pugna est.

### Interpretatio.

**Q**ui è militia remissi sunt, ut sub titulo de militari testamento eleganter tractatur, tamq; non exercent: quales sunt, qui domi suæ, aut in agris sui commodi uoluptatisq; gratia (non ut rei publicæ inferuiant) uersantur: quam natura res inter se pugnantes nusquã admittat, testamentũ facere & non facere uidentur. Sed tantum alterum fieri necesse est. Militibus uero ob suum priuilegium, quod etiam dicitur ad annum missicis, pro parte testari, & pro parte non testari, & uita decedentibus concessum est.

### Lex octaua. Pomponius.

**I**ura sanguinis nullo iure ciuili dirimi possunt.

### Interpretatio.

**C**um sanguinis iura sint naturalia, non subijciuntur humanis legibus, quibus immutari non dicuntur. Ius enim naturæ & pudor faciunt in contrahendis matrimonijs, ne aliquo iure ciuili, ut manumissione, aut ciuitatis amissione, permittatur patrem filiam suam uxorem ducere, quod est contra naturam. Nec sine necessitate cogeret, quæ uidetur esse naturæ in multis domina.

### Lex nona. Vlpianus.

**S**emper in obscuris, quod minimum est, sequimur.

### Interpretatio.

**V**bi quid, aut obscurum, aut ambiguum apparet, receptum est, quod minus exiguum uideatur illud esse, de quo actum fuerit, ut puta, legando aliquos seruos, communes continentur. Idem dicas in pecunia, de qua dubium mouebitur.

### Lex decima. Paulus.

a. ij.

### Lex decima. Paulus.

¶ Secundum naturam est, commoda cuiusque rei cōsequi eum, quem sequuntur incommoda.

#### Interpretatio.

Natura, quam imitatur ius ciuile, quum sit omniū rerū mater, ac quæ læsa sint, per eam reficiantur, induantq; meliorem formam, non permittit aliquem in uno iacturam passion, quin in altero non compenset. Facit enim, ut pro sumptibus factis debitæ quantitatis compensatio opponatur.

### Lex undecima. Pomponius.

¶ Id quod nostrum est, sine facto nostro ad aliū transferri non potest.

#### Interpretatio.

Non tantum bona nostra, sed etiam iura quæ ad nos pertinent, nisi consentiamus, aut opera nostra factum fuerit, aliorū fieri non est necesse. quid? nuptiæ consisterent si non conuenirent omnes, quorum interest? Esset ne contractus in filij conuentione, sine patris sui consensu? aut in rerū domini alienatione, si immunis esset seruus autoritate domini?

### Lex duodecima. Paulus.

¶ In testamētis plenius uoluntates testantiū interpretantur.

#### Interpretatio.

Cum testantibus leges magis faueant, q̄ contrahentibus, eorū uoluntates plenius ac citra alēā dubij si aliquid in testamētis occurrat, interpretari debent. Nam in uino legato, etiam si nulla fuit mentio de uasis, uasa uideri legata, nemini sit dubium.

## Lex decima tertia. Vlpianus.

¶ Non uidetur cepisse, qui per exceptionem à petitione remouetur.

## Interpretatio.

Non uidemur res ipsas amittere, quando eas nostras fuisse dicere nō possumus. Legata autem in testamento relicta, consultō inducta si appareant. Ut non ualent, sic nec ad nos petinent, quum ea petēdo exceptione remoueremur.

## Lex decima quarta. Pomponius.

¶ In omnibus obligationibus, in quibus dies non ponitur, præsenti die debetur.

## Interpretatio.

Quoties dies obligationis in contractu non apponitur, facit stipulanti potestatem petendi pecuniam, aut id de quo stipulatum est, pro animi sui sententia, etiam si uelit præsenti die, quā si adiectus esset pro reofacerent.

## Lex decima quinta. Paulus.

¶ Qui actionem habet ad rem recuperandam, ipsam rem habere uidetur.

## Interpretatio.

Illud inter bona nostra numeramus, quoties aduersus eos qui possident, actione recuperamus: aut cū amiserimus, id legū beneficio iudicare nobis conceditur. ut puta, si audierimus, quod ad nos, cum armis uenirent nonnulli, domos dereliquerimus uacuas. Locus erit, ut eas interdicto unde in consequamur, quasi in deiectione.

Lex decimasexta. Paulus.

¶ Imaginaria uenditio non est precio accedente.

Interpretatio.

**S**I inducamus præsentium animos in uenditionem & nudam & imaginariam (qua rei alienatio non sit) ut tantam fidem faciamus, & representemus, ut credant esse uerum contractum, cum longè aliter sentiamus, & pretium nondum solutum fuerit, pro non facta intelligetur: Sin contra solutione interueniat, reuera ea uenditio non censetur imaginaria, sed perfecta, minimeq; ficta, cum nullum in se fucum recipiat.

Lex decima septima. Paulus.

**C**um tempus in testamento adijcitur, credendum est pro hærede adiectum: nisi alia mens fuerit testatoris: sicut in stipulationibus promissoris gratia tempus additur.

Interpretatio.

**D**ies à testatore adiectus efficit, legemq; imponit pro herede, ut ne à quoquam ut puta à legataris, (nisi consentiat) in iudicium pertrahatur, ante ipsius diei aduentum si non appareat ipsum aliter in tabulis suis sensisse. Qui enim stipulatur hoc mense aliquid sibi dari, omnibus mensis partibus præteritis recte petetur.

Lex decima octaua. Pomponius.

**Q**uæ legata mortuis nobis ad hæredem nostrum trāsunt: eorum commodum per nos his, quorum in potestate sumus, eodem casu adquirimus; ali-



ter, atque quod stipulati sumus. Nam & sub conditione stipulantes, omnimodo eis adquirimus, etiam si liberatis nobis potestate domini conditio existat.

### Interpretatio.

**Q**uemadmodum post mortem nostram legata, quæ ad nos pertinebant, transeunt ad eos qui nobis succedunt, ita pari ratione hæc, in quorum potestate sumus commoditates legatorum, quæ ad nos deueniunt, ac debentur adquirimus. Nam si dies legati cesserit, & legatarius uitæ suæ dies extremos clauferit, illud ad suos hæredes omnino transfertur. In stipulationibus autem, etiam pendente conditione, dominis aut patri: us omnimodo acquiritur. Nec obstat: cum libertatis conditio nondum cesserit. In bonis enim meis aderit quod seruus meus per stipulationes nactus fuerit.

### Paragraphus. Si filius.

**S**i filius sub conditione stipulatus, emancipatus fuerit, deinde extulerit conditio: patri actio competit: quia in stipulationibus id tempus spectatur, quo contrahimus.

### Interpretatio.

**S**i ante emancipationem filius fecerit contractum pendente conditione, deinde cum ea aduenerit, patri suo naturali acquisuisse dicitur. Cum duntaxat id temporis in contractibus spectetur, quosint facti, non conditionis exitus.

### Lex 19. Vlpianus.

Qui cum alio contrahit, uel est, uel debet esse non ignarus conditionis eius.

## Interpretatio.

Vbi à nobis fuit cōtractus, eorum conditiones, cum quibus contra-  
ctum est, oportuit prius cognouisse, ut si quid consequatur incommodi,  
illud merito ad nos nos pertinere, nemo ignoret. Nam leges nō sinūt,  
imperitæ etatis homines, quales sunt minores aut pupilli, iacturam fa-  
cere ob infantie inconstantiam.

## Paragraphus. Hæredi.

¶ Hæredi autem hoc imputari non potest, cum non  
sponte cum legatarijs contrahat.

## Interpretatio.

Hæres (dum ex testatoris uoluntate id præstare tenetur, quod da-  
ri uisum est) ignorans cuius sint conditionis, an minores aut pupilli  
necne sponte sua, ut se è uinculis eximeret, fortasse omnia legata solu-  
it, ideo non sibi imputabitur, quam fideli animo, ac minime fallaci id  
fecerit.

## Paragraphus. non solet.

¶ Non solet exceptio doli nocere his, quibus uolun-  
tas testatoris non refragatur.

## Interpretatio.

Pendente legatorum conditione interim hæres petere potest, nec  
doli mali exceptione submouendus est, cum possit etiam talis condi-  
tio deficere. Nec autem hæc petitioni testatoris uoluntas obuiam ue-  
nit. Caueat igitur hæres ne postea submoueat.

## Lex uicesima. Vlpianus.

**¶** Quoties dubia interpretatio libertatis est: secundū libertatem respondendum erit.

Interpretatio.

**L**ibertas tanti facienda est, ut cum de ea dubium subortum fuerit, modo satisfactum uoluntati uideatur, quod magis est, ad eam perueniatur. Clarius enim uidendum de uentre cui libertas relicta est, ex quo filius unus natus ad libertatem iussus erat peruenire. Cum plures uno nascantur, omnes liberos fore certo certius est.

Lex uigesima prima. Vlpianus.

**¶** Non debet, cui, quod plus est, licet, quod minus est, non licere.

Interpretatio.

Cui licet, quod est maius eidem debet licere quod est minus: in ea sanè sunt conditione, quā habent castrense peculium, ut causa mortis donare possint, quon etiam eiusdem peculij habeant testamenti factionem.

Lex uigesima secunda. Vlpianus.

**¶** In personam seruilem nulla cadit obligatio.

Interpretatio.

Iure civili personæ seruiles, aliquo obligationis uinculo obstringi minime possunt. Cum nec quicquam debere, aut illis deberi, dicatur. Modo ad ius civile earum obligationem referas. Nam illud no-

mine sui domini fieret, qui aut peteret, aut in eum actio daretur.

### Paragraphus. Generaliter.

**G**eneraliter probandum est, ubicunque in bonæ fidei iudicijs cōfertur in arbitrium domini, uel procuratoris eius conditio, pro boni uiri arbitrio hoc habendum esse.

### Interpretatio.

In summa dicendum nobis est. Vbicunq; alicuius conuentio, aut conditio iacebit inter iudicia bonæ fidei, illius sententia erit habenda pro arbitratu uiri boni. Id autem in locationis lege continetur, ut res ipsa iudicio domini comprobetur perinde tamen, ac si arbitrio boni uiri fuisset comprobata. Nam fides bona exigit, ut uiro bono conueniat.

### Lex 22. Vlpianus.

**¶** Contractus quidam dolum malum duntaxat recipiunt, quidam & dolum & culpam. Dolum tantum: depositum, & precarium.

### Interpretatio.

**I**n principio Vlpianus diuidit contractum in duas partes. In altera contractus & dolum & culpam recipit, ut suo loco dicitur. In altera, dolum malum duntaxat, qui in duobus contractibus bonæ fideiprehenditur. In deposito enim (quod ad custodiendum datur) is non caret dolo, qui non est, diligens ad eum modum, quem hominum consuetudo desiderat, Talemq; illi diligentiam, qualem suis rebus præstitisset, non dedit. In precario autem (quod precibus petenti utendum conceditur) uideamus de eo, qui rem precario nactus est, & postea alienauit. Apponi sibi dolum, dubium non est, quum fecit ut habere desineret. Sed ne defugiat, ex Pauli sententia sub titulo de rerū

& uerborum significatione, in capite lex, magna negligentia culpa est  
magna culpa dolus est.

### Paragraphus. Dolum & Culpam.

¶ Dolum & culpam: mandatum, commodatum, uen-  
ditum, pignori acceptum, locatum, item dotis datio, tu-  
telæ, negocia gesta. In his quidem & diligentia, sed  
& societas & rerum cōmunio & dolum & culpam  
recipit, sed hæc ita: nisi si quid nominatim conuenit,  
uel plus, uel minus in singulis contractibus.

### Interpretatio.

**V**T uno uerbo hunc uersum intelligamus, octo primi cōtractus  
non solum dolum & culpam, sed & diligentiam (de qua sa-  
tis in prima parte huius capituli) recipiunt. Duo uero postre-  
mi societas & rerum communio dolum & culpam. Quare in his decē  
contractibus bonæ fidei hoc in præsentiarum cognoscere sufficiat. In  
commodato (quod est rei mobilis) ubi utriusque utilitas uersatur, &  
dolus & culpa præstari debent. Sed si sçogitaueris, quid mandatum  
quid commodatum? quid uenditum? & quid alijs emprũ: recurras ad su-  
os titulos pãdectarum, uel consule eos, qui sunt uocabula interpretati.

### Paragraphus. Nam hoc.

¶ Nam hoc seruabitur, quod initio conuenit (legem  
enim contractui dedit) excepto eo, quod Celsus pu-  
tat, non ualere, si conuenerit: ne dolus præstetur. Hoc  
enim bonæ fidei iudicio contrariũ esse, & ita utimur.

### Interpretatio.

In his bonæ fidei conuentionibus, id maxime seruandū, quod à principio fuit appositum, cum legem esse in contractu dicatur. Nisi conuentum fuerit de dolo non præstando, de quo autem nulla pactio fieri potest, ut dolus malus, qui fortasse postea futurus est, ne præstetur. Quoniam repugnaret iudicij in capite præsentium enumeratis. A quibus bonam fidem abesse, omnino effici non potest.

### Paragraphus. animalium.

¶ Animalium uerò casus, mortesq;, quæ sine culpa accidunt: fugæ seruorum, qui custodiri non solent: rapinæ, tumultus, incendia, aquarum magnitudines, impetus prædonum à nullo præstantur.

### Interpretatio.

Quod positum est, in fortunæ arbitrio, & quodam casu accidit, quum fortuitos casus nemo suis consilijs, & prudentia præuidere possit, eius nomine præstandum erit. Quoniam sine culpa aut dolo malo hominum eueniunt. Fortunæ autem, si ulla esse potest, non homines, sed fortuna hominibus, rebusq; suis imperat & dominatur.

### Lex 24. Paulus.

¶ Quatenus cuiusque intersit, in facto, non in iure consistit.

### Interpretatio.

Quod res uendita tradita non sit id, cuius interest, (nam fortasse, emptoris iactura factū est) non ipso iure, sed pro facti natura scietur.

### Lex 25. Pomponius.

¶ Plus cautionis in rem est, quàm in personam.

### Interpretatio.

Præstat cautum esse in rem, quàm in personam. Res enim immobiles non furto, nõ armis auferuntur. Personæ autem multis fortune casibus sunt obnoxie. Non igitur immeritò uisum est, ut hoc consilio & dogmate in rebus suis & tutiores & prudentiores fiant homines.

### Lex 26. Vlpianus.

Qui potest inuitis alienare: multo magis & ignorãtibus, & absentibus potest.

### Interpretatio.

Cum tutor res pupilli, quæ seruari diutius non possunt, ut puta, uinum, frumenta, oleum, fructusq; annui, eo etiam inuito, non prohibetur distrahere. Eius igitur præsentia aut scientia in alienatione non est necessaria.

### Lex 27. Paulus.

¶ Nec ex prætorio, nec ex solenni iure priuatorum conuentione quidquam immutandũ est: quamuis obligationum causssæ pactione possunt immutari, & ipso iure, & per pacti conuentionem: quia actio nummodus, uel lege, uel per prætorem introductus priuatorũ pactioibus non infirmatur: nisi tunc, cum inchoatur actio, inter eos conuenit.

### Interpretatio.

**I**Vra prætoris (que iniurias, raptus bonorum, furti prohibent, & puniunt, illi senim in furti manifesta, & in uim bonorum raptorū agimus) Iusque Ciuile (quod prudentes noluerūt, & certum & solemne, quo ad ea quæ non coram sed clām & occulte fuerunt sublata etiam datur actio) non possunt priuatorum conuentione immutari. Cum semel illis uiribus ob malorum cohercionem definitum fuit, ne cesse est, ut suum finem sortiantur. Aliter autem omnia in peius essent libera. Quamuis ipsum ius, aut pacti exceptio causas obligationum aliquo pacto infirmari permittant. Nam leges & prætorum ædicta fines & modum actionibus præscripserunt, ne priuati homines suis pactis inuenterent. Nisi tunc inceperint actiones cum inter eos conuention fuit.

### Lex 28. Vlpianus.

¶ Diuus pius rescriptit eos, qui ex liberalitate sua cōueniuntur, in id quod facere possunt, condemnandos.

#### Interpretatio.

**S**Ponte sua, quod esset liberalis, promiserat, non autem coactus, sique defectus facultatibus, si conueniatur antequam daret, spectabit iudex, ne in id quod sibi difficile, ac præter suas uires esset, sententiam ferat. Cum illi, cui dono datum est, imputari debeat, qui ad solutionem non præcipit auit.

### Lex 29. Paulus.

¶ Quod initio uiciosum est, non potest tractu temporis conualescere.

#### Interpretatio.

Quod semel non ualuit, postea temporis successione alicuius momenti fieri nullo pacto dicendum est. ut puta, data libertate seruo alie-



no, datio libertatis non confirmabitur aditione hereditatis, eius qui manumisit. Nam ea à principio iuris autoritate nõ ualebat.

### Lex 30. Vlpianus.

¶ **Nuptias non concubitus, sed consensus facit.**

#### Interpretatio.

Matrimonium non perficitur solo concubitu sine consensu, quo etiã, (ut inter consulares personas absentes subsecutum,) nuptias contra hi certum est, legum dispositione. Non enim carnis operatio nuptias facit, sed maritalis animus. Qui igitur inuicem honorem matrimonij habuerunt sola affectione, hi sine ulla dubitatione coniuncti dicuntur.

### Lex 31. Vlpianus.

¶ **Verum est neque pacta, neque stipulationes factũ posse tollere. quod enim impossibile est, neque pacto, neque stipulatione potest comprehendì, ut utilem actionem, aut factum efficere possit.**

#### Interpretatio.

Si quis spondeat sanum esse, inutilem stipulationem uideri placet Vlpiano, quum impossibile sit quod promittitur, cum quis non est sanus. Nam si non est, in ea causa frustra est. Non igitur efficit talis stipulatio factum ipsum, nec erit actio utilis, nisi ad id quod interest, quod sanus non est.

### Lex 32. Vlpianus.

¶ **Quod attinet ad ius ciuile, serui pro nullis habentur, non tamen, & iure naturali: quia quod ad ius naturale attinet, omnes homines æquales sunt.**

## Interpretatio.

Factum est legum sanctione, ac edictis prætorum ad uincula obligationum, aliarumq; rerum civilium seruos esse nullos. Nam ad solennia non adhibentur, cum quibus communionem non habent. Non tamen ita à natura, apud quam nulla est personarum acceptio, cum sui munere omnes homines liberi nascantur. Facultas enim faciendi, cuiq; quod libet data est, nisi quod iura prohibent.

### Lex 33. Pomponius.

¶ In eo, quod uel is qui petit, uel is à quo petitur, lucri causa facturus est: durior causa est petitoris.

## Interpretatio.

Melior causa eius est, cuius nomine, aut in quem agitur, quam sit eius, qui petit, ut rem suam faciat meliorem. Iura enim possidendi fauent, quæ autem illum tumentur, qui prior ius possessionis apprehenderit.

### Lex 34. Vlpianus.

¶ Semper in stipulationibus, & in cæteris contrahentibus id sequimur, quod actum est, unde si non paret quid actum est: erit consequens, ut id sequamur, quod in regione, in qua actum est, frequentatur. Quid ergo si neque regionis mos appareat, quia uarius fuit: ad id, quod minimum est, redigenda summa est.

## Interpretatio.

Observatur, quod apparet esse factum inter contrahentes. si minus cognoscatur, loci in quo conuentio uidebitur esse facta, consuetudo.

do, quæ illic est omnibus communis maximeq; frequens, obseruari censetur. Quid? si ob uarietatem regionis nec discerni, nec iudicari possit, de minimo iudicium feratur. In obscuris autem, de quibus ante dixi, quod minimum est, sequimur.

### Lex 35. Vlpianus.

¶ Nihil tam naturale est, quàm eo genere quodque dissoluere, quo colligatum est: ideo uerborum obligatio uerbis tollitur: nudi consensus obligatio cōtra. Etio consensu dissoluitur.

### Interpretatio.

Est secundum naturam, maximeq; hominibus appositum, ut eodem iure solutionis liberentur, quo alieni nominis debitores facti sunt. Vt enim uerborum contractus solis uerbis, aut pereunt, aut soluntur: ita licet opportunumq; est, contrario consensu tolli, quæ posita fuerūt consensu. Hoc dicendum est, cum abeundum nobis sit ab emptionibus, locationibus, cæterisq; similibus obligationibus.

### Lex 36. Pomponius.

¶ Culpa est immiscere se rei ad se non pertinenti.

### Interpretatio.

Qui immiscet falcem suam in messem alienam, quam nec seuit, nec coluit ob suam culpam tanquam reus condemnandus est. Cum homines enim hominibus officium præstare debeant, non uero incommodum. Quemadmodum puer furto sublati, & impensis furis creuerit in adolescentia æstimari debet. Rem enim alienam tanquam suam, sed mala fide, iniquo animo curauerat. Ab eo igitur condici, nemini dubium sit.

### Lex 27. Vlpianus.

b. ij.

¶ Nemo, qui cōdemnare potest, absoluerē nō potest.

Interpretatio.

In eum sententiam ferre nemo debet, pro quo suū iudiciū foret inutile. Necesse est igitur, qui uolet eo munere fungi, id potestatis imperasse ab habente. Quod si aliter contingat, nihil fieri censeatur, quā quod se prodāt ac reos ostendāt, qui talia in posterū conabūtur.

Lex 38. Pomponius.

¶ Sicuti pœna ex delicto defuncti hæres teneri non debet; ita nec lucrum facere, si quid ex ea re ad eum peruenisset.

Interpretatio.

In rebus priuatis parentum admissa (si poenam illis uitam agentibus efflagitassent) ad suos hæredes non descendūt. Quemadmodum post mortem illorum omnia lucra, quæ inde fuissent profecta, ad istos non debent pertinere. Nam legibus uisum est, turpes fructus ab hæredibus extorqueri, quamuis cum authore suo crimina exterminentur.

Lex 39. Pomponius.

¶ In omnib<sup>9</sup> causis pro facto accipitur id, in quo per alium mora est, quo minus fiat.

Interpretatio.

Factum esse putatur, quū per alium mora iniecta est, unde secution sit, ne esset, quod postularetur. Ita dicas de eo, cui uenia data est per diuum Seuerum, cum ob iudicis uiolentiam, libellos appellationis illi non obtulisset. Sed tantum publice proposuisse postea obtestaretur.

Lex 40. Pomponius.

¶ **Furiosi, uel eius, cui bonis interdictum sit, nulla uoluntas est.**

**Interpretatio.**

Nullius est momenti, quod à furioso, uel prodigo factum est, si inde suum incommodū consequatur. Cum uterque legum prudentia sine uoluntate, & per omnia, & in omnibus loco absentis censeatur: Vnde nobis prohibetur, ne quid cum illis contrahamus.

**Lex 41. Vlpianus**

**Non debet actori licere, quod reo nō permittitur.**

**Interpretatio.**

Cum magis faueant iura reo, quàm actori, rationi consentaneum esse debet, ut huic non concedatur, quod nequaquàm illi concessum foret. Et à contrario sensu, si quid ipsi actori permittatur, eodem uti reum ipsam palam est. Contra autem non per omnia nec in omnibus. Què admodum iudex actoris causæ, ut rem suam probationibus meliorem faciat, aliquot dies protrahit. Pari modo erga reum ipsum, iudicium exercebit.

**Paragraphus. In re obscura.**

¶ **In re obscura melius est fauere repetitioni, quàm aduentitio lucro.**

**Interpretatio.**

Iurisconsultorum cautio est, in pecunia aut in alijs rebus, quæ in obscuro sunt, ob solutionem indebitæ, & animo titubante factam, ut potius condiceretur, quàm qui receperit apud se perpetuo conseruaret, tanquam lucrum aliunde profectum sine causâ legitima. Modo iudici id, uerè idoneisq; probationibus appareat, quod hic est propositum.

**Lex 42. Caius.**

b.iiij.

¶ Qui in alterius locum succedunt, iustam habent causam ignorantiae, an id, quod peteretur, deberetur.

#### Interpretatio.

Aliquid deberi nomine hereditatis, heredes causam ignorantiae iustam habent, qua interim simulent, & animadvertant. An dolo malo fiat, quo id quaeratur, necne? An sit aliqua iusta causa propter quam intelligant se facere, aut dare oportere, ut tandem veritatis uestigium appareat.

#### Paragraphus. Fideiussores.

Fideiussores quoque non minus quam heredes, iustam ignorantiam possunt allegare.

#### Interpretatio.

Eodem modo, ut in heredibus, tractandum erit de fideiussoribus, qui cum nunquam cognitum habuerint de pecunia, quam is deberet, cuius nomine fideiusserunt, eodem telo sunt protegendi, quo suos adversarios feriant, si post longam inquisitionem iniquo animo, cum ipsis actionem fuisse uideatur.

#### Paragraphus. Hac ita.

¶ Hac ita de herede dicta sunt, si cum eo agitur, non etiam si agat. Nam plane qui agit, certus esse debet: cum sit in potestate eius, quando velit, experiri: & ante debet rem diligenter explorare, & tunc ad agendum procedere.

#### Interpretatio.

Sanè intelligendum est de heredibus, modo cum ipsis agatur. Nam si agerent, jillo beneficio non uterentur. Plane enim erat in eorum po-

testate, antequam experirentur dignoscere. quomodo sese res haberent, ob eam causam diligentia, qua potuerunt meliori, scrutantur, antequam litem incipiant. Nam tunc illis non condonaretur, cum ad agendum processissent, & incertum debitum, sibi deberi cognoscerent.

### Lex 43. Caius.

¶ Nemo ex ijs, qui negant se debere, prohibetur etiā alia defensione uti, nisi lex impediat.

### Interpretatio.

Et si, qui negat se debere, habeat diuersas exceptiones, tamen cum silentio iudicij audietur, licet nullum ius in ea re sibi esse uidebitur. Cōtra sentiendum, quando ex lege aliquid impeditenti suborietur, ut puta cum quis de mendacio conuictus erit, posthac nihil illi lex condonabit, sed magis poenam præscribet sui sceleris dignam.

### Paragraphus. Quoties.

¶ Quoties concurrunt plures actiones eiusdem rei nomine: una tantum quis experiri debet.

### Interpretatio.

Quando multis actionibus nostram rem persequi, nobis liberum erit, facultate legum ad experiendum una tantum concedetur. Per alteram enim altera cōsumeretur. Si quem igitur in iudicium deducas ob actionem mandati, aut societatis, aut negotiorum gestorum, consulas, qua breuius, & tibi utilius rem ipsam peragere possis.

### Lex 44. Caius.

b.iiij.

¶ Toties in hæredem damus actionem de eo, quod ad eum peruenit : quoties de dolo defuncti conuenitur, non quoties ex suo.

### Interpretatio.

Hoc perpetuum erit, ut in hæredem detur talis actio, de eo solummodo, quod ad eum peruenisse uidebitur, ex dolo defuncti, cuius hereditatem adiit. Etiam si immineat debitum ex conditione, quod in occulto erat.

### Lex 45. Caius.

Neque pignus, neque depositum, neque precarium, neque emptio, neque locatio rei suæ consistere potest.

### Interpretatio.

Quæ his contractibus bonæ fidei ab aliquo seruatur inter bona sua, consistere non possunt, donec desinant suspicionem carere, uel in aliam appellationem transierint. Tunc enim suis rebus adiungi sine controversia, nemini sit dubium. Nam si fur apud me deposuerit rem furto sublatam, nullum est depositum, ob id compelletur id restituere, quod à me acceperat.

### Paragraphus. Priuatorum.

¶ Priuatorum conuentio iuri publico non derogat.

### Interpretatio.

In re familiari possumus pacisci, ut de furto, de actione iniuriarum, quemadmodum leges permittunt. Non autem in re publica, ut de imperio prætoris, quo mandabatur, ne quid fieret, quod nouum esset, sine suo, aut populi consensu, eo iure utimur, cum ita distinguatur.

### Lex 46. Caius.



**¶** Quod à quoquam pœnæ nomine exactum est, id eidem restituere nemo cogitur.

**Interpretatio.**

Exigere nemini cõceditur, quod nomine suæ pœnæ alteri soluerat, qui quouis pacto non tenetur ad restitutionem cum debeat accipientis lucto cedere, id enim in sortẽ non dicitur numerari. Veluti de eo quã pignus furto surripuit.

**Lex 47. Vlpianus.**

Consilij non fraudulentum nulla obligatio est. Cæterũ si dolus & calliditas intercessit: de dolo actio cõpetit.

**Interpretatio.**

Qui consiliũ sine fraude, ac calliditate dedit, ex eo nullam sibi contrahit obligationem. Est enim cuiq; liberũ inquirendi, an sibi consilium expediat, ueluti te hortatus sum, ut tua pecunia, quam demi otiosam obseruabas alicui crederes, uel uicinũ fundum tibi coemeres. Sin id datum esse maliciose astutoq; animo apparebit, ut circumscriberet, palam est, in eum de dolo actionem competere.

**Paragraphus. Socij.**

**¶** Socij mei socius, meus socius non est.

**Interpretatio.**

Si consensu societas contrahatur, mihi socius non erit, quem in societatem recipere noluerim, aut de quo nulla fuit mentio. Qui ergo: qui admissus est, solus socius dicetur. Non enim socius mihi erit, quã cũ meo socio utitur societate, cum me cum nullo modo conuenerit.

**Lex 48. Paulus.**

**¶** Quidquid in calore iracundiæ, uel fit, uel dicitur: non prius ratum est, quàm si perseverentia apparuerit iudicium animi fuisse. Ideoq; breui reuersa uxor, nec diuortisse uidetur.

### Interpretatio.

Nihil est similius insanie, quàm ira, aut iracundia, quæ tota est leuitatis. Prouisionem igitur, ne quid, quod factum esset per calorem iracundiæ æstuantem, approbaretur, quo ad illius rei constantiam, aut animi iudiciũ manifestè cognosceremus. Mulier enim si sine mora ad maritum redierit, fecisse diuortium non iudicabitur. Breue enim tempus pro nullo est.

### Lex 49. Caius.

**¶** Alterius circumuentio alij non præbet actionem.

### Interpretatio.

Cum diuinare nemo potest de eo, quem in suis negocijs accipit, an postea sit futurus bonæ fidei, necne? Huic incommodo, si quando contingat, cautum est, ne eius circumuentione sibi actio acquiratur, ut puta procurator, ut ageret datus erat, uel omnium rerum administrator, in quibus quid dolo malo fecit. Reuera erit excipiendum, si inde actio consequatur, quoniam dolus suum aut hominem habeat.

### Lex 50. Vlpianus.

**¶** Culpa caret, qui scit, sed prohibere non potest.

### Interpretatio.

Vbi peccatum est, eius scientia, aut patientia exigitur, qui poterat prohibere, & non prohibuit, uel consilio adiuuit seruum delinquentem,

uel alium sibi suppositum. Filius enim sciente patre si aliquem occiderit, patrem etiam lege aq̄lia teneri, palam est. Sin uiderat, & nullo modo facere potuit, quo minus coeptum perageret, is omnino culpa caret.

### Lex 51. Caius.

¶ Non uidetur quispiam id capere, quod ei necesse est alij restituere.

#### Interpretatio.

Cepisse non uidetur, quoties apud eum, id quod cepit non est remansurum. Cum capere sui natura, dominium exigebat, atque eo acquisitionis effectus intelligendus sit. Is enim qui hereditatem alij restituere condemnatus est, eandemq; alteri administrauit, non cepit, ob id nullum incommodum debet sentire, aut in legatis, aut in testamentis suo nomine factis.

### Lex 52. Caius.

¶ Non uidetur defendere, non tantum qui latitat, sed & is, qui præsens negat se defendere, aut non uult suscipere actionem.

#### Interpretatio.

Dum quis iudicium accipit, uel suo nomine accipere iubet, cum iudicatū solui satis dederit, rectè defendere uidetur. Sed si autem coram iudice, uel aduersario nominatim negauerit, aut, cum ipse lateret, actionem repudiauierit, defendere non dicitur.

### Lex 53. Paulus.

**Cuius per errorem dati repetio est, eius consultò dati donatio est.**

**Interpretatio.**

Quod solutionis causa per errorem datum est, cum non cōsentiāt, qui errāt etiam si aliquid inde secutum fuerit sine dubio conditione potest repeti. Si uero matura deliberatione, ac de hac re capto consilio soluerit, donasse uidebitur sine rei datæ ulla repetitione. Nā addita hæreditate consultò solutis legatis in integrum non restituitur.

**Lex 54. Vlpianus.**

**¶ Nemo plus iuris ad alium transferre potest, quàm ipse haberet.**

**Interpretatio.**

Tradēdo, ad alium nihil maius, aut minus traducere, uel debemus, uel possionus, quàm quod est apud nos. Tale enim rerum dominium ad accipientem peruenit, quale erat, unde profectum est. Si forte fundus, cui seruitus debetur, traditus est, ea conditione manebit apud eum qui accepit.

**Lex 55. Caius**

**¶ Semper in dubijs benigniora præferenda sunt.**

**Interpretatio.**

Vbi quid adest, atque præsens affertur, in quo dubium esse, per suum est: tunc erit agendum, ut minus dubium sequamur. Qui enim sine malo animo rem aliquam occupauit, sum furem esse, & sanè plerumque non credemus. Cum potius sit opinandū suo iure usum: cum absit fur-ti consilium, & fortasse in parte dominus rei fuisset.

**Lex 56. Caius.**

**¶ Nullus uidetur dolo facere, qui suo iure utitur.**

### Interpretatio.

Sententia uera est, eum non esse in dolo malo, qui in rebus suis, iure proprio usus est, modo id fecerit eo animo, ut sibi prodesset, & nemini damnum daret. Cui, consequens est, nullam doli actionem competere. Quando quod donare poterat, aut uendidit, aut cōduxit, inuito quocunq; alio, cum suum esset.

### Lex 57. Caius.

¶ Bona fides non patitur, ut bis idem exigatur.

### Interpretatio.

Iniustum, atque maximè impium esset, si quis sibi persuaderet, ac citra fidei æquitatem conaretur, uindicare ob iam eandemq; rem duplicem mercedem, duòq; præmia. Quod imprimis ne sincera republica sanctis legibus confirmata contingat, est cauendum. Nam cum semel sue rei pretiū consecutus, postea si uellet eandem petere, eum nequaquam id sit audiendū, doli exceptione erit repellendus.

### Lex 58. Vlpianus.

¶ Ex pœnalibus causis non solet in patrem de peculio actio dari.

### Interpretatio.

Cum filiis liberius uiuendi potestas nulla facta est. Et rem alienā, aut clam, aut ui sine patrum iussu inuito ipsius domino subtraxerunt. Ab ijs condici debet, non autem in patres de peculio actio danda est, nisi ea causa furtiua facti essent locupletiores. Nam uideretur cōtra leges patres ipsos ex delictis filiorum locupletari, nisi cum illis poenas darent.

### Lex 59. Vlpianus.

Hæredem eiusdem potestatis iurisq; esse, cuius fuit defunctus constat.

## Interpretatio.

Quemadmodum defunctus seruos suos hereditarios manumittere, aut in pistrinum ad necem usque dedere, uel suæ hereditati somnia iura alienare, & alia eius generis, poterat: Ita idem iuris heredi concessum est, qui defuncti uice fungatur post additam hereditatem. Similiterq; est obstrictus in his casibus, in quibus erat testator, ut aduersus heredem, uel sibi competat actio, per quem persona defuncti representatur.

## Lex 60. Vlpianus.

¶ Semper qui non prohibet pro se interuenire, mandare creditur. sed & si quis ratum habuerit quod gestum est: obstringitur mandati actione.

## Interpretatio.

Pro te presente uideor in tua causa patrocinari, si mihi nullum silentium interdiciendum imposueris, te enim mandasse intelligitur. Si uero in tua absentia rerum tuarum quæpiam per me gestam approbare vis, omnino in te mandati actio dabitur, qui eo nomine fueris obligatus meæ negotiationi. Idem iuris erit, si pro te mandato tuo soluerim, quod postea ratum habueris. Nam iure mandati te obligatum habebo.

## Lex 61. Vlpianus.

¶ Domum suam reficere unicuique licet: dum non officiat inuito alteri, in quo ius non habet.

## Interpretatio.

Nemo est, qui non possit suas domos, & ædificia in melius, cum ruinam minantur, aut aliter corrunt, componere. Etiam si eius uici-

nus nolit, atque impedire conetur, modo edificio, in quo ius non habet, nihil detrimenti afferat, quando nulla seruitus (ut puta altius tollendi) impedit, quo minus facultas sit illi ædificandi, aut restaurandi pro animi sui libertate.

### Lex 62. Iulianus.

¶ Hæreditas nihil aliud est, quàm successio in uniuersum ius, quod defunctus habuerat.

#### Interpretatio.

Bonorum omnium dominium (quod hæres dominus esse dicatur) cū Alciato appellare possumus hæreditatē, quæ omnino alteri succedit, uel ex institutione, uel ab intestato, uel quacumque alia forma legum sanctione obseruata: ubi omnia iura æquali libertate (nisi uoluntate testatoris quippiam immutatum esse appareat) postmodum exercebit. Quemadmodum defunctus ante mortem iure suo pro animi sui sententia fecerat.

### Lex 63. Iulianus.

¶ Qui sine dolo malo ad iudicium provocat, non uideatur moram facere.

#### Interpretatio.

Id studij, & conatus minimè est improbandum, quo quis sui tantum utilitate inspecta (non tamen ut insidias pararet) tutius ius suum persequeretur ad superiorem iudicem, causam uoluit deferri. Nihil inde incommodi, quemadmodum usurarium, aut sumptuum, cum nullam moram faciat, patietur. Nemo enim est sibi secundus, modo sit rationis particeps. In furibus autem non ita, qui perpetuò in rebus restituendis moram faciunt, eas autem non debebant auferre.

### Lex 64. Iulianus.

¶ Ea, quæ raro accidunt, non temere in agendis negocijs computantur.

### Interpretatio.

Quæ fortuito casu, & per raro accidunt, nõ solent ferè in albo eorum ascribi, quæ in causis legalibus uersantur. Nam ad id potius, quod est frequens & minime ambiguum leges nostræ ius humanum tutantes aptantur. His enim ea sola definiuntur, quæ hominum causa parata sunt, non autem fortuiti casus, cum de illis nihil certi constitui possit.

### Lex 65. Iulianus.

¶ Ea est natura cauillationis, quam Græci σόφισμα appellat: ut ab euidenter ueris per breuissimas mutationes disputatio ad ea, quæ euidenter falsa sunt, perducatur.

### Interpretatio.

Cum liceat frudem fraude trudere, ac par pari referre, id natura cauillationis, (quæ uocatur, σόφισμα, argumentũ sophisticũ) comparatũ est. Vt ab ijs quæ manifestè sunt probalia sententiam nostram tuendo callidè mutatis aut uerbis, aut sententijs aduersariũ inducamus ad id, quod est euidenter falsum. Hoc quidem tempore receptissimum est, iustam causam falsis rationibus tueri, ut falsè aduersariũ tractemus, & irrideamus. Cum ex facto ius nascatur, quo mutato, & ipsum variari necesse est.

### Lex 66. Iulianus.

¶ Marcellus notat. definit debitor esse is, qui nactus est exceptionem iustam, nec ab æquitate naturali abhorrentem.

### Interpretatio.



Nomine debitoris is frustra cōueniretur, qui aduersus omnes perpetua exceptione colligata, & connexa rationi, tutus esse potest, quoniam in eo amplius uersari, ab æquitate abhorret. Cum noua stipulatione prior inanire soleat. Nam opere nouo (ut moris est) nouius, quo uetus est abrogatū, sepe nasci uidetur. Quemadmodū enim replicatione exceptio tollitur, sic peritioni non legitimæ, nihil aliud deest, quàm ut æqua exceptione tollatur. Quod etiam frequētius usu uenire uidemus in bonæ fidei contractibus, qui contrario consensu dissoluantur.

### Lex 67. Iulianus.

¶ Quoties idem sermo duas sententias exprimit, ea potissimū accipietur, quæ rei gerendæ aptior est.

#### Interpretatio.

In sermone ambiguo, si duo sensus dicantur, utilissimū erit, maturæ consilij capiendæ deliberatione, altero uti in rebus nostris gerendis, quem tutiorem uidebimus. Nam (ut in stipulationibus) cum partes dissentiunt, nihil perici potest. Quod solo consensu omnes iuris ciuilis contractus perficiantur. Contra uero nullum negotium contrahatur.

### Lex 68. Paulus.

¶ In omnibus causis id obseruatur, ut ubi personæ conditio locū facit beneficio: ibi deficiente ea, beneficium quoque deficiat. ubi uero genus actionis id considerat: ibi, ad quemuis persecutio eius deuenierit, non deficiat ratio auxilij.

#### Interpretatio.

Id beneficij, quod solis personis, uel à principe, uel iure ciuili accommodatū est, ad earum successores non transfertur, sed secum finem facit. Quod illis solum concessum fuerat, proinde si uirtute illius benefi-

cij actio instituat, consequens erit, ut auxilio non egeat, eo qui peruenit. Id locum habet in eo qui negocia gessit pro tutore. Nam acquisitum erit ob pupilli privilegium eum praeferrī ceteris creditoribus. Milites etiam eatenus quatenus facere possunt coguntur solvere. Quod etiam nepotes tempore sui beneficii finito non habebunt.

Lex 69. Paulus.

¶ Inuito beneficium non datur.

Interpretatio.

Dicendum est, de eo qui manibus pedibusque obnixus stetit, ne sibi concederetur quicquam auxilij, quo se et suos et quos charos habeat tueretur, eodem uti non posse. Quod autem pro pupillo introductum est, ipse potest contemnere, nec post poenitentiam habebit utilem actionem, ut rem suam beneficio neglecto persequatur.

Lex 70. Ulpianus.

¶ Nemo potest gladij potestatem sibi datam, uel cuiusvis alterius coercitionis, ad alium transferre.

Interpretatio.

Quid magnū hoc caput pollicetur, cuius summa haec est. Neminē qui ius habet gladij sibi datum ab altero (ueluti à principe) ad animaduertendū infacinosos homines, licere in suū locum uicariū substituerē, ac illi, suas partes mittere. Quibus in perpetuū fungatur uita pro poena reorum adimendo, seruitutem iniungendo, ciuitatem auferendo, aut quid huius generis exercendo. Cum id potestatis à superiori, uel à rege, uel à principe deuolutum fuerit.

Lex 71. Iabolenus.

¶ Fructus rei est, uel pignori dare licere.

Interpretatio.

Pignori dare suas res, ueluti, uestes, libros, animalia nobis domestica, aliaq; eius generis, cum semel licuit, ignorare non possumus, id utilitatis quod ex pignore irrepserit, loco fructuū haberi. Hoc enim solet fieri inter cōtrahentes solo cōsensu, etiam sine scriptura. Modo aliter probatu sit facile rem obligatam esse, de qua conuentum est.

### Lex 72. Vlpianus.

¶ Omnia, quæcūque causssæ cognitionem desiderāt, per libellum expediri non possunt.

#### Interpretatio.

In libello & scriptura, seu formula, quæ reo datur sine solemnī uerborū intēctione, nō est necesse, nec fieri potest, ipsius rei aut causssæ integrum factū proponi. Satis erit eam certitudinem quandā recepisse ad quam, ueluti ad scopum omnes suas rationes pro causssæ cōditione dirigat. Nam si aliter fieret, nouis ijsq; incertis cōiecturis, id negocij pertentaret, non secus quā si a prosēctaretur sine uestigiorum ulla cognitione, & scientia.

### Lex 73. Vlpianus.

¶ Quintus Mutius Sempronio. Quo tūtela reedit, eō & hæreditas peruenit, nisi cum fœminæ hæredes intercedunt.

#### Interpretatio.

Ne graue multum, & fortasse molestū onus tutelæ hominibus cōtingeret. Spem quæstus proponi legum sanctione uisum fuit. Vt qui id laboris, & incommodi sibi imponeret, eum succedendi sequeretur emolumentum. Leges enim id pollicendo uana expectatione neminem lactari permisērunt. Mulieres tamen à tutelis (si matrem cum auiā exemeris) ob sexus inaptitudinem propulsantur.

## Paragraphus. Nemo.

Nemo potest tutorem dare cuiquam, nisi ei, quem in suis hæredib<sup>9</sup>, cum moritur, habuit, habiturusue esset, si uiuisset.

### Interpretatio.

Cum quadam providentia, tutores dari, constitutum fuerit. Ne pupilli & bona, & iura successionis, quæ sibi legitime obuenerant, dilapidarent. Non igitur temere sed maturo consilio, & certa quadam ratione tutores eligantur, qui omnium rationem sint reddituri. Quare diligenter parentes aduertant, ne quos charos habent, eo nomine fallant. Cunctantur autem tutores dare possint, quos tempore suæ mortis, uel si adhuc uiuerent, inter proprios hæredes numerarent.

## Paragraphus. Vi factum.

¶ Vi factum id uidetur esse, qua de re quis, cum prohiberetur, fecit.

### Interpretatio.

In ea conditione uersatur, id quod ui, & iniuria fieri uidetur, ut is, qui in aliquo ita fuerit pertinax, & contra denunciationem noui operis perseverauerit, ultra quam prohiberetur, fecerit, ui, Cassij sententia, fecisse dicemus, eoq; iure utendum nobis est.

## Paragraphus. Vi factum.

¶ Clam quod quisque, cum controuersiam haberet, habiturusue se putaret, fecit.

### Interpretatio.

In opere nouo non fecit certiore aduersarium, aut loci illius uicinum, cuius intererat id non occulte fieri. Cum animo perpenderet, post denunciationem litem futuram in sui perniciem, quo minus institutum non perficeret. Id esse factum clam, cuiq; iurisperito existimandum est. Prohibuisset enim sine ulla mora, cum opus nouum denunciatum fuisset. Ob eam causam clam uoluit facere, ne id inchoatum cognosceret.

**Paragraphus, quæ in testamento.**

¶ Quæ in testamento ita sunt scripta, ut intelligi nō possint: proinde sunt, ac si scripta non essent.

**Interpretatio.**

Quemadmodū id quod est in testamēto scriptū præter domini uoluntatem pro nihilo habetur. Ita si in eo quidquam consultò sit indutum, ut intelligi, legiq; non possit. Perinde erit, atque, si ab illo nihil fuerit in testamento scriptum aut definitum.

**Paragraphus. Nec paciscendo.**

¶ Nec paciscendo, ne legem dicendo, nec stipulando, quisquam alteri cauere potest.

**Interpretatio.**

Aliquo pacto, lege proposita, uel stipulatione cauendo, alteri acquirere nō licet. Ob id enim potissimū stipulationes inuētæ sunt, ut unusquisque sibi acquirat, quod sua interest. Quod si alij fiat, pro nihilo erit, nisi subiectus fuerit illi, aliter enim nihil ageret.

**Lex 74. Pomponius.**

¶ Non debet alteri per alterū iniqua cōditio inferri.

**Interpretatio.**

Factum unius alteri damnum parere nō debet. Cum (nisi fuissent eiusdem sceleris participes) non æquam uideretur aliquo incommodo laborare, iniusta, malaq; alterius conditione, qua damnandus cēsetur. Quid? alter non conscius, indemnus, quantum intelligo, absoluetur. Iura enim non minus uni, quàm alteri succurrere oportet.

**Lex 75. Pomponius.**

¶ Nemo potest mutare consilium suū in alterius iniuriam.

**Interpretatio.**

Quod semel matura deliberatione apud te uisum fuit, ut id ipsum tuo nomine fieret, ac in tui utilitatē uerteretur. Postea, ut inde damna

referam, tuum consiliū reprobare atque inuertere uoluisti. Ea tua in-  
constantia & leuitate, ne ignores, mihi non incommodabis. Sed magis  
in tui iacturam, qui fueris abusus mea opera, recurreret, non secus quam  
si tela à quibus missa sunt, quasi reciproca, illuc redeant.

### Lex 76. Pomponius.

¶ In totum omnia, quæ animi destinatione agenda  
sunt, nō nisi uera & certa scientia perfici possunt.

### Interpretatio.

Specie cuiuspiam obiecta, quod bonū uisum sit, ut id amplectamur,  
ipsa natura nos impellit. Sed si constanter prudenterq; fiat id, quod  
Græci βούλοιν, nos uoluntatem appellabimur. Illi in solum sapiētem  
cadere putant, qui duntaxat cum ratione desiderat. Si uero aduersus  
rationem, uehementius quispiam insurgat, libidinem uocitare licebit.  
Vbi crimen nascitur, quū apparet uoluntatem ad noscendum sibi per-  
suasum fuisse.

### Lex 77. Pomponius.

¶ Actus legitimi, qui non recipiunt diem uel condi-  
tionem; ueluti emancipatio, acceptilatio, hæreditatis  
aditio, serui optio, datio tutoris: in totum uiciantur per  
temporis, uel conditionis adiectionem, nonnunquam  
tamen actus supra scripti tacitè recipiunt, quæ apertè  
compræhensa uicium adferunt. nam si acceptum fe-  
ratur ei, qui sub conditione promisit: ita demum egis-  
se aliquid acceptilatio intelligitur, si obligationis con-  
ditio extiterit, quod, si uerbis nominatim acceptila-

tionis comprehendatur: nullius momenti faciet actū.

### Interpretatio.

Non conuenit legibus nostris, hos contractus legitimos ( ab alijs dicuntur ciuiles) qui non multum à natura, neque in totum à iure gentium discedunt, aut temporales aut conditionales esse. A quo quidem omnino emancipatio, serui optio, hereditatis aditio abhorrent. Nam qui uellet post biennium hereditatem adire, uel si ea sit soluendo. Quærenti diceretur, nullam esse aditionem, eo pacto enim in totum uiciatur, fitq; huiusmodi, ut pro nihilo habeatur. Sed acceptilatio, tutorisq; datio si uerbis patentibus, & apertis illa duo non referant, id est, tempus, & conditionem, tamen latenter & occultè nonnunquam includere sine ullo uitio possunt. Quod si non esset, nihil commoditatis afferrent. De accepto lato in capite salis liquet. De tutoris datione, accipe & serua tutoris auctoritatem non conditione, sed purè interponi, ueluti, pupillo ( si uelit sibi dari) uolumus tutorem suarum rerum auctorem fieri Publium Menium. Id non ualet, quo iure utimur.

### Lex 78. Pomponius.

¶ Generaliter cum de fraude disputatur, non quid habeat actor, sed quid per aduersarium habere non potuit, considerandum est.

### Interpretatio.

Quoties de fraude experitur suo munere (bene rōne utēdo) animus iudicis fugatur. Nā suū nō esset, ut nūnquā perturbaretur, quod est contra officium: sed ut cū sit auxilium societatis humane, alterius iniuria

cadenti & oppresso remediū afferat, quicquid bonorum habuisset seruando. Nam hac actione utrumque debet restitui, nō solum fructus, quā iam percepti sunt, sed etiam qui percipi potuerunt à fraudatore.

### Lex 79. Pomponius.

¶ Fraudis interpretatio semper in iure ciuili, non ex euentu duntaxat, sed ex consilio quoque desideratur.

#### Interpretatio.

Veros sapientiæ amatores iurisperiti semper imitari desiderauerunt. Qui duntaxat hominū dolos, & calliditates non ab ijs, quæ fortuna quadam aduersa contigerant, sed à dolo, certāq; scientia ipsorū, metiebantur. Cum enim id remittebant, quod quidē fraudis casum habuerit, nisi causa fallendi, factum uideretur.

### Lex 80. Pomponius.

¶ In toto iure generi per speciem derogatur: & illud potissimum habetur, quod ad speciem directum est.

#### Interpretatio.

Cum genus plures partes amplectatur, suāq; pars sibi subsit, hæc ideo diligentius paucitate inducit, ut, aperte prætermisso generali ad se recurramus. Hoc igitur nobis uitandū, ne genus ponamus aut imitemur, cum in sua parte sit nobis immorandum, illiq; adherere debeamus. Si profectò quis ancillas legaret, seruos esse exclusos intelligas. Sed contra pueris legatis puellas contineri non dubitabis.

### Lex 81. Pomponius.

¶ Quæ dubitationis tollendæ causa cōtractibus inseruntur, ius commune non lædunt.

#### Interpretatio.



Conventionum cōturbationes, & ambigua tollere, non tam est operam dare priuatis hominū cōmodis, quā societatis humane saluticōsulere, unde enim quotidie (ut moris est) & cōtrouersie & iurgia multa suboriuntur. Est igitur magnopere desiderandū, ut omnia iure suppetant, & ad ciuilem cōmunitatem conuicti, & consociati sonus, liberumq; cuiq; sit ad utilitatem suam sine iniuria facultates, & iura tutari, ciuili auxilio intercedente.

### Lex 82. Pomponius.

¶ Donari uidetur, quod nullo cogente iure conceditur.

#### Interpretatio.

Quando donamus (ut est in nostra potestate) eo animo, eaq; mente, ut sine ulla mora perueniat in manus, dominiumq; eius qui accipit, ad nos redire non uideatur. Et nihil fructus utilitatisq; inde consequi uisum fuerit propter liberalitatem, qua nihil est hominis naturæ ornatiū, id iure concessum, donationemq; ueram esse dicendum est. Licet non reddere, iuriam bonum non deceat.

### Lex 83. Pomponius

Non uidetur, rem amittere, cuius propria non fuit.

#### Interpretatio.

In bonis non fuit, nec abesse dicitur, quod non occupasti iure belli, aut lege, pactione, conditione, sorte, quemadmodū illud est quod nec tibi contigit, nec seruare potuisti. Legatam enim uiam fundo tuo, qua non es usus per constitutū tempus amittendæ seruitutis, ad te nō pertinere, nemo nescit.

### Lex 84. Paulus.

¶ Cum amplius solutum est, quā debebatur: cuius pars nō inuenitur, quæ repeti possit, totum esse inde.

*bitum intelligitur, manente pristina obligatione.*

### *Interpretatio.*

*Si plus solutum, quàm constiterit esse debitum. Et ea pars soluta nō apparet, ut repetatur. Dicitur indebitū fuisse quicquid solutum est eo nomine. Sed prima obligatio nullo modo infringitur. Nihil enim factū est, quo soluta uideatur. Quemadmodum nobis dicendum est, in eo quī, cum triginta deberet, quasi quinquaginta debens equum tanti soluerit, congruit, ut equus repetatur. Sed triginta in stipulatione prima manebunt. Licet ea res pro pecunia soluta pariebat solutionem. Tamen de conditione indebiti lex si non sortem, dici potest equum manere apud eum, qui stipulatus fuerat pecuniā, donec solvatur, quod uerè debebatur.*

### *Paragraphus. Is natura.*

*¶ Is natura debet, quem iure gentium dare oportet, cuius fidem secuti sumus.*

### *Interpretatio.*

*Existunt, uera huius loci interpretatione duo uincula, quibus obligamur. Vnū à natura, in quod incurrit, qui uoluit pro se fieri, id quod sola fide (in ea enim cum ueritate nostri contractus consistunt) conueniū est, scilicet ad uerè, iusteq; faciendū. Alterū est uinculū quod iurisperiti iniuris gentiū obligationes iustas atq; constantes conferunt, easq; utiles. Quibus uinculis solutis necesse est id quod promissum fuit, non deberi. Quod iure laudabitur.*

### *Lex 85. Paulus.*

*In ambiguis, pro dotibus respondere melius est.*

### *Interpretatio.*

*Magis ad rem, quàm ad uerba intueudū est. Vbi igitur nuptiae secutae fuerūt, quod à patre sine ulla adhibita affirmatione, ut formula re-*

ſpondendi non appareat, pro dote promiſſum eſt. Huius rei ordine ſeruato, cum patris uoluntate, dicendū in uotis habuiſſe nuptiarū dotem de ſuis bonis ſolum conſtitutam fuiſſe. Etiam ſi, niſi inſtrumentū mutarit, id non fuerit aperte expreſſum. Nam in ambiguis quantum fieri poteſt, quod proximè accedit ad id, de quo queſitū eſt, exequi oportet, ut de paternis bonis conſtituta dos deſumatur.

### Paragraphus. Non eſt.

¶ Non eſt nouum, ut quæ ſemel utiliter conſtituta ſunt, durent: licet ille caſus extiterit, à quo initiū capere non potuerunt.

### Interpretatio.

Opus illud (res eſt nō mira, mihi quidē ita ſumo) ad rei perfectionē deductionem, illuc rerū peruenit, ut ſibi deeſſe aliquando nō poſſit. Nemo igitur in indicio, aut audacia, aut aliqua dicēdi facultate, id euertere, cum ſemel ualuit, ſibi perſuadeat. Quoniam honeſtè id fieri nullo modo poterit, ut puta filij adoptiui uxore poſt emācipationem ducere, patri quidem minime conſeſſum eſt. Sibi enim nurus fuit.

### Paragraphus. Quoties.

¶ Quoties æquitatē deſiderij naturalis ratio, aut dubitatio iuris moratur: iuſtis decretis res tēperāda eſt.

### Interpretatio.

Nec ſanè in omnibus, nobis uindicādū eſt, cum licet. Nam maxime in iure æquitas ſpectanda eſt, & ad bonū & æquū iuris quæſtiones, ne periculoſe erretur, referri debent. Quid enim improbius fieri poteſt, quā diſcedere à ſumma æquitate, & adeo inherere ſuperſtitioſe legū literis, quā uidendū fuerit, quid ſenſerit is, qui ſcripſerit? Quare nec callidè, nec malitioſe iuris interpretatione utendū. In quo ſæpe peccatur, ut ille qui quā centū triginta dierū eſſent, cū hoſte pactæ induciæ noctu populabatur agros, quod dierū eſſent pactæ, no noctuū induciæ.

Lex 86. Paulus.

¶ Non solet deterior conditio fieri eorum, qui litem cōtestati sunt, quàm si nō essent: sed plerunq; melior.

Interpretatio.

Non parua uis naturæ litis inchoatæ apud iudices, qua longè causæ futuræ cursum uidemus. Conciliat enim illi ad multos annos liberam agendi facultatē, ingeneratq; præcipuū quendā accessum in eū, qui litem nobiscum suscepit, impellitq; ut is uel uictus succumbat, uel prior sententiam iudicis ē manibus nostris occupet. Id etiam beneficij suppeditat, ut nostris præsentibus negocijs controuersiam futuram adiungamus. Cuius muneris sint nostri hæredes aliquando, si uelint, participes. Quod maximè in re p. & necessarium & utile uisum fuit.

Lex 87. Paulus.

¶ Nemo enim in persequendo deteriore causam, sed meliorem facit. Denique post litis contestationē hæredi quoq; prospicitur, & hæres tenetur ex omnibus causis.

Interpretatio.

Pulchrum lucrum est, quòd (dij tamen auertant, ne infelicer cadant) meliores causas facimus. Quando in iudicio, lite incepta, sine ullo temporis discrimine, ius quod nobis debetur, sequimur. Ea tamen lege atq; omnie, ut non minus emolumenti nostri hæredes, quàm nos, sint relaturi: quoniā in uniuersum ius succedunt. Nomini ueritò igitur illis cōceditur, ut tali iure sese exerceant, quo & nos, si uiueremus post litem inchoatam.

Lex 88. Scæuola.

¶ Nulla intelligitur mora ibi fieri, ubi nulla petitio est.

## Interpretatio.

Quum petitiones exceptionibus tolluntur, nemo est, qui tarditatem solutionis audeat accusare. Nam eo casu aliter fieri nullo pacto inuentum est. Sed legum providentia illis consultum sit, quia consilio & ratione non valent, ut se tueantur ab hominum calumnia & fraude. Hoc quidem tempore, nihil sanctum, ac fide dignum in republica. Quare si sic fideiussert aliquis pro pupillo, & ille in mora fuerit, ideo fideiussori illa in damno non erit. Vbi enim nulla petitio, eo seruo mortuo, quem pupillus promiserat.

## Lex 89. Paulus.

¶ **Quandiu possit ualere testamentum, tandiu legitimus non admittitur.**

## Interpretatio.

Quoties ex testamento adire hereditatem possumus, fieri non potest, ut nobis ab intestato deferatur. Etiam si, qui proximus est, uellet ad eam admitti, non audiretur. Nam in priuatis rebus firmissimum est testamentum. Quod, nisi fiat irritum, ut sepe euenit, nullius diligentia, fauor, gratia, quamuis maxima fuerit, immutabit, quo minus, qui uocatus ad iura hereditatis, ea teneat, ac tanquam dominus exerceat, & utatur.

## Lex 90. Paulus.

¶ **In omnibus quidem, maximè tamen in iure, æquitas spectanda sit.**

## Interpretatio.

Iuris periti scientiam æquitatis, & iustitiæ, licita ab illicitis separantes, profitentur. Nam sibi quasi materia, quam tractent, & in qua uersentur, subiecta est æquitas, per quam societas hominum cōiunctioq; seruetur. Reliquis autem artibus, & disciplinis simplici nomine æqui

natura dari solet. Sed in illis latissime patet. Quoniam omnia & uita & societatis humanæ ab illa tanquam à summo Ioue pendent, cū etiam in studijs, & honestis, & legitimis sua opera nos ita cōtineat, ut à rebus gerendis abduci non possimus. Sed æquitate duce ad id quod honestum est & bonū ducimur. Ea igitur iuris ciuilis naturam attingit, qua honestum & decus conferuentur.

### Lex 91. Paulus.

¶ Quoties duplici iure defertur alicui successio: res repudiato nouo iure, qđ ante defertur, supererit uetus.

#### Interpretatio.

Adeundæ hereditatis duo iura in uerse colligata, & coniūcta nobis occurrunt. Vnum, lege ueteri & prima, qua ab intestato omnes legitimi ad hereditatem, quasi à natura admittantur. Alterum, honoraria & noua, qua etiam per testatoris uolūtatē nobis hereditatis ius uniuersum defertur. Quorū altero repudiato necesse erit alterum integre acquiri, si uelimus, nos pro heredibus gerere. Qui enim & legitime natus, & scriptus ī tabulis heres, si elegerit, ut admittatur, quā si legitimus, ex testamento eam repudiasse credendum est. Idem contra ut in hoc capite definitur.

### Lex 92. Scaeuola.

¶ Si librarius in transcribendis stipulationis uerbis errasset: nihil nocere, quo minus & reus & fideiusor teneatur.

#### Interpretatio.

Etiam si in formula præpostere uerba contrahentium (qualia sunt spondes? spondeo. promittis? promitto) scribēdo transferat librarius.

Nihil obstat cum hoc quidem tempore sufficiat sensum congruentem sine uerborum solemnitate desiderare, quo minus intelligantur obligati qui quouis modo contraxerunt. Quod longè aliter se habet, quàm hominum opinio sit. Eos enim leges affirmant contraxisse, quorum animus nec sibi nec cæteris perniciosus esse potest, ordine etiam inuicem non seruato. Modo id quod scriptum est, careat suspitione, nec de eo fuerit consulendum.

### Lex 93. Mætianus.

¶ Filius familias neque retinere, neque recuperare, neque adipisci possessionem rei peculiaris uidetur.

#### Interpretatio.

Nullum locum retinendi, petendi, ad eundem possessionem rerum peculiarium, filij familias iura permiserunt. Id enim in eorum parentes, ut studio, consilio, diligentia disponderent, quandiu in sua potestate permanere uisum erit, contulerunt. Per ætatem autem se et sua tueri et seruare nunquam possent, quin uel sua insolentia, libidineque intemperata dilapidarent, uel multorum calumnia opprimerentur. Deinde ut illis consultum esset à parentibus? non solum à pueritia, suorum curam seruandi bona pecuniaria susciperent, sed ut solent, studio, et amore paterno, multo quante ante, augeretur. Sic igitur statutum est, ut statim rerum suarum dominium transferant, cum quod acquisierunt, momento sustineri non uideretur.

### Lex 94. Vlpianus.

¶ Non solent, quæ abundant, uiciare scripturas.

#### Interpretatio.

Scripturas instructorum, uel libellos quorumcumque contractuum, superflua, aut quæ ociosa uidebuntur, si non profint, non tamen inutiles facient. Id enim communi omnium sententia improbari non dicitur,

quando errorem calumniam, dolum nō inducit. Nam copia uerborum non necessaria, quod factū est, non peruertit. Quomodo, si quis dicat, do, lego omnes uillas meas, quas ī Italia possideo Tusculanā & Academicā. Detrahto enim uerbo Tusculanam & Academicam. Nihilominus etiam hæ duæ debentur, nisi uideatur dantis, & legantis alia uoluntas.

### Lex 95. Vlpianus.

¶ Nemo dubitat, soluendo uideri eum qui defenditur.

#### Interpretatio.

Non est dubitandū eum, qui iā iudiciū suscepit, habetq; defensore, quin non sit soluendo, ac suis creditoribus in solidum possit satisfacere. Hoc igitur in hoc capite attendendū, an de eo agatur sitq; in iudicio, qui eum defendat. Cum is loco fideiussoris uideri dicatur, quoniā & iudicatū solui, & creditores non recusare, ut ab eo exigant suam pecuniam, compelleretur. Quod, ut puto, intelligendū, si is qui defendit idoneus uideatur, ac eius fides explorata fuerit. Nā si esset suspectus tanquam non soluendo in iudicio staret.

### Lex 96. Mætianus.

¶ In ambiguis orationibus maxime sententia spectanda eius, qui eas protulisset.

#### Interpretatio.

In testamentis, iudicijs, legibus, alijsq; eius generis, quod dubiū & anceps uidebitur, quo ad fieri poterit iudiciū eō redat & reducatur. Ut ei<sup>9</sup>, qui est locutus, aut interpretetur aut proferatur uolūtas. Nō autem ab eo quod uerborū structura dicitur discedendū, cum omnibus liquet, id in scriptura contineri. Ut puta lana legata omnem lanam contineri, modo non peruenierit ad telam.

### Lex 97. Hermogenianus.



¶ Ea sola deportationis sentētia aufert, siue ad fiscū perueniunt.

### Interpretatio.

Datus exilio perpetuo, quo nihil infelicius, nihil miserius, nihil calamitosius excogitari potest, nec bonorū, nec nominis hæres habebit. Dicet aliquis: ad quem igitur hæc pertinebūt illi mehercule respondendum, suæ contumeliæ caussa, aut principi, aut ærario publico cedere, à quo nemo suorū uindictabit: ut grauiorem sustinere poenā uideatur, nisi à principe, per quem, lex damnatorū constituta est, sua clemētia, suaq; liberalitate, eius heredes in bonis manere permiserit. Hoc autē fit, ut omne malorum super alium opprimatur. Cum oporteat iustitiæ æquitatem in principe tanquam in speculo intueri.

### Lex 98. Hermogenianus.

¶ Quoties in utriusque caussa lucri ratio uertitur is præferendus est, cuius in lucro caussa tempore præcedit.

### Interpretatio.

Si duo de eadem re iudicio aduersus aliquem contendant, eorū cōtrouersia dirimenda uenit meliore temporis cōditione, in qua alter cōsistit, qui prior ad iudicis sententiā peruenit. Id profectō in eo uerum censetur, potiorē esse causam occupantis. Nam nulla ratio habetur prioris sententiæ in posteriore iudicio, ut posterior sit in eo, quod prior petiuit & obtinuit. De quo amplius non disputabit, sua enim obstinatione priorem sententiā uel decretū non repudiabit, quin iure suo integra permanferit. Ad renouandā igitur litem non contendat. Sed uictus fortasse tarditate, inertia, negligentia sua iaceat.

### Lex 99. Venuleius.

¶ Non potest improbus uideri, qui ignorat, quantum soluere debeat.

## Interpretatio.

Nemo improbè suis partibus fungitur, ac in dolo esse uidetur, quādo iusta ignorantia solutionis quantitatem non nouit. Propter quam moram fecisse non dicitur. Vtique soluendi causam uidit nullam. De qua optimis rationibus iudiciū susceptū refellit, ne alteri indebitè, & præter æquū cedat. Cum enim debitū ignoratur, poena nullam uim habebit.

### Lex 100. Caius.

¶ Omnia, quæ iure cōtrahūtur, cōtrario iure pereūt.

## Interpretatio.

Qui nodū arte tractauit, maximè secundū naturā locus relinquitur, ut eadem (dicam ut res est) qua intorsit, texiuit, & colligauit, soluat. Veluti sæpissimè usu uenit in bonæ fidei iudicijs, quorū obligationes & uincula, solui dicuntur, cum actū est inter cōtrahentes nouo & cōtrario negotio, quod pertinet ad resolutionem. Ideo cum uerborū obligationem contraximus, eandem uerbis tolli necesse est. Si uero consensu eo genere dissoluatur, quo confecta esse uidebitur.

### Lex 101. Paulus.

¶ Vbi lex duorum mensium fecit mētionem, & qui sexagesimo & primo die uenerit, audiendus est, ita enim imperator Antoninus cū diuo fratre rescripsit.

## Interpretatio.

Quoties tempora incurrūt, aut legibus, aut edictis certa & definita, cum ea digna homine legali, neq; diminuūt, neq; fiūt aliter cōtraria, quā summi imperatores decreuerūt. Iniustū nō erit, nec fiet cōtra officiū, si duntaxat intra eorū fines, quod illi iubet, seruetur. Obijci nō decet ad ea. Primum temporis libertas extrema nō amissa. Deinde nihil consecutū fuit, quod moram fecisse dicatur. Nam tantū temporis

liberū habuerunt, quantū fuerat productū. Nec igitur quicquam destituisse uidentur, propter quod non admittantur in iudiciū.

### Lex 102. Vlpianus.

¶ Qui uetante prætore fecit, hic aduersus edictum fecisse propriè dicitur.

### Interpretatio.

Plerique, & prætorum edicta, & reip. suæ cōsuetudines, usq; adeo negligūt, ut si eorū opera contrariū fiat sibi persuadeāt, se impune eua-  
suros. Quando illis honestius fuisset, si morem ge ssissent, ueluti cōmea-  
tu ac libertate in ius uocādi parētes & magistratus facta, quibus iniu-  
riam inferre conantur, cum honorem & obsequiū debeāt. Ob id tales,  
quādo experiūtur uenia nō petita, sed stulta arrogātia, cognoscāt sese  
obnoxios, uiclasseq; sanctū nomen parentum. Hæc igitur latissime pa-  
tens iniuria, & castiganda & uituperanda censeatur.

### Paragraphus. Eius.

¶ Eius est actionem denegare, qui possit & dare.

### Interpretatio.

Hic nobis cogitandū amplius non erit, de auctoritate, & potentia  
summorū principum, quom citra suspicionem (de quibus in hoc capite fa-  
cta est mentio) dicamus sine suæ dignitatis imminutione, tantū iuris  
& potestatis habere, quantū ad suarū ciuitatē, & populorū iura de-  
ferenda remittendaq; sufficiat. Id aliter uel pro tribunali, ex æquo lo-  
co disputando eius rei inquirendæ caussa magnopere offendere mus.  
Nemo igitur suos fines prætergrediatur.

### Lex 103. Paulus.

d. ij.

¶ Nemo de domo sua extrahi debet.

### Interpretatio.

Nemo nisi grauissimè deliquerit ui & uiolètia de domo sua, in qua est, perinde ac rex in suo regno, extrahi permittatur. Quid est sanctius, quid religione munitius, quàm domus cuiusque ciuiù? Quoniã in ea sunt aræ, in ea foci, in ea dij penates cõtinentur. Huc perfugiũ atq; receptaculum est ita sanctum cuique, ut inde abripi neminem, fas est. Talis igitur res est, ut ea & custodiamur, & defendamur indemnes, non aliter, ac sacræ religionis claustris, ubi sanctissimæ ceremoniæ cõtinentur.

### Lex 104. Vlpianus.

¶ Si in duabus actionibus alibi summa maior, alibi infamia est: præponenda est causssa æstimationis, ubi autem æquiparantur famosa iudicia: & si summã disparẽ habeant: pro paribus accipienda sunt.

### Interpretatio.

Duo imprimis in hoc capite spectari oportet. Primum, de quo sic dicam, cum iudiciũ de pecunijs maioribus ob uenditionem cõstitutũ erit, & minoribus ex infamiæ causssæ, solutis maioribus, nulla causssæ mentione facta. Aequũ erit solutum uideri, quod ex contractu uenditionis debebatur. Alterum hac forma, quod habet plurimũ utilitatis. Quando ob duo crimina, quæ inter se æquiparantur, debitum disparẽ scriptũ erit, atque interim alterum soluitur. Aequaliter ad utrunque quod solutum est, proficit, non tamen pro rata, cum sint debita disparia. Quare id quod sceleris poenam liberat solutum uideatur.

### Lex 105. Paulus.

¶ Vbicunque causssæ cognitio est, ibi prætor desideratur.

## Interpretatio.

Sæpenumero id inter homines euenire solet, ut necesse habeat, magistratus inquirendo causam ipsam cognoscere, in eo loco, in quo res possessa est. Illuc igitur ex officio tenetur prætor, uel sese conferre, uel aliquem suo nomine mittere, ut possit re uisa & cognita fidelius, aut ipsos contractus renouare, uel legis cōditiones longius proferre. Alioquin enim multa incommoda ob negligentiam prætoris renascerentur, qui non fungens suo officio tantopere, ut lites dirimat, desideratur.

### Lex 106. Paulus.

¶ Libertas inæstimabilis res est.

## Interpretatio.

ΠΑΡΤΕΣ οἱ σοφοὶ ἐλέγχοι. Dictum est uiroꝝ eruditorum, nisi sapientem liberū esse neminem, cum libertas sit potestas uiuendi, ut aelimus, si recta sequamur qui nostris officijs gaudeamus legibus parētes non propter metum, sed quia maximè salubrè iudicamus. Nam liberè, & libenter omnes res, & consilia gerimus uoluntate, iudicioq; honesto. Illud igitur breuī confitendū libertatem esse rem dictu inopinatā atq; admirabilem. Quare liberi homines nullam sui corporis æstimationē recipere dicuntur. Sed solum aut operarū, aut sumptuū, quos fecerunt in uulneris curatione, aut in alijs eius generis.

### Lex 107. Caius.

¶ Cum seruis nulla actio est.

## Interpretatio.

Licet aduersus infimos iustitia seruanda, tamen cum seruis iure nō agitur, est enim seruorū infima conditio, & fortuna, qui sese è uinculis aliorum, ac potestate eripere non ualent, ut iudiciū mouere non facta sibi facultate agendi, queant. Nam, quantum attinet ad ius ciuile, pro nullis habētur, neq; ad solemnia iuris adhibentur, quod cum eo nullam  
d. in.

Ob id eorum uita non tantū (quid enim infelicius, quā in libertatem se non uindicare?) dura, uerum etiam misera censenda erit.

### Lex 108. Paulus.

¶ Ferè in omnibus pœnalibus iudicijs, & ætati, & imprudentia succurritur.

#### Interpretatio.

Aequitate iudicum attenditur, ubi de pœnis corporis inter litigatores contentio consistit. Tunc enim ea diligentia personarū cōditiones, & circumstantias obseruat, ut iuris interpretatione malitiosa iniuriam inferre nō uideatur. Primū minores quidem, quando delictum commissum est non ex animi sententia, restitutionis auxilio iuuatur, sin do lo malo in aliquo deliquerint infirmitas ætatis non excusatur. Deinde uero senes in quibus pœne modus pro sui conditione statuetur, si cōincantur de finibus agri motis, sine dubio in breuius tempus relegatur, quā si essent iuniores. Postremo autem imprudentes, qui per ignorantiam, aut forte fortuna rem alienam suam credētes furati sunt, delicti leniorem pœnam dabūt, cum in hac parte animus cum ætate delinquentis sit ualde obseruandus.

### Lex 109. Paulus.

¶ Nullum crimen patitur is, qui non prohibet, cum prohibere non possit.

#### Interpretatio.

Nullius criminis pœna is cōincitur, qui nec suis uiribus, nec cōsilio, nec animi sui prudētia obuiā uenire quiuit, quo minus fieret, quod semel, cœptū erat. Quemadmodū accidūt, seruorū, qui fugerint sine culpa dominorū, quū ab eis nō solebāt custodiri, furta, rapinæ, impet<sup>9</sup>, & similia eius generis. A dominis autē huiusmodi nō debēt praestari, cū eos prohibere, si remediū dari uideretur, conati fuissent. Quare suæ imprudentiæ imputari non debet, neque eo nomine cōdemnandi. Inhumanū enim esset eos reos fieri, qui nullo modo resistere potuerint

## Lex 110. Paulus.

¶ In eo, quod plus sit, semper inest & maius.

## Interpretatio.

Maiori minus inesse cōfiteri debemus. Quis enim negaret stipulationē decem ducatorū, cum prius in interrogatiōe maioris summe mētio erat facta, ualere? Quādo statim ea respōsionis diuersitas utrisque cōtrahentiū, placuerit. Proinde, si rationi cōgruere uideatur, dicendū erit, ex potentiori, rei minoris iura deduci posse. Nam si nullo humeris sustinere bouem uiuum dicatur, quid oberit, quo minus uitulum ferre queat.

## Paragraphus. Nemo.

¶ Nemo alienæ rei expromissor idoneus uidetur, nisi cum satisfactione.

## Interpretatio.

In negocijs alienis expromissores, qui idem cōpromittūt, nō accipiuntur, nisi unā dederint satisfactionē, qua cōtenti sint futuri, pro quibus obligantur. Quod in defensione alicuius, si detur procurator non ante audietur, quā cauerit impensas, & iudicatū solui. Quid enim æquius esse solet, quā omnia fieri citra omniū iacturā, futurūq; aliquod incomodū? Huic rei sanē remediū occurrit, cū satisfacere solemus, pro eo quod petitum est, datis fideiussoribus aduersarios securos facimus.

## Paragraphus. Pupillus.

¶ Pupillus pati posse non intelligitur.

## Interpretatio.

Pupillis, qui cū sint impuberes, & extra patris potestatem, restitutio nis beneficium non denegari solet, quibus leges & iura omnia fauent.

Vbi maxime apparet aliorum calumnia laesos esse. Ex quo efficitur, ut nihil incommodi patiatur. Eorum enim scientia non sufficit, ut sibi possint negociari, nisi doli capaces quicquam commiserint. Quo casu eos tenericertissimum erit.

### Paragraphus. Vbi uerba.

¶ Vbi uerba coniuncta non sunt, sufficit alterutrum esse factum.

### Interpretatio.

Cum orationis membra separatim proferimus (quod disunctum uocamus) ut puta, aut lex aut decretum, eorum uno existente, alterum tollitur. Contra uno sublato necesse est alterum concludi. Nam si petam aurum, uel argentum, sufficiet, si alterum dederis. Quoniam alterius obligationem, si qua erat, extinctam esse, neminem fagiat.

### Paragraphus. Mulieribus.

¶ Mulieribus tunc succurrendum est, cum defraudantur, non ut facilius calumnientur.

### Interpretatio.

Ταῖς ἀπατώσαις γυναῖξί το δόγμα τῆς συγκλήτου βουλῆς οὐ βοηθεῖ. Decipientibus mulieribus dogma senatus consulti non auxiliatur. Infirmitas enim foeminarum, non calliditas, auxiliū commouit. Quē admodum leges tutantur & defendūt, ne aliorum fraudes sibi noceāt. Ita tamen prohibent, ut eo beneficio, ne ceteris iacturam ponant, atque alieno incommodo locuplectentur. Proinde ea fenestra aperta est, non ad calumniandum, sed ut suo iure quisque utatur. Quid enim foret iustius? quid sanctius contingeret? quā calumniatores puniri, laesos uero subleuari, ansam mali præbendo nullam? Quare æquum iustum est, mulieribus succurri.



## Lex III. Paulus.

¶ Pupillum, qui proximus pubertati sit, capacem esse  
& furandi, & iniuriæ faciendæ.

## Interpretatio.

Lex est de pupillis, quam didicimus, accepimus, legimus. Verum ex  
ipsorum natura exprimimus, non solum docti, sed instituti, sed imbuti,  
ut si in uita sua pubertatis in qua sunt doli capaces, aliquas insidias, si  
uim, si furta, si iniurias, parauerint, honestā rationem esse suum pri-  
uilegium ætatis inter huiusmodi delicta silerè. Vbi leges eos defendi,  
& restitui non iubent. Expectent igitur, ut iustam poenam luant pro  
ætatis modo & ratione. Morum enim, cum peccatum est, ægritudo nō  
excusat.

## Paragraphus. In hæredem.

¶ In hæredem non solent actiones transire, quæ pœ-  
nales sunt ex maleficio: ueluti furti, damni, iniuriæ,  
iniuriarum, ui bonorum raptorum.

## Interpretatio.

Cum elegantissimè sit iuris prudentia definitum, omnium delictorum  
poenas, & actiones, cum suis personis interire, sanè intelligendū erit,  
(ut huius exemplo reliqua pateāt) furti actionē, quæ erat infamiæ ad  
hæredes minime pertinere, nisi rei recuperationem, si ad eos peruene-  
rit, ac locupletiores uideantur. Ea enim est natura, ut solum eos obli-  
gent, quorum consilio, & opera, scelera commissa sunt. Hac igitur ra-  
tione probabile erit, ad eos, qui succedant, non transire, qui sunt inno-  
centes, & nullius mali participes.

## Lex .IIII. Paulus.

¶ Nihil interest, ipso iure quis actionem non habeat,

an per exceptionem infirmetur.

### Interpretatio.

Nemo esse debet, qui hoc ignoret, hæc duo legū sanctione nō discrepare, an quis aliqua actione uti nō possit, an si nullū effectū sortiatur experiēdi facultate, quod de ea excipiat. In eo locū habet, qui in seruitute cōstitutus pactū fecit, ut libertatem acciperet dando fideiusso-rem, ea lege in se actionem transferri, quo manumisso, ne i eū agatur, excipiet. Sed tandem erit de dolo actio, ut testatur Pomponius.

### Lex 113. Caius.

¶ In toto & pars continetur.

### Interpretatio.

Venio nūc ad caput, quod est firmanetū & robur multarū causarum. Cum sit ita graue & uehemens, multo magis sui amplitudinē, quā breuitatem admirari uidemur. In quo sic dicemus, gregem stipulatos, & partem eius petendo nulla exceptione submoueri. Quoniam in grege multæ sunt partes, quæ separatim peti possunt, pro stipulantis arbitrio. Hoc loco etiā dicamus nauem petendo nobis postea eius tabulas nō denegari, ueluti insunt in suo genere, & eius species, & mēbra

### Lex 114. Paulus.

¶ In obscuris inspicitur, quod uerisimilius est, aut quod plerunque fieri solet.

### Interpretatio.

Si ambigū est scriptū, ut puta, quod in tres, aut in plures sentētiās duci possit, ea ratione tractādū erit, in quo fuerit scriptoris uolūtas, & an fieri uideatur honestē, rectē, lege, more, natura, bono & æquo. In præsentiariū hæc interim nō alienū sit dicere. Id duntaxat ostendēdū, quod plus fidei & ueritatis habere uideatur, usu frequēti & publico. In seruo enim sine libertate instituto, de qua nihil scriptum erat in testamēto, est ueri simile eū electū heredem cum libertatis beneficio.

## Lex 115. Paulus.

¶ Si quis obligatione liberatus sit, potest uideri accepisse.

## Interpretatio.

Quoties nobis aliquid donatū est, & remissum, licet in nos eius rei dominiū statim non transferatur, tamen coepisse uidemur. In quo nihil est dubitandū, cum adhuc nō habemus inter res nostras. Nam iure donationis, uel liberationis nitimur. Vnde hic dicere necesse est, pēdere effectū acquisitionis, donec traditum fuerit. Ex natura uerbi coepisse hoc cōsurgit, eum cœpisse, qui tamen dominiū adhuc nō acquisiuit.

## Paragraphus. Non potest.

¶ Nō potest uideri accepisse, qui stipulatus potest exceptione submoueri.

## Interpretatio.

Videmus hæc pendere ex eo quod in principio huius capitis propositū, ad quod sunt referenda. Quemadmodū, (ut quisque facilius perse perspiciat) si quis uē & metu minus aliquod coepisset, ac post de eius hereditibz aliquis pro sua parte agere coepisset, eius actionem infirmari admonet hic iurisconsultus, ut non plus capiat, quā si nihil relictū sibi fuisset. Cum omnem uim & metum à republica abesse lege sit sancitum, ut in capite proximo uidebimus.

## Lex 116. Vlpianus.

¶ Nihil consensui tam contrarium est, qui & bonæ fidei iudicia sustinet, quā uis atq; metus: quem comprobare, contra bonos mores est.

## Interpretatio.

In principio huius capitis cōsiderāda sūt duo genera, tollēdi expugnādīq; oēs cōtracti bonæ fidei, q̄ solo cōsensu, ut oleo flāma, corpe aīa, nituntur.

Vnum per metum. Alterum per uim, neutrum est propriū hominum, utrumque belluarū. Quibus, si nos capi cōtingat, & uti nostro iure nō possimus, confugiendū ad leges omnium malorum multrices, ut in pace, sine ullo rerum nostrarum incommodo, uiuamus. Quare in re publica nec occurrit quicquam tam inimicum, quā uis, nec aequitati quicquam tam infestum, quā homines, ut iniuriam inferant, armatos conuocari, nec bonis moribūs magis contrarium, quā ciues perturbari metu, qui est, auctore Cicerone, in opinione magni mali impendentis.

### Paragraphus. Non capitur.

¶ Non capitur, qui ius publicum sequitur.

### Interpretatio.

Qua ratione, quo consilio, quibus artibus, qua lege, is caperetur, qui ius ciuile (seu ut hic dicitur ius publicum) sequi maluit, quā ab eo quocumque diuertere? cum (si auctorem ius ciuitatis habuit) illud sit lex honestatis & aequi ciuium ratio, à natura data est, imperans quae sunt honesta, uetans omnino contraria? Quare, ut paucis, dicamus, is, qui legibus paruit, ita uixit, ut à quoquam iure non possit accusari, atque quicquam incommodi consequi. Proinde ei, si ita contigerit, restituitur, quod fortasse aliorum iniuria amisit.

### Paragraphus. Non uidentur.

¶ Non uidentur, qui errant consentire.

### Interpretatio.

Nihil sub sole tam contrariū consensui, quā est error, quo rerum, factorumque incommoda in lucem prodeunt. Nam nullius est momentū atque uirtutis quod, discussa caligine, errore actū est. Cum, Iuliani sententia, nobis sit dicendum eos esse sine ullo consensu, qui aut in dictis, aut in factis errarunt. Omnium quādem hominū est errare. Cui instāti resistendum, ut retineamus cum dignitate nostra, quod ad nos pertineat, sine cuiusquam iactura.

## Lex 117. Paulus.

¶ Prætor bonorū possessorem hæredis loco in omni causa habet.

## Interpretatio.

Prætor iudex æquitatis qui summū ius corrigit, interpretatur emendat, bonorū possessorem ad hereditatis actiones recipit, perinde ac hæredē. Præterea, ut hic scriptū est, ait esse loco hæredis. Ex quo efficitur, ut uerē non dicatur hæres. Nam prætor iure suo non faceret hæredem, sed intelligendū est, eum hæredi in foro iudicijsq; ad agendum subrogatum.

## Lex 118. Caius.

¶ Creditor, qui permittit rē uenire, pignus dimittit.

## Interpretatio.

Si apud creditorem res debitoris pignori obligatæ erant, liberantur. Quando uoluntate sua à pignore discessit. Quare, cum post uult persequi non audietur, nocebitq; ei quod consenserit, ut puta, si earum uenditionem non impediuerit. Sed magis pro ea perscenda uisus fuerit auxiliū attulisse. Ob id existimandū eum solū culpandū sibiq; imputandū esse. Nō tamē cōsensus ratus habeatur, nisi præsens cōsenferit, aut aliter de eo certum sit, ueluti, si mandarit, uel per epistolam, uel per nuncium.

## Lex 119. Paulus.

¶ Non, ut ex pluribus causis deberi nobis idem potest: ita ex pluribus causis idem possit esse nostrum.

## Interpretatio.

Nemo rem unam legitimè ex diuersis titulis aut tenet, aut sibi deberi tuetur. Quoniam sic traditum est, humanis cōstitutionibus in rerum diuisione, ut uno nomine, unaq; causa omnia caperentur, atque

tandiu possessores seruariet, quo ad uti illis cōcederetur. Quare res occupare sceleratorum cōursus & auaritia, & ciuiles leges & nomina uiolare, desinat. Ita igitur sentiamus, ne nos nostrosq; fallam<sup>us</sup>, temere, quod nō cōcessum fuerit, occupādo. Domo enim sub cōditione in testamentō mihi relicta, quam ab alio dono datam ad me denunciātū fuit, ac postea existente legati cōditione ea, non iure donationis, sed legati mea dicitur. Cum ex duabus causis idem non possideatur.

### Lex 120. Vlpianus.

¶ Aliud est uendere, aliud est uendenti consentire.

#### Interpretatio.

Cum de iure, & legitimis hominū legibus mentionē facimus, & in his rerū uim nominamus. Ita intelligere debemus nominū & uerborū uirtutes & differētias. Ex quibus sepenumero multa capita sunt constituta. Hoc uerē possumus dicere in uerbornū discrimine uersari. In quo & causa & utilitas non relinquitur, sed etiā sese prodit. Sed, ut id dubij soluamus, suis & certis ac proprijs uocabulis, hæc res notatur, nec sine uerbis, quæ quesita sunt rerū causa, intelligeretur. Quare in uerbo Vendere, actionē cōpetere dicamus ob euictionem etiā, si nihil fuerit inter contrahentes cōuentum. In altero, Vendenti consentire, exemplū uti necesse est, quod testimonio sit. Quando etiā ex uerbis ius pendere nonnunquā uideamus. Veluti uendēti pignus creditor cōsentiebat, ac post eo euicto, ex empto nō teneri certum est, quāuis eo præsente à debitore distraheretur.

#### Paragraphus. Refertur.

¶ Refertur ad uniuersos, quod publicè fit per maiorem partem.

#### Interpretatio.

Ad omnes ciues simul collectos pertinet, quod in publico loco factū cēsetur à bona ciuiū parte, quæ selecta ad ciuitatis munera tractāda.

Cum ob multitudinē immēsam sine magno hominū tumultu & clamore tota ciuitas uix cōuenire quiret. Visum est prudētissime, ut & prudentiores & doctiores seligerētur, qui sine populi cōcione & frequentia rem publicā integrē administrarēt. Quāmodū, ut amplius dicā, sine cōtrouersia erit, cōmodē cōstitutum ā primoribus ciuitatis de publicis negocijs. Quando maxime pro uniuersitate, uel republica simul atque omnium utilitati studuerint.

### Paraphrasis. Absurdum.

¶ Absurdū est, plus iuris habere, cui legatus sit fundus, quā hāredem, aut ipsum testatorem si uiueret.

### Interpretatio.

Omnium rerum, quæ fuerunt penes testatorem fundi causa, splendor & amplitudo, addo etiam & utilitalem & incōmoda, in posterore ita se habebūt. Causa & ratio id efficiunt, ut ne uehementius exalat aut possideat, quā prior, qui uoluntate sua alteri ius suum cēssit. Dicendum est igitur nihil in agri possessione uariation, neque ā priore statu discessum. Nam legatarius non maiora prestabit, nec cōtra minus emolumentū referet, quā in is, ā quo id ius sumpsit. Quod enim fuit utile, uel contrariū possidenti. Illud etiam aut proderit, aut obstabit sequaci.

### Lex 121. Vlpianus.

¶ In iure ciuili receptū est: quoties per eum, cuius interest conditionē non impleri fiat, quo minus impleatur: perinde haberi ac si impleta cōditio fuisset. Quod & ad libertates, & legata, & ad hāredū institutiones perducitur. Quibus exemplis stipulationes quoque cōmittuntur: cum per promissorem factum esset, quo minus stipulator conditioni pareret.

## Interpretatio.

Vera & sapiens iurikōsulti cogitatio, quæ mauult esse iusta, quàm uideri, cum maxime nullo tempore uelit uacare, sed diligentius multorum iniuriā propulsare conetur. Qui (ad eos enim non impleri per-  
tinet) ex industria faciūt, & student, quominus, libertatis, stipulatio-  
tionis, legati, heredum institutionis, conditiones effectum sui sortian-  
tur. Sed, (ita autem receptum est) si non uitemus, fugiamusq;,  
eorum conatus & studia, nulla perturbatione huiusmodi contractus  
in nihilū discedent. Id amplius in exemplo Arethuse patet cui liber-  
tas sub conditione relicta, si quattuor peperisset, & ueneno dato ab he-  
rede per quem stetit, ut non esset partus, statim est futura libera. Ni-  
hil igitur aliud expectari debet, si apparuerit heredis, aut alteri<sup>9</sup> ini-  
quo consilio illatum impedimentum conditioni.

## Sex 122. Paulus.

¶ Que propter necessitatem recepta sunt, non debēt  
in argumentum trahi.

## Interpretatio.

Si quando necessitas rebus communibus, & priuatis obuenerit, dan-  
da erit opera, ut nemo ignoret, etiam si ius saluū non sit illi esse parē-  
dum. Non erit necesse de ea disputare, cum in promptu eius locus sese  
offeret, Nam ea multa facit improuisa nec nobis opinata propter ob-  
scuritatem, ignorantiamq; rerū. Cum nihil aliter rerū possit, atq; ab ea  
cōstitutū fuerit, euenire. Est enim intra quādam ordinis sempiterni  
mutabilem continuationem.

## Lex 123. Vlpianus.

¶ Cui ius est donandi, eidem & uendendi, & con-  
cedendi ius est.

## Interpretatio.



In hoc capite tria sunt genera, suā rem in alienos transferēdi. Vnū  
 eorū, qui liberalitatem, & munificentiam exercendo, neminiq; nocen-  
 cendo, faciunt accipientis, nec uolunt post donationem ad se reuerti;  
 cum pro illius dignitate benignē tribuerūt. Nam arbitrantur se libe-  
 rales in eum amicam suū uisum iri, Alterū, in rebus suis contrahendis;  
 ac à se uenditione liberandis. Ex qua omne mendacium cum dolo ma-  
 lo, uel simulatione, uel dissimulatione tollendū est, inter contrahētes,  
 ut sine dolosa & malitiosa licitatione sit collocutū. Quēadmodū solet  
 inter uiros bonos, qui non plaris uendunt, quā suæ res æstimantur.  
 Quando nihil celant, sed quod (ne obscuri ac astuti uideantur) sciunt,  
 noruntq; inutile id continuò in lucem proferunt, nihil ad orationis ua-  
 nitatem cogitando. Tertium, si temporibus & locis adducamur con-  
 cedere amicis & propinquis, in collocando beneficio, uel in gratia re-  
 ferenda aliqd, quod sit futurū u sui. Optimē enim cōcedēdo, cōmodan-  
 do, cōmunicando, societas hominū & amicitia seruatur. Cum iure na-  
 turæ (quo omnia sunt cōmunia) etiam admonemur, si sine detrimento  
 possit concedi, illud ut tribuatur cuiq; uel ignoto. In quibus igitur pon-  
 derādum est, qua facultate, animo, & beneuolenētia, quisque erit. Item  
 dicendum in cuius potestate unum horum collocatum fuerit, modo fa-  
 cere possit sine iniuria. Reliqua duo non deneganda esse.

### Lex 124. Paulus.

¶ Poenalia iudicia semel accepta, in hæredes trans-  
 mitti possunt.

### Interpretatio.

Paulus iurisconsultus prouulgare ausus fuit actiones, quæ uel ad  
 tēpus, uel ad rei mortē durāt. Si tamē iudicijs includātur sine pericu-  
 lo, perinde ac in uado incolumes seruari. Quēadmodū sunt poenales  
 quæ heredibus competunt, & in hæredes transeunt, apud iudicem li-  
 te accepta. Quam ob rem nemo potest discedere, atque harū poenas à  
 se eripere, quin non solum ad leges confirmandas, uerum etiā ad ma-  
 los homines deterrendos, scelera puniantur.

## Lex 125. Vlpianus.

¶ Cum quis possit alienare, poterit & cōsentire alienationi. Cui autem donare non conceditur: probandum erit, nec si donationis causa consenserit, ratam eius uoluntatem habendam.

### Interpretatio.

Cum eadem superiori capite elegātissimè, & breuissimè ab Vlpiano dicta fuerint, uno uerbo satis erit perstringere, huius mentē, & intellectū, quo multis nihil potuit accēdere accommodat<sup>9</sup>. Nā iustitiæ munus uideremus in eo, quatenus in alienandis rebus suis expertes consilij & ætatis ne circūscribantur. Quare huius caput est, in ijs (eorū mentionem facimus, qui rerum suarū sunt iusti domini) liberam bonorū suorum esse uendendi facultatem, & in alios uere ius suum conuertendi. Huius autem generis non sunt infantes, pupilli, minores, quibus consensus inesse, nō intelligitur. Ob id sine eorū autoritate, qui ipsorū curā gerūt, nihil agere dicūtur. Qui donationibus, uenditionibus, alienationibusq; similibus, consentire iuris prudentia non possunt. Quare si priuatim quicquā (ut puta fundū) uendiderint, hoc inutile, & minimè ratum habebitur. Nam in perniciem, & iacturā potius, quā sui & suorum emolumentum contraherent.

## Lex 126. Paulus.

¶ Qui rem alienam defendit, nunquam locuples habetur.

### Interpretatio.

Qui ad iudicem uocantur, iudicio fisci locupletem fideiussorē dare debet, eum dicemus, qui satis, & idonee habet in rebus immobilib<sup>9</sup> pro rei magnitudine, quā actor restituendā esse petit. Inde cōsequens est, neminem fore defensorem alienarū causarū sufficientem, nisi paratus sit fideiussores idoneos dare, ut solemniter apud iudices caueatur iudicātū solui. Nam pauperes dicūtur, qui satis non habent pro quantitate

ei, de qua agitur: quales sunt, qui minus in bonis suis habent, quam au-  
eos quinquaginta. De qua re in arbitrio iudicis erit diiudicare.

### Lex 127. Iulianus.

Non uidetur data, quæ eo tempore, quo dantur, acci-  
ipientis non sunt.

### Interpretatio.

Quoties quis eo animo dat, cum aliquid fuerit secutus, ut continuo acci-  
piens suum non dicat. Hæc donatio nulla esse potest. Cuiusmodi uidetur  
in suis ita gratificatur, ut liberales esse dicantur. Cum quod largiti  
sunt, ab alijs rapuerat, quo nihil potest esse iniustius, magisq; contra  
æquitati, quam alienam rem in suos usus conuertere. Nam nihil quidem  
liberale, nisi illud idem iustum fuerit. Quum rapiendo, auferendo per uim et  
olum malum, alienum dominum liberè transferre nequimus. Ne quis igitur  
arbitretur eos, qui quacunque ratione rapiunt, uisum iri donasse.

### Paragraphus. Qui iussu.

Qui iussu iudicis aliquid facit, non uidetur dolom  
facere: quia parere necesse habet.

### Interpretatio.

Authoritati iudicis parere esse, non solum Iulianus fatetur, uerum etiam  
sumus pudore et temperantia moderatiores in eos admonet. Utque  
nil de laude, dignitate, imperio, per effrenatam indomitamq; libidinem  
propter iustitiæ sanctitatem diripiamus. Sunt enim et stant pro ciuium  
ace contra hostes et reipublice oppressores, quos non minus strenue  
a exercitu deuincunt. Quum prædonum uehementes impetum, furum rapinas,  
etrociniarq; cohibeat. Tanti igitur facienda eorum ratio, ut omnia pacata esse  
uideatur. Ex quo intelligi potest, eum debere magnopere causæ consi-  
dere, quod mandatis iudicis certissimis fretus ad pecuniam soluendam pu-  
illis et minoribus descenderit. Nam ob id quod impulsus fecerit, nihil sibi  
imputabitur. Sed perpetuo de ea securus permanebit.

Lex 128. Iulianus.

¶ Rapienda occasio est, quæ præbet benignius responsum.

Interpretatio.

In multis rebus, quod adsint ambigua, nonnulli occupantur, ne imprudentius omnia misceant. Hoc commodi, quod ad eos attinet, ex hac lege referret, ea duntaxat spectanda, quæ accommodatius ad suscipiendum intelligantur. In quo est officium uerissimi & sapientissimi iudicis, qui non conatur sine emolumento (cum sit ueritatis amicus) his, pro quibus ius dicit, iudicia facere. Mauult enim in summa mendicitate permanere, quam perspicuum crimen & suspicionem ad prædam adiungere. Cæterum ut id magis eluceat dicas pro libertate iudicatum fuisse, si diuersæ sententiæ apud iudices numero pares, perlatæ fuerint, perinde ac in pecuniarum summis. Quoniam quæ minima uidebitur, ea, quum mitior occurrat, spectanda erit.

Paragraphus. Quod factum.

¶ Quod factum est, cum in obscuro sit: ex affectione cuiusque capit interpretationem.

Interpretatio.

Ubi occurrit, quod occultatur, & absconditur, cuius finis quorsum tendat, ambigitur. Ea sunt animaduertenda, maxime quæ ex animo & uoluntate auctoris sese offerunt, ad id quod inducit ad causæ exitum honestiorem, & qui magis conueniat. Etenim ut id intelligatur, ita querere debemus (ubi multa ad actum, multa improbe, multa auarè facta uidere licet) utrum sit inter tot flagitia unum quod lateat maius: ut indigna ambiguitate liberemur, iurisconsultus ad eius affectionem referri putat, qui fecit, aut commisit.

Lex 129. Iulianus.

¶ Factum à iudice, quod ad officium eius nō pertinet, ratum non est.

### Interpretatio.

Iudex sapiens cogitabit quantum sibi à principe permissum, quantum commissum, & creditum fuerit, & nō solum sibi potestatem datam in suos creditos sibi, uerum etiam iurisdictionem habitam. Vt nō quæ ipse sibi uelit, sed quæ lex & consuetudo cogat, in ijs uersetur, seque nō libidine, non odio, non inuidia, exerceat, sed fidem, æquitatem, religionem colat. Nam si extra suæ diocesis fines ius dixerit, consequens est, sententiam esse nullius momenti. Cum iudicis factum non potest iuri derogare.

### Lex 130. Iulianus.

¶ Nemo ideo obligatur, quia recepturus est ab alio, quod præstiterit.

### Interpretatio.

Non est æquum eum damna restituere oportere, quæ ipse suo nomine non fecit, quin comoda sua omnia iura, salutem, legibus obtineat, à quibus si recederet, simul & illud indignum cogitaret. Quomodo illa sint uitanda, ne si in alienas utilitates beneficia recte sint collata, intolerabiles sumptus feramus. Veluti si quis constitueret se alterius defensor, quando causam obtinuit omnes existiment, id quod in sumptum erit consecuturum. Quoniam ita alter defensus fuit, ut innocentiam obtinuerit a pud iudices, propter quem omnem operam, curam, in periculo defendendis collocarat.

### Lex 131. Iulianus.

¶ Is damnum dat, qui iubet dare, eius uero nulla culpa est, cui parere necesse sit.

## Interpretatio.

Quod si parētes charissimos habeamus, illis morem gerere sine dubio debemus. Nam nobis uitā, patrimonium, libertatē, patriam tradiderunt, multisq; rebus & magis necessarijs aucti sumus. Cum igitur par est in obsequendo gratiā referamus, in damno erunt eius, quod secutum erit eorū mādatis. Cōtra uero filij innocētia probanda, qui fecit, in cuius officio erat, parēre. Hoc tamen sanē accipiendū, si patris iussu hominem occiderit, utrumq; eius facti poenas pendere oportet. Iura enim nō sinūt admissa impunita. Quapropter, quāuis ulciscēdæ iniuriæ faciliior ratio sit in minoribus, tamen, ut ledēdi libertas deponatur, contra improbos quosq; necesse fuit, facinoris triste præmiū propositum esse. Nunquam dubitatum à maioribus communem salutem pluri fieri, quā singulorum ciuium. Nemo enim nescit, quantū inter se corpus, & membra distent.

## Paragraphus. Quod pendet.

¶ Quod pendet, non est pro eo, quasi sit.

## Interpretatio.

Et si futura, quæ ad tempus pendent, nobis, portētis atq; prodigijs multis, apertē denuncientur, nec tamen nobis aliqua poena, aut actio, appropinquabit. Tantus enim omnium cōsensus est, quod in nostra uolūtate nō sint, ne talia quasi esse dicātur. Reliquū est igitur, donec cōtingant, nullas aut actiones, aut obligationes relinqui: quo multi animū suū erexerūt, spemq; ceperūt nō modo utilitatis cōseruandæ, uerū etiā ne ante tēpus iudicio uexerentur. Lōgo igitur iteruallo, aut fortasse perpetuo, Iuliano, auctore & principe, sui iura & libertatem tueri poterunt.

## Lex 132. Iulianus.

¶ In contrahenda uenditione ambiguum pactū contra uenditorem interpretandū est. ambigua autē intentio ita accipienda est, ut res salua sit actori.

## Interpretatio.

Nemo est, qui uēditorē boni uiri officio fungi debere neget. Is enim est, quāsi in rebus suis uendēdis usus fuerit, aut taciturnitate, aut simulatione omnia incōmoda referet, quū inter bonos uiros nō decet dolose aut malitiose quicquam agere. Sed tollendū est ex omnibus negocijs & mendaciū, & ambiguū. Quapropter primum spectari oportet, quid inter cōtrahentes fuerit pactū. Nam si id obscurum appareat, magis nocere debet uenditori, q̄ emptori. Poterat enim rem suam apertius uendere, quam emptor, si ignorarit, sibi erit utile. Ambigua igitur oratio in perniciem uendentis recurret.

### Lex 123. Iulianus.

¶ In condemnatione personarum, quæ in id quod facere possunt, damnantur: non totum quod habent extorquendum est: sed & ipsarum ratio habenda est, ne egeant.

### Interpretatio.

Etiā si in certam summā, quā soluere possunt, damnati fuerint filij, ut suis parentibus alimēta præstet, nō tamen ab ijs quicquid iudicatum reperietur extorqueri debet, ne fortasse interim liceat esurire. Quoniam Iulianus ea ratione adductus minimē alienū ab æquo & humanitate putauit interdū damnatos ad extremū nō cogēdos. Quare utriusque pro dignitate ratio habenda atque interim ne alter horū egestate opprimatur. Sæpe enim euenire solet, ut eo egeamus quod omnino a nobis creditores extorserūt. Tanta enim sæuitia in suos debitores nō nunquā utuntur. A simili idem dicas donatoris facultates usque adeo exhaurire non licere, ut uix quicquam in bonis suis relinquatur. Cum in id quod facere potest, actio danda sit, aliquid quod satis sit condonandum. Id imprimis inter filios & parentes obseruari uisum est.

### Paragraphus. Cum uerbum.

e. iij.

¶ Cum uerbum **RESTITVAS** lege inueniatur: & si non specialiter de fructibus additum est: tamen & fructus sunt restituendi.

### Interpretatio.

Certum est, atque deliberatum quæ ad significationem uerbi **RESTITVERE** pertinent, omnia non modo de re ipsa, uerum etiam libenter, audacterq; de eius fructibus dici debere. Nam à lite inchoata, quæ est condamnatus omnes fructus, quos actor percepsisset, ut restituat, cogendus erit. Id amplius tractare pudet, quum Paulus in capite restituere, de rerum & uerborum significatione, & elegantissimè, & acutissimè interpretatus fuerit. Tu igitur fontem ipsum petes, ne de turbulento riuo uidearis magis, quàm de aqua purissima potare.

### Paragraphus. Vnicuique.

¶ Vnicuique sua mora nocet. Quod & in duobus reis promittendi obseruatur.

### Interpretatio.

Qui in sua re nidetur tardissimus, erit (ut fit) perquam negligens in alienis rebus. Ne uero mirum sit, si eius tarditas huc accedat, quòd quamuis sibi uideatur studere non soluendo quod debet, tamen ea incommoda cõsequitur, quæ in creditorum utilitate uersa fuissent, si ad tempus accepissent. Nemo deinceps sua mora cæteris nocere conetur, quum temerè tantum sibi damni paret, quantum perspicuum erit, in dolo malo uersatum fuisse. Id igitur in bonam partem accipiamus, quod non parum humanitatis habeat. Eò enim accessit hæc sententia, ut (ne longius abeam) omnium utilitatem cõmoneat, iuxtaq;

### Paragraphus. Dolo.

¶ Dolo facit, qui petit, quod redditurus est.



## Interpretatio.

**Caius Aquilius** Ciceronis familiaris de dolo malo legem tulit (quæ appllabat, quom aliud sit simulatum, aliud actum) per quam multorum malorum fomenta extirpatū iri arbitrabatur. Videbat enim eo uersuto & fallaci uelamēto reipublicæ & ciuibus quā plurimis multa in cōmoda subcrefcere. Sed ut huic morbo mederetur, iretq; obuiā suis formulis definitum est, malitiam improbi & simulantis hominis in sese cōuerti. Quemadmodū dici potest a pertius de marito, qui à parentibus suæ uxoris dotem dolo malo exegerat, conuentum ante fuerat, se non petitum iri, scero uiuente. Sed facto diuortio eam mulieri restituere debebit.

## Lex 134. Iulianus.

¶ Qui potest facere, ut possit conditioni parēre iam posse uidetur.

## Interpretatio.

Hoc quidem magnum, quod in principio huius capituli breuiter attingitur. Sed profecto eo nihil præstātius, quo planè intelligi potest, neq; opinione, sed natura ius ciuile esse constitutū. Id iam patebit, si hominū pacta & uoluntates inter ipsos perspexeris. Quoniam nihil obstat, quo minus conditionis positæ legem quis perficiat, quando in eius uoluntate, quasi inesse dicatur. Vt si fundum ea lege Labeoni uendidero, si Paulus eum mihi dedisset. Et per me factum est, ut ab eo nō impetrassem. Quasi impletam conditionem, quis negaret? quom per me uenditorem stetit, ne in lucem prodiret.

## Paragraphus.

¶ Quod quis (si uelit) habere non potest, id repudiare non potest.

## Interpretatio.

Neminem ignorare arbitror hanc sententiã, in se habere quod repugnet, nisi attentiùs pspexerit. Quæ in summa ita sese offert. Nihil aliud quæquam agere uideri, nisi maximè quod penes eum erit. Neque (dicã ut res est) quicquã denegare posse quod in arbitrio eius minimè collocabitur. Vt puta, qui quũ institutus non sit, acquirere hereditatem non quirit, eam integrã, uel pro parte nõ repudiabit. Quoniam certissimũ est, eum in potestate non habere copiã adeundi hereditatem, quã si uellet, non adiret.

### Lex 135. Iulianus.

¶ In omnibus officijs, quæ fieri per liberas personas leges desiderant, seruus interuenire non potest.

#### Interpretatio.

Cum nihil sit seruitute foedius, & ciues ad libertatẽ, nati sint. Hec quidẽ diligētissimè obseruarũt, ut cum dignitate potius honestè per liberas personas, quàm cum ignominia seruorum consilijs, regeretur. Sic igitur erant seruilis cõditionis homines in re publica, ne ullos magistratus exercerent, inirentq; publica iudicia. Quod ideo factũ uidetur nõ quod careant iudicio, sed quia constitutum fuit, ut in rep. non starent. Quoniam diu taxat lege impediuntur, ne sint iudices propter suos mores non satis accommodos.

### Paragraphus. Non debeo.

¶ Non deleo melioris conditionis esse, quàm auctor meus, à quo ius in me transit.

#### Interpretatio.

Inuentus est nemo, quĩ auderet, nisi impudenter, plus iuris & auctoritatis sibi attribuere, quàm erat ei, in cuius locũ successit. Talis enim in iudiciũ uocando sine titulo, legitimaq; causa quæquam, apud iudices est repulsam passurus. Quĩ diu taxat sui authoris imaginẽ sibi concedatur sequi, quĩ aut agendo aut possidendo ea honestatis significatione

imitabitur, ut nulli iacturā afferre iudeatur. Deniq; nihil sibi per sua deat, nisi quod fuerit, aut legitimū, aut quod pro rei suæ dignitate sine ullo impedimēto indultum erit. Hoc enim satis liquet in bonæ fidei emptore, ut non sit melioris fortunæ & conditionis, quā prius erat is, qui uendidit.

### Lex 136. Iulianus.

¶ Non est singulis cōcedendum, quod per magistratum publicè possit fieri, ne occasio sit maioris tumultus faciendi.

#### Interpretatio.

Si inter ciues sit liberum quæ uellent facere, in republica omnia & turbulenta & temeraria & periculosa essent. Sed ne ea occurrāt tanta prudētia, diligentiāq; prouisum est, ne conuocarentur homines, propter aut possessionis cotrouersia, aut iuris sui retinēdi causam. Quoniam nec iuri quicquā tam inimicū, quam uis, nec æquitati quicquā tam infestum, quā conuocari homines, & armari. Quod cum ita sit, imprimis à magistratibus animaduertēda sunt per quos in pace & ocio uiuatur. Quēadmodum si inter plures lis de agri finibus moueatur, ut non ad pugnas & rixas pergant, æquissimū erit. Sed iudicis auctoritate interposita inter eos cautione opus erit, qualiter unus possideat. Nam nemo priuatus, cum sit obediendū ijs, qui imperant, de lite mota, componere debet ui armorum, & impetu.

#### Paragraphus.

¶ Infinita æstimatio est libertatis & necessitudinis.

#### Interpretatio.

Libertate nihil est, tam excellens, tamq; magnificum, quam non solū ab hominibus, uerū etiā à brutis animātibus expeti atq; oībus diuitijs anteponi uidemus. Quæ ita iucūda est, ut & nobiles & plebei hoīes,

Et fortissimusq; maximos labores suscipere putat, ut aliquādo in libertate uiuere possint, praesertim cum imperio, ac dignitate. Quae si libertas sit propria generis atque nominis nostri esse infinitae aestimationis non dubitemus. Quid porro in uita humana tam tutum atque celebrationem est, quam summa quidem necessitudo. ad eam enim similis adiunctio non accedit. Nam si exemeris ab hominū societate hanc cōiunctionem, nec familia ulla, nec regnum permanere poterit. Id si non satis intelligamus, quanta uis sanguinis, cognationisq; sit ex cōuentionibus atque beneuolentia percipimus. Quid enim est tam firmum tamq; stabile, quam familia sanguinis uinculo, aut amicitia? quae non odijs atq; litibus funditus euerteretur. Ex quo quantum boni sit in necessitudine nemo iudicaret.

### Lex 137. Iulianus.

¶ Qui in ius dominiūue alterius succedit, iure eius uti debet.

#### Interpretatio.

Agitur in hoc capite de iure, quod cum suis causis à successore suscipitur. De quo autem apud homines prudentissimos disputatū est, qui intelligūt, freti legum prudentia, non carere non debere ijs rebus, quibus defunctus, uel alius qui donauit, utebatur. Contra etiam nec habiturum quod in hereditate, uel donatione inuentum non fuerit. Quam in re quantum illi diligentia praestiterint, aequatatis iustitiae, parsimoniae, magistri fuerunt.

#### Paragraphus.

¶ Nemo uidetur in dolo esse, qui ignorat causam, cur non debeat petere.

#### Interpretatio.

Quemcumque suas res habere leges duodecim tabularum iusserūt. Ex omni uita enim nihil est honestius, nihil iustius, quam cui quod ac-

cidit, id teneat, id amplectetur, id ab omnib<sup>9</sup> iuste petat. Nā necesse est, cū causis suis res nostras exigere, repetere, iudicare. Quam ob rem sine impedimento, exceptione, negatione, iura nostra ex optimo more, & disciplina legum sanctissima repetemus. Cum enim aliter contineret, res esset non modo iusu, sed etiam auditu per quā foeda.

### Lex 138. Iulianus.

¶ Cum principalis causa non consistat: plerunque nec ea quidem, quæ sequuntur, locum habent.

### Interpretatio.

Hoc ita uerū, ita manifestū, ita nudū, nihil ut fieri possit apertius, in quo intelligat qui nolet, modo leuiter, nō ut improbū, nō ut impurū, sed ut nobis aliquando necessariū, utile & gratū. Deuenit, aut potius incidit in hunc modū tam doctum quā est elegans, quo sepe utimur. ut in testamentis, ut in legatis, ut puta, si non sint legata, quæ per esum & potum intelliguntur, nec quæ comedere solemus, ut oleum, mel. Contra legato penore omnia continentur, quæ in cella penaria, etiam ligna & carbones, quæ non uendendi causa parata sunt.

### Lex 139. Iulianus.

¶ In obscura uoluntate manumittentis fauendum est libertati.

### Interpretatio.

Quamuis dominus censeatur cautus & diligens, & animo & prudentia in seruos suos, tamen in multis, tum præcipue in ijs, in quibus prospici debetur, an iusta libertate donati fuerint, necne? hoc & breuissimum & facillime tenendum, ut ita iudices, qui testantis uoluntatem ferè norunt, se gerant, perinde ac à principio pro libertate nihil prætermisum fuerit. Quoniam eiusmodi & comitendum & rectissimè credendum est. Propterea quod si herus seruum liberum fore uelit.

Deinde eum legat, quamuis uoluntas ademisse libertatem uideatur. Tamen cum in obscuro appareat, tum fauorabilius dicitur libertatem cōsecutam esse.

#### Lex 140. Iulianus.

¶ Quod iussu alterius soluitur, pro eo est, quasi ipsi solutum esset.

#### Interpretatio.

Quantum ex hoc capite intelligere possum, uideo locum dari (quādo fit mentio de solutione) mandatis, quæ multum operatur non secus, quoniam si adessem, qui mandarem. Ego autem (nisi fallor) illis tantum tribuo, quātion fortasse mihi arrogarem, si per me solutum fuisset. Quicquid enim priuata auctoritate statuerimus, id ad omnia negotia nostra probabitur.

#### Lex 141. Iulianus.

¶ Si nemo subiit hæreditatem: omnis uis testamenti soluitur.

#### Interpretatio.

Cum in actis publicis nihil sit lege grauius, in priuatis firmissimum est testamentum. Si tamen semel aliquo modo irritum fiat, clarum erit, per se nullam utilitatem relinquere. Quod uerius intelligemus, si inductione nomina heredum non appareant in testamento scripta, ad quos nihil pertinet, quod eorum institutio fuerit inducta. Quāobrem uis testamenti est, futurum nullius momenti non adita hereditate.

#### Lex 142. Iulianus.

¶ Quod nullius esse potest, id ut alicuius fieret, nulla obligatio ualet efficere.

#### Interpretatio.

Quod in nullius bonis numerari dicitur, id nostrum fieri aliqua obligatione, aut contractu non potest. Quale est quod uel publice dedicatum

uel in templis, uel in ciuitate. Nam nec uendi, nec alienari, nec in dominiū nostrū transferri uidetur. Quū amplius ad usus profanos nō euocetur. ut si thesaurū, aut aram deo dedicaſti ſine religione loco mouerinequit, aſfortiori, nec profanē uiri licebit.

### Lex 143. Marcellus.

¶ Et ſi nihil facile mutandum eſt ex ſolemnibus, tamen ubi æquitas euident poſcit, ſubueniendum eſt.

#### Interpretatio.

Quāquam in perpetuū durare uideatur, quod ſolemni ſentētia, aut decreto, aut lege cōſtitutū eſt, tamen quādo ex æquo neceſſitas occurrat, ſine dubio, ne malitioſe in iure uerſetur, fauorabilius erit, ut ſubueniatur. Bonus enim uir legū corrector, emēdator, interpretator, cauſam ipſam cognoscet. Cum leges ubiq; locū nō habent, ſi in eas peccatū uſum fuerit, aut ignorātia, aut ſexu, aut ætate infirma. Tum omnes reſtituentur in integrū cauſſa cognita, Quare utilitas huius tāta eſt, ut cōmendatione non egeat, per ſe enim, ipſa ſe oſtendit.

### Lex 144. Celfus.

¶ Vani timoris iuſta excuſatio non eſt.

#### Interpretatio.

Cum metus (quī eſt futuri mali ægritudo) uani hominis dicatur, nō qui in hominē cōſtātīſimū cadat. Nullus locus erit excuſationi, quæ duntaxat eſt maiori ſ mali. Nā ſi quis armatos hoīes fugerit, & aduentū nō expectauerit, nō ui militū, ſed potius uano metueiectus eſt.

### Lex 145. Celfus.

¶ Impoſſibile nulla obligatio eſt.

#### Interpretatio.

P. Eatantū, quæ natura ſui, poſſibilia ſunt, in obligationē perueniunt. Nam de ijs rectē negociū gerimus, quæ noſtris uſibus ſubijciuntur.

At uero illa, quæ fieri, aut euenire secundū naturam nequeunt, nequa-  
quam nobis ius nouū acquirunt, ne illis aliquando obligemur, ut si spo-  
sponderim partus ancillarū, qui nullo tempore spectari debet, (quod  
sint steriles) obligationis nomine in iudiciam non uocabor.

### Lex 146. Celsus.

¶ Nihil peti potest ante id tempus, quo per rerum na-  
turam persolui possit: & cum soluendi tempus obli-  
gationi additur, nisi eo præterito, peti non potest.

### Interpretatio.

Cum omens ad pecuniā accipiendam, quæ nobis debetur, & ad solu-  
tionis finem, lucimur. Duo igitur tempora existunt spectanda. Vnum  
eorum, qui promiserunt aliquid, quando per naturam sese obtulerit.  
Alterum eorum, qui ad tempus, uel in diem obligati sunt. Illud uero  
inesse dicitur, quando idoneum est, ut capiatur, quod promissum. ut si  
promisero centum modios frumenti ante messes peti non debent, sed  
spectandum erit donec in horreum reponantur. Hoc autem, si condi-  
tionis, uel obligationis tempus præteritum dicatur, tum agendi facul-  
tas cuique maximè conseruatur. Vtrunque igitur non certo fine &  
termino consistit, qui, ut uidemus, ad actiones tractandas etiā diffici-  
les, & obscuras magnopere confert.

### Lex 147. Celsus.

¶ Si quis prægnantem uxorem reliquit non uidetur  
sine liberis decessisse.

### Interpretatio.

Quid suauius hominibus datum est, à natura, quā sui cuique liberis  
patri enim uero & propter eorū indulgentiā & propter formā sibi



funilem anima sua chariores sunt. Tamen eos nō tanta uoluptate educauit, quāta, si caruerit ante, graui morbo reuocati, restituatur. Quoniā desiderata magis, q̄ sepe percepta delectāt. Quorsum igitur hæc? ut possimus intelligere, quid hoc caput intus habeat. Vnde dicendū nobis est etiā si incognitū fuerit, nec satis spectatū, eū si uiueret, aliquādo liberorū tali uoluptate fruiturū uxore relicta grauida, post mortē suā. Ideo sine liberis mortuū nō esse nemo est qui nesciat. Ex quo fiet, ne ius testamēti soluatur, natis liberis, qui in numero suorū filiorū numerātur. Cōsule legem. Aui mortui, de rerū & uerborū significatiōe.

### Lex 148. Celsus.

¶ Vbi pugnatia inter se in testamento inueniuntur: neutrum ratum est.

#### Interpretatio.

Quicquid repugnat id eiusmodi est, ut cohærere nunquā possit. Si enim mente integra testator cum suis heredibus instituerit, sibi cōtra dixerit. Verisimilius erit dicere, quasi nō actū testamentū. Hoc igitur incōmodi obuiū uenit, ne ad eūdi hereditatē facultas inde cōsequatur. Quoniā si sui heredes omnes cupiāt iure testamēti, quod nullū, ut cōpi dicere, uidetur, bona defuncti occupare, nō poterūt. Sed pugna hac rumpetur testamētum, quod enim mea sententia ad iuris prudentiam non pertinet.

#### Paragraphus.

¶ Quæ rerum natura prohibentur, nulla lege confirmata sunt.

#### Interpretatio.

Ad iudiciū hoc modo uenimus, ut totā litem, aut obtineamus, aut amittamus. Propterea hoc sumēdū principiū, ut duntaxat agamus de ijs quæ naturæ nō repugnabūt. Nam huiusmodi hominū generi nō subiiciuntur. Quæadmodū, si cōpromissum fuerit, mortuū suscitare seruū, satis cōstat nullius diligētia id præstari. Nemo igitur negotio cum na

tura pugnante fraudabitur, cum formula obligationis nihil certū ali-  
quo tempore polliceatur.

### Lex 149. Celsus.

¶ Pupillus nec uelle, nec nolle in ea ætate (nisi ad-  
posita tutoris auctoritate) creditur. Nam quod animi  
iudicio fit, in eo tutoris auctoritas necessaria est.

### Interpretatio.

Admonet quidē Celsus iuriscōsultus hic, quid in pupillis seruandū,  
qui ab alijs nō ex se pēdere dicātur. Nam eorū ætas infirma impedit,  
quo minus cum hoībus, aut cōtrahant, aut distrahāt. Nihil enim sentē-  
tia omniū iuriscōsultorū agere possunt, quantum ad ius ciuile pertinet  
in sui detrimētum, nisi tutores adfuerint adiutores simulq; approbaue-  
rint factū suorū pupillorū, ut puta si ematur à pupillis, in absentia tu-  
torū ex una parte recte cōtractum est. Ex latere uero pupillorū non  
constat contractus, nec obligantur pupilli.

### Lex 150. Celsus.

¶ Quod euincitur, in bonis non est.

### Interpretatio.

Verum oēs intelligimus ea nō esse nostra, nec inter bona numerā-  
da, quæ iudicio à nobis iuste repetūtur. Nam caussa cognita sapientis-  
simus iudex nos perperam occupasse dicet, alterumq; esse uerū domi-  
nū. Exeant igitur à nobis ad aliūq; transferuntur, quem approbāt,  
& agnoscunt idoneū possessore aliquādo fuisse. Hoc manifestius dica-  
tur de seruis à fure uenditis. Qui à nobis aliquo genere euincuntur,  
ut non nobis liceat habere.

### Lex 151. Celsus.

¶ Neratius cōsultus, an quod beneficiū dare se quasi  
uiuēti Cæsar rescripserat, iam defuncto dedisse exi-  
stimaretur; respondit, nō uideri sibi principē, quod ei,

uem uiuere existimabat, concessisset, defuncto concessisse. quem tamen modum esse beneficij sui uellet, ipsius æstimationem esse.

### Interpretatio.

Ne à ciuibus suis concordia tollatur nõnunquã principes beneficia transferunt. Quibus etiã aliquid de iure remissum & condonatum modo fuerit rationi cõsentaneũ, & minimè alienũ à iustitia. Quando quidẽ interdũ ita præstantur, ut ambigũ sit, quorsum tendant, ueluti, de eo, qui à summo principe impetrauit filio surdo substituere ei licere, & emancipatũ substituit, surdus ducta uxore filium recepit, post patris mortem, In hoc an rumpatur testamentum. Principes solent sua beneficia interpretari.

### Lex 152. Marcellus.

¶ Ea, quæ in partes diuidi non possunt, solida à singulis hæredibus debentur.

### Interpretatio.

Quãdo ius aliquod, quod sui natura diuisionem non recipit, ad oēs hæredes transfertur, in qua forma à defuncto ipsum relictum fiat, ut inde perueniat ad iudiciũ familiæ herciscundæ fieri nõ potest. Nam iuris ciuilis ratio ab æquitate nunquã seiungitur. Quapropter hoc dictum, ea nequaquã, quæ singulis hæredibus in integrũ debentur, uenire in prædictũ iudiciũ, ueluti stipulationẽ itineris, uia, actus, haustus, aqueductus. Quia iure ueteri ea non diuiditur, nec diuidi potest. Sed omnibus in solidũ sine diuisione cõpetit actio, quod est uerius.

### Paragraphus.

¶ In re dubia benigniorem interpretationem sequi, non minus iustius est, quàm tutius.

### Interpretatio.

Non solum ualde iustum, uerum etiam tutissimũ erit, in dubijs amplecti quod esse melius apparebit. Nõnunquam enim quod dubium est

*Et incertū nō potest per subtile ingenii iudicis manifestari. Quare in ambiguis rebus humaniorē sententiā sequi oportet. Nam in causa est præsumptio, ne amplius ambigetur, utrū hoc, an illud sit accipiendū. Quod crebrō cōtingit de libertate sub conditione relicta.*

### **Lex 153. Celsus.**

*Omnia ferē iura hæredum perinde habentur, ac si cōtinuō sub tempus mortis hæredes extitissent.*

#### **Interpretatio.**

*Cum hereditate iacēte omnia iura integrē seruātur, perinde, ac si hæredes statim à morte defuncti eam adissent nec aliquod interuallū factū fuisset. Quāmodū uidere solemus in usucapione incōcepta, quæ pertrahitur ad hæredes sine sui diminutione. Nam uariū tempus ante aditam hereditatē ad heredem transit. Quod est firmamētū actionis, si esset agendum post interturbatam usucapionem.*

### **Lex 155. Modestinus.**

**¶ Expressa nocent, nō expressa non nocent.**

#### **Interpretatio.**

*In hoc capite Modestinus præscribit, quod facile dictū est, documentū omniū maximē cōtractuū, in quibus plures fraudes cōmittūtur multorū uerborū expressione, ne imprudentes garrulitate & nimia uerborū serie cōtrahant. Nā aliquādo accidere solet, ut nominatim de clarata officiant, quāuis omīssa tacitē intelligi potuissent, nec essent obfutura.*

### **Lex 156. Modestinus.**

**¶ Priuilegia quædam causæ sunt, quædam personæ, & ideo quidem ad hæredē transmittūtur, quæ causæ sunt: quæ personæ sunt ad hæredem nō transeunt.**

#### **Interpretatio.**

Cum leges tribuant, adimant, puniāt, uetent, iubeant, in genere ad omnes cōstituūtur, nō quidem ad singulos hoīes. Quod ex ueteri iure duodecim tabularū sumptū est. Nam ne priuilegia cōcederētur, sed potius tollerētur de medio, cauebatur, & uolebāt. Ex quo in priuatos homines priuilegia ferri maiores nostri noluerūt. Sed tamē cum tēpora incidūt in fauorē quorundā principes ea cōcipiūt, feruntq; in quos placet, ac uisum est. Quare, ut ait noster Budæus uir doctrinæ singularis (qui Græca latinis ita cōiunxit, ut par sit in utriusque orationis facultate) nostris hoībus magnum adiumentū afferens, dici possunt priuilegia quædā, id est singula iura, quod sint prærogatiua quædā, & principū indultū. Quorū duo sunt genera. Vnū priuatarū personarū, quod cum persona definit, nec eodem heredes uti possunt. Alterū caussarū, quod ad successores defertur. Adheret enim suis rebus, quæ non intereunt nec ullo tempore mutari possunt, nisi bello, & aduersa tēpestate, quæ do lata sunt in pace aut contra.

### Lex 157. Modestinus.

¶ Semper in conuentionibus non solum quid liceat, considerandum est: sed & quid honestum sit.

#### Interpretatio.

Si natura sumus honestatis studiosissimi, appetētissimiq;: cuius si lumen aspexerimus nihil quod ut eo fruamur, nō parati sumus ferre & perpeti. Nostrū igitur erit cum iudicio cōsiderate & cōstanter negocia, ut pote cōtractus ita peragere, ne quis sentiat ex eo quicquā diminutū ac quod cuiq; nō cōceditur, occupatū. Sed utrūque adeo religiosē seruādum, ne de gradu dignitatis dimoueamur, cogitādo, cōsulendo, iudicādo, quid honestū, quāta uis honesti, quidue liberē singulis hoībus indultum fuerit, quidue cuiq; liceat. Sicut agamus pingui Minerua ne quis cōtrahēdo præter aleam negocij excedat, sed inter utriusq; metas & terminos fortunā tueatur suā. Nā inde quidem simplex quoddam & solū bonū proficiscitur, nihil uero mali: in sola autem uirtute collocatur.

### Lex 158. Iabolenus.

f. iij.

¶ Neque in interdicto, neque in cæteris causis pupillo nocere oportet dolum tutoris, siue soluendo est, siue non est.

### Interpretatio.

Si nõ recte quidem tutor, aut negocia aut causas pupilli curarit: sed in illis dolo malo uersatus fuerit, citra huius utilitatẽ, unde nec factus est locupletior. Sic igitur habetote pupillũ nullo in damno consistere, cui tributũ exceptionis beneficium, si in eum agatur. Nã etiã ratio humana rerũ optimarũ magistra infirmos, ac etate debiles nõ patitur damnis & incommodis affici. Sed quãtũ potest, curat, restituit, subleuat, prohibẽs etiã quæ omnibus uisa sunt cõtraria, quæ re nihil aut cõmodius, aut omnibus ciuibz salubrius. Succisuius autem temporibus (ne in longum sermonem te uocem) accidunt quæ opis indigent. Ideo necesse est, illis potis sermonem opitulari.

### Lex 159. Iabolenus.

¶ Non potest dolo carere, qui imperio magistratus non obtemperat.

### Interpretatio.

Cum magistratus lex loquens uideatur, in eum minus peccant, quàm in leges. Qui eius mādatis nõ obsequuntur & obediunt, sui præsentiam animo cõtumaci nõ faciẽtes. Quod quidẽ omnibus magistratibus iudicia dantur, at totius populi causas cognoscant, unicuique sine iniuria suam reddant. Illi non secus obuiam ire iustis reipublicæ statutis uidentur, quàm per uim omnia iura cum legibus deturbare, si conaretur. Quĩ nihil ciuibz magis cõtrium, nihil minus ciuile, quàm cõposita & constituta reipublicæ, quicquam agi, quo in ruinam cadat. Quare officium cuiusque in sua terra & prouincia, dominis & iudicibus morẽ gerere. Melius enim est iniusta causa cadere, quàm turpiter contumacia damnari.

### Lex 160. Vlpianus.

**¶ Qui in seruitute est: usucapere non potest. nā cum possideatur, possidere non uidetur.**

**Interpretatio.**

Illis usucapio (quæ est acquisitio per possessionē) rumpitur, qui iusta seruitute seruiūt. Cuiusmodi existūt, qui ab hostibus capti fuerūt: quia uerū est eos desisse possidere. Autoritas quidem eorū cum libertate interijt. Quæ cum longē & digniora & nobiliora, si amittantur, nec mirū sit, ius usucapionis inturbari sola seruitute. Quæ quidem est postremum malorum omnīū, non modo bello, sed etiā morte repellendū.

**Lex 161. Vlpianus.**

**¶ Nō alienat, qui duntaxat omittit possessionem.**

**Interpretatio.**

Multū inter se & proprietates, & possessio discrepāt. Quicquid enim apprehēdimus, hoc possessionē uocamus, quā cōparamus usu uel præscriptione. Ideo nec durū uideatur retentā proprietate, si illā nō utēdo amittamus. Qua sola ad tempus certū intermissa, rem nostram nō dicimur distraxisse, aut perdidisse. Ad id enim consensus, quo dominīū trāsferatur in alium, ualde necessarius est, ante quā uere de bonis nostris exisse dicamur.

**Lex 162. Paulus.**

**¶ Nemo plus commodi heredi suo relinquit, quā ipse habuit.**

**Interpretatio.**

Certū est heredes nō plus iuris habituros, quā habuit is, cuius bona adepti sunt. Non enim ea cōmoda in eos transferre, quæ apud se nō fuerāt. Nā nō potuit qd nō habet, alijs relinquere potest. Videāt igitur diligēter heredes, ne sibi plura attribuāt quā in adeūdo hereditatē attingere nequiverūt. Ea admonemus ut illis cōsultum sit, quando aut

experiri nō, at rebus hereditarijs ut ēdum fuerit, ex quibus multa incommoda referēt, si sine iudicio, incōstanter, & repētino quodā impetu falsosibi ascribant, quæ defunctus sua nunquam agnouit.

### Lex 163. Paulus.

¶ Qui non facit, quod facere debet: uidetur facere aduersus ea, quæ nō facit, at qui facit, quod quod facere nō debet: nō uidetur facere id, qđ facere iussus est.

### Interpretatio.

Cognoſce ex hac lege duo eſſe poſita, quæ matuo ſe inferri uideātur, cum maxime oppoſita ſint. Quadrifariā autē in gratiā beneuolōrū deducemus. Primo, quā nō obſequitur, quibus tenetur, illis repugnat, quibus morē gerere oportebat. Cōtra, qui obſequitur, quibus nō debet, illis cōſentit, quibus repugnare opus erat. Secundo, quā creditorib⁹ nō ſatisfacit, ut iuſſus eſt, teſtamenti legem ex officio nō perficit. At, qui creditoribus ſoluit, ut iuſſus nō eſt, facit perinde ac teſtamētō tenere, quod nullum fuit. Tertio, qui non adiit hereditatem, ut uoluit defunctus, eius uolūtati obuiā uenit, Sed ſi ingreſſus bona hereditatis prohibēte teſtatore iniuſtē haberi heres conatus eſt. Poſtremo cuius bona creditoribus ſunt, diſtribuenda, ſi habeant ſeruitutes, & in eorum fraudē illis nō utatur, is non facit, quod facere debet.

### Lex 164. Caius.

¶ Libertas omnibus rebus fauorabilior eſt.

### Interpretatio.

Illud de libertate dicam⁹, ne qua calumnia, ne qđ dolus, ne qua fraus adhibeatur, ut hæc integra, nō læſa, nō negata, ſua priuilegia retineat, ſuamq; fauorē more reorum, quibus etiā præfertur imitetur, & defendat. Nā ſi de ea cōtrouerſia moueatur ſepiſſime iuris prudētia pollicetur ſibi chariſſimā fuiſſe omnibusq; rebus fauorabiliorē. Cū à natura nō ſolum bruta animātia, uerum etiā omnes hoīes nō ſecus qđ ſonnum



bonum expectat. Nihil enim nobis potest fore gratius, magisq; humanū  
quā cum uirtute facere, ut uolumus. Quare in causis libertatis, qđ  
decretum a iudicibus uidebitur, pro ea locum obtinebit. Alias reo  
esset fauendum, ut paulo post dicitur.

### Lex 165. Vlpianus.

¶ Nemo alieno nomine lege agere potest.

#### Interpretatio.

Leges non finunt, ut quis in alienis causis agat & defendat, nisi  
prius interuenerit eorum cōsensus, ad quos pertineat, iudicium susce-  
ptum fuisse. A quibus nullā facultatē habuit, debitores aut alios ad iu-  
dices cōueniēdi. Ob id nullā actionē intēdere poterit, nec sibi imputa-  
bitur. Nemo enim astringi debet, ad id ad quod nō est obligat⁹, nec si  
uellet, audiretur, cum ad se nihil pertineat. Aliena autē negocia, quis  
tā audax, & amq; temerarius curare, tueri, ut sua tractare, nisi iussus,  
conaretur? Neesse est igitur ante expectare ueri domini manda-  
tum, quā rebus alienis nos immisceamus.

### Paragraphus.

¶ Temporaria permutatio ius prouinciæ nō innouat.

#### Interpretatio.

Quod semel atq; iterum tēpore mutatum dicitur, iurisdictionum,  
prouinciā cōsuetudines nō inuertit. Cōsideremus hoc in Appio pul-  
chro fugiēte cōgressum Ciceronis missi in Ciliā. Nō quidē innoua-  
uit legē corneliā, qua procōsulibus ad discedendū de prouincijs trigin-  
ta dies cōstituti erant quādo Tarfi, agebat, statuebat, multa decerne-  
bat, iudicabat, cū iā illi erat successum, nec itra dies statutos discesserit.

### Lex 166. Vlpianus.

¶ Vbi non uoce, sed præsētia opus est: mutus, si in-  
tellectum habet, potest uideri respondere. Idem &

*in surdo hic quidem responderi potest.*

### **Interpretatio.**

In cōventionibus bonæ fidei (in quibus præstatur quantū æquū est & bonū) ubi magis necessarius hominis cōsensus, quā uox, non solū surdus nerū etiā mutus, modo id ipsum, quod contractū est intellexerint satis respondisse uidentur. Nā in his negocijs sermone nō est opus, animus autē solus sufficit, quemadmodū in emptionibus, uenditionibus, locationibus, alijsq; id genus. In quibus cōtractibus, cōsentiēdo, obligationes cōtrahuntur, quia neq; uerba, neq; instrumenta desiderātur. Iudiciū nobis est, quod absentes, qui in præsentia nec uerba fecerant, per literas uel per nunciū huiusmodi obligationem consensu contraxerunt.

### **Paragraphus.**

**¶** Furiosus absentis loco est, & ita Pomponius libro primo epistolarum scripsit.

### **Interpretatio.**

Quorū furore & insania ratio cōturbata uidetur, nō aliter abesse dicūtur ad cōtractus perficiēdos, ac si in rebus humanis nō agerent. Imprimis enim ratione nō utuntur, qua differimus à belais, per quam cōtrahimus cōsensum præstamus, differimus, conficimus, ac iudicamus. Illi etiā furore suo integramente cæcati sunt, quod humanitus accidit. Quoniā animus noster est quoddā tenerū & molle, qđ nōnunquā egritudine deijcitur. Quare in oībus, & per oīa absentis loco reputantur.

### **Lex 167. Gains.**

**¶** Favorabiliores rei potius, quā actores habentur.

### **Interpretatio.**

In caussa agenda, duo sunt, quorum unus est, qui profitetur se satis idoneum actorē, propterea qđ fidē, diligētiamq; præstare debet. Alter qui se obtulit defensore, fortasse in re obscura ac ancipiti, quā iudicis excelles ingenium uix dignosceret, si de utriusque iure sit sibi dicē-

dum. Ideo à maioribus constitutū, & usque ad hoc tempus conseruatū est, ut cum nihil certi ostendatur, iudices ad rei liberationem stent faciliores. Quam ob causam quisque sibi persuaheat propter obscuram dubiamq; rationem, favore reos iuari.

### Lex 168. Vlpianus.

¶ Nemo prædo est, qui precium numerauit.

#### Interpretatio.

Nemo rem alienā dicitur sustulisse, cuius precium reddidit, atq; tene repetitione hereditatis. ut is, qui possidet pro herede uel pro possessore, ut sæpe facit prædo, qui non putat se heredem, cum is si communis omnium hostis, licet aliquis instituat amicos, quibus non solum parcat, uerum etiā prædia sua augeat. Sed huius animi non uidetur, qui persoluit ac iustum precium numerauit. Cõstat igitur hunc uerū esse dominū, non raptorem, non furem, non prædonem, eiq; nullam penā constituendam.

#### Paragraphus.

¶ Locupletior non est factus, qui liberū adquisiuerit.

#### Interpretatio.

Bona nostra non auximus hominis liberi possessione, cum à nullo possideri dicatur, propter excellens nomen libertatis, quo hominum generi, nihil dulcius à natura datum est, nihilq; cuiquam fuit iucundius quam potiri, ut uelit, suauitate liberali, in qua tanta dignitas, & tantaq; maiestas, ut nemo maiora beneficia expectaret. Ea enim fuit Romanorum celebritas, splendor oppidorum, ciuium uoluptas, & totius orbis forma candida.

#### Paragraphus.

Cum de lucro duorum queritur, melior est causa possidentis.

#### Interpretatio.

Intelligunt iura possessorem, qui rem occupauit meliorem habere conditionem, quam alterum, qui de lucro contendit. Cum malæ fidei præsumptio in illo sit minor, ac magis credendum à uero domino accepisse.

Quare agentis nomen in causa sua dicenda reformidat, propioresque sunt ad misericordiam, ut absoluant, quam implicati cum suspitione pro actore faciant. Quæ cum ita sint, nemo deinceps dubitet fauorabiliores in iudicijs esse possessores.

#### Lex 169. Paulus.

¶ Cum prætor in heredem dat actionem, quatenus ad eum peruenit: sufficit, si uel momento ad eum peruenit ex dolo defuncti.

#### Interpretatio.

Heres non laborabit, si nihil ad eum peruenerit de pecunia, quam defunctus aliquo scelere quesuerat, eo enim nomine tutus erit. Sed si dumtaxat momento uno in sui rationem duxerit, in extrema sententia iudicis nulla exceptione utetur. Turpia enim lucra ab heredibus extorqueri debent, quamuis cum auctore scelera pereant. Veluti quum questum est aliquid ob falsum testimonium, propter quod, si heres acceperit, peti posse constat.

#### Lex 170. Paulus.

¶ In pari causa possessor potior haberi debet.

#### Interpretatio.

Hoc caput idem dicit, quod paragraphus cum de lucro, in lege, nemo prædo, sub eodem titulo.

#### Paragraphus.

Hi, qui in uniuersum ius succedunt, heredis loco habentur.

#### Interpretatio.

¶ Qui integram hereditatem defuncti adeunt, hi sunt loco heredum. Quomodo quæ dicuntur de heredibus, ea etiam pertinent ad omnes successores, apud quos, si seruus furtiuus mortuus fuerit, tenebuntur perinde ac fur, si uiueret. Nam etiam eo nomine furis, legitimi heredes obligantur. Ideo si

iura eorū aspexerimus attētius in nullo differre inueniemus. Cum eodem pacto, qui sibi succedunt, ut restituant rem alienam obligati remanent. In eos igitur rei furtiue condictio iure optimo dabitur.

### Lex 171. Paulus.

¶ Nihil dolo creditor facit, qui suum recipit.

#### Interpretatio.

Qui repetit pecuniā omnem quā credidit, fraudē alijs creditoribus nō facit, etiā si anteuenterit, cui necesse fuit, ut salua sibi foret, ac suorū bonorū authoritas retineretur, iudicare, & nullū locum occupādi illis relinquere. Nemo enim plus alijs, quā sibi prodesse tenetur. Quid? si alios fraudare dicatur. Interim tamen sibi cōsultat nō expectans donec uniuersa bona debitoris exhaustiātur. Melius enim est, in tēpore possidere, suūq; occupare, quā captum cum magno periculo persequi.

#### Pararagraphus.

¶ Cum principalis caussa non consistat: nec ea quidem, quæ sequuntur, locum habent.

#### Interpretatio.

Sub eodem titulo supra extat caput huic omnino simile, licet aliās deesse dicatur.

### Lex 172. Vlpianus.

¶ Nunquam actiones, præsertim poenales, de eadem re concurrentes, alia aliam consumit.

#### Interpretatio.

Actiones poenales de eadem re inuicem nō se perimūt. Quēadmodū dicimus in homine iniuriose cæso duas actiones cōpetere, unā iniuriarum, per quam sola iniuria præstatur, sed in quod amplius restabit secūda agendū erit. Alterū legis aquiliæ, qua ad damnū præstā dū ex culpa, qui læsit, tenebitur. Sed liberū erit utrā exercere uoluerit. Quod autē amplius erit in altera, illud etiam cōsequetur. Hæ igitur actiones iter se nō cōfunduntur, sed una p̄ alterā fortī agere uidetur.

Lex 173. Paulus.

¶ Qui dolo desijt possidere, pro possidēte damnatur: quia pro possessore dolus est.

Interpretatio.

Quoties dolo malo quis à se fundi possessionē reiecit, is propter do-  
lū intelligitur retinuisse. Ad eū enim nō modo uerbo, sed re ipsa se im-  
purū ostendēs, ab æquitate iuris suo scelere, suaq; foeditate abhorret.  
Nā qui ex industria fecit, quo minus possideret, erit cōdamnāus, ut  
possessor. Caterum, ut melius intelligamus, Hæc clausula, Dolo desijt  
possidere, ad hæc omnia extēditur, siue dolo fecit finem possidēdi, siue  
recusarit admittere, siue in totū nō extet: quod ab alio occupatū fuerit.  
Quare ab iost petēda erit hæreditas nō aliter, quā si ppetuū, ut ue-  
rus & fidelis possessor seruasset. :

Lex 174. Caius.

¶ Imperitia culpæ adnumeratur.

Interpretatio.

Quid solet esse turpius ingenuo? quid minus libero dignū, q̃ profite-  
ri in arte sua se abundē expertum esse? quū nihil minus norit, quā id,  
quod ad eam attinet. Dicit aliquis eum lōgo usu & experiētia tandē  
re cognita circa quā uersatur in uirū doctū euasurū. Et hoc quidē fate-  
mur, sed tamen cum detrīmēto & iactura aliena. Quot hoc tempore,  
medicorū imperitia, uitā nō agere, quot aduocatorū imprudētia, ius suū  
iniuste cedere, uidemus. Utinam in utrisq; huius legis cesura locū ha-  
beret. Quemadmodū in artificibus infimæ cōditionis, qui si sarcinendū  
ordinandumue aliquid conduxerint, & peccatū fuerit ob imperitiam,  
culpam præstabunt.

Lex 175. Caius.

¶ Melior conditio nostra per seruos fieri potest, dete-  
rior fieri non potest.

Interpretatio.

Cum serui suorum dominorum consilia non norint, & multorum calumnias neque ratione, nec semper iudicio euaserint factum est, ad repellenda multa incommoda, ne omnia pro arbitrio seruis liceat tractare. Quod non solum ualde placuit, sed etiam accommodum, maximeque opportunum sese obtulit. Serui autem non obligant dominos suos, nisi quando conditionem meliorem facerent. Deteriorem uolentibus & inuitis, nequaquam possunt. Nam etsi domini prohibuerint aliquam tamen pecuniam serui illis acquirunt, & eum, a quo stipulati sunt, obligatum reddunt.

### Lex 176. Vlpianus.

¶ Non fraudatur creditor, cum quid non acquiritur a debitore, sed cum quid de bonis diminuitur.

#### Interpretatio.

Creditoribus nulla sunt incommoda, nullaeque fraudes, si debitores sua bona non auxerint, sed si aliquid distrahere placuerit, ut tandem soluendo non essent. Nam quia cum non acquirit, possit, nec edicto in fraudem creditorum tenetur, quod duntaxat pertinet ad eos qui bona sua diminuerint, ac aliquod fecerint, ut habere desinerent. Palam est igitur locum esse in alienatione seruorum, qui in bonis suis tunc erant, cum credita est pecunia. At uero nullam fraudem facere si hereditatem, uel legitimam, quae post contigit, repudiarit.

#### Paragraphus.

¶ Nemo ex suo delicto meliorem suam conditionem facere potest.

#### Interpretatio.

Improbum non est, cum admissa puniatur, auctorem sceleris amittere sua culpa, aut beneficia, aut privilegia sibi concessa quibus uteretur, cum liceat, ubi aliquid de manibus suis effugerit. Nimirum, ne arbitretur bonorum emptores, qui postquam apud uenditores, qui de custodia tenebatur, precium collocarint, ea subtraxerunt furti actione agere posse. Dubium nullum est ad emptores omne maleficium pertinere. Unde causam duriorum, acerbiorumque fecisse, res ipsa indicat. Alios uero nihil tale cogitantes, liberationem succpturos, referre debemus.

Lex 177. Vlpianus.

¶ Ea, quæ dari impossibilia sunt, uel quæ in rerû natura non sunt, pro non adiectis habentur.

Interpretatio.

In cõventionibus appositæ, si aut fieri, aut in rerum natura inueniri nõ possint, nõ aliter obligat, atq; si dicta nõ essent. Merito enim ne huiusmodi aut cõtractus infirmaret, aut legem aliquã indignã adderent, iuris prudentia anteuertit. Res autẽ difficiles & præternaturã, quis putaret formulis atq; actionibus assequi. Quas nulla industria, nullo cõsilio, nulla experientiã aut effingeremus, aut inueniremus. Quã obrem ad eam angustia redigatur hominũ pacta, & cõtractus, ut ne illo nomine quis cogitet gratã aliquã utilitatem sibi uindicare.

Lex 178. Paulus.

¶ Bona fides tantundem possidenti præstat, quantum ueritas, quoties lex impedimento non est.

Interpretatio.

Qui bona fide possidet, tantũ emolumẽti accipiet, quantum si uerus esset dominus, nisi aliquid obstaret, ut puta, cum fructus non creuerint aut sua, aut seruorũ opera, sed à natura, ut in pomarijs, aut in sylua. Nam cum ex facto eius fructus, nõ nascitur, nec suũ facit, quãuis bona fide possideret. Illum tamen quem serendo operis suis acquisierit ad se pertinere certissimũ est. Iuliani enim sententia. Id iuris illi tributum, quod dominis prædiorum in fructibus percipiendis.

Lex 179. Vlpianus.

¶ Qui auctore iudice cõparauit, bonæ fidei possessor est.

Interpretatio.

Cum iudicis officium sit, etiã ex minimis rebus & præsentium &



omnium quæ ad causam pertinent, coniecturam facere, ut certa minimeq; corrupta censura ius dicat. Est igitur existimandum cum studiofissime ueritatem scrutetur, nullum iudiciū falso terminasse. Sed tanta fides illi habenda, ut si auctoritatem suam accommodauerit, nihilominus, etiam si res indicata mihi sit aliena, uerè bonaq; fide possidere dicar. Donec obscurum è tenebris in lucem uocauerit.

### Lex 180. Paulus.

¶ *Omnis hæreditas, quamuis postea adeatur, tamen cum tempore mortis continuatur.*

#### Interpretatio.

Primus uersus huius capituli, cum lege omnia ferè, sub eodem titulo coincidit.

#### Paragraphus.

¶ *Nunquam crescit ex postfacto præteriti delicti æstimatio.*

#### Interpretatio.

Sceleribus flagitijsq; grauior poena accidere non potuit, quàm tempore quo commissæ sunt si liberum iudicium tum fuisset. Nec toties ad nouam æstimationem deferenda, quoties in uarias mutationes perueniunt. Sed ad id momenti reducenda, quo consecuta dicuntur, ne maiorem grauioremq; poenam subeant, quam meruerint, qui deliquerunt. Si quis igitur in furem actionem habeat apud quem assidue res contractatur, non magis tenebitur, etiam si ea res postfurtum decreuerit.

### Lex 181. Caius.

¶ *Omnes actiones, quæ morte aut tempore pereunt, semel inclusæ iudicio, saluæ permanent.*

Prætoris edictum legem annuam dicebant esse. Nam in eam annum nemo poterat progredi, quod alius futurus erat. In incertū igitur tempus actiones prætoris extendebantur, nisi per litem inchoatam, qua ad successores transibant. Sed ut brevius intelligamus, huc ueniunt tria capita sub eodem titulo, duo que incipiunt, Non solet. Tertium, Poenalia, cum integro titulo institutionum. De perpetuis & temporalibus actionibus, & que ad heredes & contra heredes trās-eunt.

### Paragraphus.

¶ Non uidetur perfectè cuiusque id esse, quod ex casu auferri potest.

### Interpretatio.

Bona uere nostra non dicimus, neque cum socijs partimur, quæ uel prætor, uel aliquis casus adimere nobis aut uiuis aut mortuis poterit. Cognoscere igitur oportet, cuiusque iuris & dominij naturam, quæ aut tempore aut uoluntate principis contrahentiumque perficitur. Huius rei specimen occurrit, de eo qui est apud hostes cum dubium sit, an reuertatur, quod legato uel traditione acquisierit, uerè suum nõ dicitur, cū sit incertū, an sui iuris, uel eorū à quibus tenetur iudicetur.

### Lex 182. Vlpianus.

¶ Absentia eius, qui rei publicæ caussa abest: neque ei, neque alijs damnosa esse debet.

### Interpretatio.

Qui non est in eo loco in quo petitur, ut puta extra provinciam suā aut dicecēsim, aut suæ ciuitatis terminos, eum dicimus, abesse. Cui autem prætor succurrit, si propter causam & probabilem & iustam, ut pro re publica à suis negocijs se abduxerit, nõ ut sibi lucrum faceret, sed ut pro salute omnium ciuium, fortunis ciuitatis, summa rei p. utili-

tate negociaretur, sine ulla contentione non solum defendendus, sed etiam, si opus fuerit, restituendus erit. Nam æquissimum, ne profectibus publicis quicquam de suo diminuat.

### Lex 183. Paulus.

**¶** Quod contra rationem iuris receptum est, non est producendum ad consequentia.

#### Interpretatio.

Quoties à principe aliquod privilegium non cõceditur, ad alios, qui eadem licentia utantur, non transit, neque extenditur. Nam quæ propter necessitatem inducuntur in consequentiam & argumentum trahi non debent. Laborandũ igitur non est, qualis in multis existat princeps, qui promulgorũ salute, aut remittit, aut cõcedit. Alijs quod maxime necessarium, alijs propter publicam utilitatem. Cuius autẽ tanta est autoritas, ut lex viva esse dicatur.

### Paragraphus.

**¶** Vni duo pro solido hæredes esse non possunt.

#### Interpretatio.

Quemadmodum non occurrit, dominium apud duos in solidum fuisse, ita plures eandem rem in solidum possidere, aut in eadem re heredes esse non possunt. Nam non est naturale, ut Titius aliquid teneat, idemq; Paulus videatur tenere. Nisi unus iuste alter iniuste. Sed duos iuste non fieri potest, quia enim in loco in quo sum, sedere posset. Quis haustum aque, quem hausi, sorberet? Non igitur illud patitur, aut ratio humana aut rerum natura, ut idem simul eodemq; tempore apud multos habeatur.

Lex 184. Paulus.

¶ Qui tacet, non utique fatetur: sed tamen uerū est.  
eum non negare.

Interpretatio.

Vbi hominum multitudo coacta, de lege aliqua constituenda, inter quos nonnulli qui latebant, ut repellerent aliorum suffragia, non contradixerunt, nihilq; in uulgus pronūciarunt ad confirmandum aut infirmandum. Profectò minime turbulenta, temeraria, periculosa fecerunt. Quid ergo? Sine dubio consensisse dicuntur, quamuis inter alios differentes, & negantes, & iudicantes, medium tenerent perpetuò obmutescendo. Non igitur horum taciturnitas aliqua ex parte nō modo nocere, uerum etiam impedire permittitur. Nam alijs, quantum ad rem quam gesserunt attinet, omnino si nō uerbis tamen tacēdo, in quo latet consensus, adiumentum attulerunt: ut aut perficeretur, aut incrementum susci-peret. Quare nihil obstat, quin hisce rebus, exemplo aliorum opitulati fuerunt. Qui uolet obmutescat, modo refragari nō uideatur.

Lex 185. Vlpianus.

¶ Quod ipsis, qui contraxerunt, obstat: & successoribus eorum obstabit.

Interpretatio.

Quod nocet raptoribus, improbeq; contrahentibus, & eorum successoribus nocebit. Qui enim in agros alienos importunè proruperit, repenteq; aduolauerit, quā potuerit, is duntaxat cum suis heredibus in eo loco, ac sede uā bonorum raptorum, non ueri possessoris, uersabitur. Quod armis & ense cōsecutus fuerit alienā possessionem, in eam, ut fas est, expulsi ui & armis, restituentur. Non autem magni interest, quantum ad successores pertinet, metune, an falsis contractibus, defunctum damnosam hereditatem reliquisse, in quam sui nō admittē-

ter. Quod paria sit lege improba perniciosaq; audacia. Quemadmodum magistratus qui subtraxerunt pecunias contra legem Iuliam re-  
petundarum, qua cauetur, ne quid, a quibus non licet, accipiat, non po-  
tuerunt usucapere. Nec eorum heredes, ad quos sunt profectae.

### Lex 186. Paulus.

¶ Non omne quod licet, honestum est.

#### Interpretatio.

Leges, omniaq; iura permittunt, uim atque iniuriam repellere ob  
sui corporis tutelam. Nam inter homines quandam societatem com-  
munis atq; constituerunt, ex quo efficitur scelus esse, homines homi-  
nibus impetum facere & calumniam. Si tamen suis filiis parentes nim  
facerent, quam fas est repellere, non tamen honestum. Præterea licet  
lapide ferire aduersarium sui tuendi causa, ulciscendi autem honeste  
factum non esset, sed teneretur fortasse lege aquilia.

#### Paragraphus.

¶ In stipulationibus id tempus spectatur, quo con-  
trahimus.

#### Interpretatio.

Nullum aliud tempus in cōtentione ob stipulationes uocatur, quam  
illud in quo negocium contractum inuenitur. Quando enim filius sti-  
pulus sub conditione in patrem agetur. Id enim temporis duntaxat  
obseruandum, quo contraxit. Quoniam stipulatio uires capit ex præ-  
senti, quo contracta, licet statim non petatur.

### Lex 187. Vlpianus.

¶ Nemo uidetur fraudare eos, qui sciunt & con-  
sentiunt.

## Interpretatio.

Fraude non carent, quæ sunt contra bonam fidem in rebus nactus gestis. At cum inter contrahentes nihil celando, ut securitati consuleretur, omnia manifestè sese prodeunt, fraudis expertes videntur. Sin uerò altera partium, quæ conspiciet, quid detrimenti inesset, non parum attulerit, sibi imputabitur. Veluti si uenditor, quæ sciebat enarrauit, dixitq; infundo nullas inesse, quod sciret, seruitutes. Et tamen fortasse emptor per eum iter et uiam alienum hominem cognouerat, nec uenditorem certiorauit. Est enim more improbo uersatus: ideo non sibi empti actione succurretur, quia solus talem seruitutem sciebat.

### Lex 188. Paulus.

¶ Quod quis, dum seruus esset, egit: proficere libero facto non potest.

## Interpretatio.

Cum quis seruus esset, aliquid utilitatis fecerit, non sibi libertatem adepto proderit, tum enim soli domino acquirebat, eius negocijs sua opera consulens. Non quidem sibi, qui alienæ potestati subiectus erat parare quicquam poterat. Proinde si tempore seruitutis fundum stipulatus, deinde factus liber, eius partem uel totum pro indiuiso petat, ei nocebit seruitus, quæ inerat, quando contracta est, stipulatio. Rectè igitur definitur eum deum de fundo non agere, qui prorsus ipsum non persequetur.

### Lex 189. Caius.

¶ Semper specialia generalibus insunt.

## Interpretatio.

Ab generis infinitate ut discedatur ad specialia, quæ subesse dicuntur, sepe cōfugimus. Nam authore Aristotele, cōfusa magis nobis nota sunt, ac manifesta. Idcirco ex inuersalib; ad singularia proficiscimur oportet, illa enim multas partes cōplectuntur. Gens autè habet plures

gradus & nationes, ut gens Gallica continet Parisinos, Pictones, Lemonicos, & reliquos, qui sunt Gallicæ gentis. Nā gens tanquā genus, natio ut species. Deinde quicquid habet, actum non habet, qui uero actum habet, & iter habere uidetur. Vtrunq; autem, qui iam, quæ iter & actum in se continet.

### Lex 190. Paulus.

¶ Cuius effectus omnibus prōdest, eius & partes ad omnes pertinet.

#### Interpretatio.

Quemadmodū summæ dignitatis, quæ est domina rerum, effectus consurgit, omnium ciuū utilitas, cum pace & citra periculum rebus suis perfrui, in statuq; suæ ciuitatis defendi & firmari. Ita grauis illius dicendi facultatis finis erit. Vt in republica non tantum patriæ, uerum etiam & singularibus ciuib; oratione atq; consilio (quod deliberādi commune est) ualeat. Præsertim cum hæc omnium laude antecellat, flectendo animos populi concitatos, hostibus resistendo, concordia homines hominibus coniungendo. Huius igitur effectus pax, silentium, firmissimæ amicitie, quæ omnia, atque id genus, hominum generi, singulisq; ciuib; parit.

### Lex 191. Vlpianus.

¶ Ex qua persona quis lucrum capit, eius factū præstare debet.

#### Interpretatio.

Quando in nostrā utilitatē uertimus, id quod per alios partū est, oportet præstare oīa eius debita, & dāna alijs illata, quæ facta eo noceant. Si enī aliqd feci, qd quidē tibi noceat, mihi uero profit, meis sumptibus cogēdū sum tollere, pari ratioe si is cui heres sum, fecerit, perinde

est, ac si ipse fecerim. Et atamen lege ut iudex cognoscat pro rei natura, id damni, quod illatum est. Nam æquissimum est eum sentire onus, qui commodum sentit, aut contra, ut utilitas damnum sarciat.

#### Lex 192. Vlpianus.

¶ Parem esse conditionem oportet eius, qui quid possideat, uel habeat: atque eius, cuius dolo malo factum est, quo minus possideret, uel haberet.

#### Interpretatio.

Manifesta res est, paulū interesse, an quis re ipsa possideat, an fecerit dolo malo ne possideret, aut haberet. Nam utrobique, ut in eum creditoribus actio detur, pro possessore habendus est. Caput Qui dolo, sub eodem titulo eandem sententiam habet.

#### Lex 193. Paulus.

¶ Nemo damnum facit, nisi qui id fecit, quod facere ius non habet.

#### Interpretatio.

Ius suum retinebit, qui profectò nullo modo accusaretur, maxima ex parte suo munere functus, nihilq; quod æquitati contrarium uidetur, fecerit. Veluti qui domum alienam mandato principis inuito domino demolitus, & in ea platea macellum extruxit, cum soli superficies ad dominam pertineret, damni tamen dati in eum actio nō subijciatur. Cessauit enim unius ius priuation post mādātū principis, qui fortasse, ita mandarat, ob reip. utilitatem, uel quia suum scelus id iactura metuerat.

#### Lex 194. Vlpianus.

¶ Hoc iure utimur, ut qcquid omnino per uim fiat, id



aut in ius publicæ, aut priuatæ crime n incidat.

### Interpretatio.

Cum homines conuocantur propter possessionis controuersiam & uim inferunt, ius suum perdūt. Nam non conuenit multitudinem armari sui boni retinendi causa, & cum maximè eo nomine alijs fiat impetus. Iuri autem nihil tam infestum, quàm uis, aut nihil tam equitati inimicum, quàm uim inferre armatis militibus. Quod cum ita res se habeat, duo imprimis existunt animaduertenda crimina per uim illata, quæ grauissimè lege Iulia puniuntur. Vnum, quod per uim armata committitur, quam consequitur deportatio. Alterum uero sine armis, cui imponitur omnium bonorum tertie partis publicatio.

### Paragraphus.

¶ Deiecit & qui mandauit.

### Interpretatio.

Is dicitur deiecis se de naturali sine ciuili possessione, qui in causa est, cur deiectus fuit, ut qui iussit, uel ratum habuit, uel mādauit. Nam parui refert, an quis suis manib<sup>9</sup> deñciat, an uero per seruos suos. Quæ ob causam si serui me imperâte & uolente deiecerūt, dicar deiecis se. Ideo qui iusserim grauabor, non serui, qui factum præstiterunt.

### Paragraphus.

¶ Rati habitio mandato comparatur.

### Interpretatio.

Cum mandatorati habitio, quadrare uidetur, si confirmauit, ratum habuit approbauit, quod diligenter, & sine fraude per alium factum habuit. Hæc dici possunt in eo qui filio suo me emisse seruū necessariū ratum habuit, quemadmodū agerem mandati, ita rati habitione agam. Cōtemplatione mee emptionis, etiam inquantū factus est locupletior aduersus patrem actio non denegaretur.

## Paragraphus.

¶ In contractibus, quibus doli præstatio, uel bona fides inest: hæres in solidum tenetur.

## Interpretatio.

Quando ad fidem bonam in contractibus, ut puta in deposito, in tutela, in negocijs gestis, & id genus alijs defunctus astrictus fuit, & eam demoliendam curauit. Ei religioni adeo iunctus erit eius hæres, ac fuisse, qui contraxit, si uiueret. Quippe cum in suum locum substitutus in eam partem bonorum appellatur, quæ sibi sine legitima causa non auferetur. Quid postea: ut ferat unâ incommoda si opus fuerit. Nam dolus malus cum bonis in eum transfertur.

## Lex 195, Paulus.

¶ Ferè quibuscunque modis obligamur, iisdem in contrarium actis liberamur.

## Interpretatio.

Quod consensu contractum dicitur, illud solvimus, aut acceptilatione, aut rati habitione, aut contrario actu. Huc repete caput, Nihil tam naturale, sub eodem titulo, nihil in hac parte te remorabitur.

## Paragraphus. Cum quibus.

¶ Cum quibus modis adquirimus, iisdem in contrarium actis amittimus, ut igitur nulla possessio adquiri, nisi animo & corpore potest: ita nulla amittitur, nisi in qua utrunque in contrarium actum est.

## Interpretatio.

Possessionis omnium rerum, quæ in mari, in terra, in aere occupamus, primum robur & uinculum quod cernimus, animus & corpus, quæ utendo, possidendo, fruendo, nobis conciliant dominium, proprietatem, & fructus ipsos. Nam non minus res nostras animo quam corpore attingere uidemur. Quæ ex re satis præcipit Paulus iuriscōsultus in acquirenda aut amittenda possessione. Hæc duo esse seruanda. Cum autem altero deficiamus, cum detrimento nostro non seruamus, quod semel erat nobis constitutum. Quod enim cuiusque proprium dicitur, in alios transfertur, amissa possessione. Quare quemamodum illis principiis ius aliquod penes nos seruamus, & retinemus, ita si aliter fecerimus, à nobis illud separauimus. Nā constat nos possidere donec nostra uoluntate discefferimus, aut impetu & uidelecti fuerimus. Qui autem ita deiicitur, amittit possessionem.

### Lex 196. Vlpianus.

¶ Cum par delictum est duorum: semper oneratur petitor, & melior habetur possessoris causa: sicut fit, cum de dolo excipitur petitoris. neque enim datur talis replicatio petitori, aut si rei quoque in ea re dolo actum sit.

### Interpretatio.

In delictis duorum paribus uidendum est quid utrique maxime necesse sit, & quid uterque consequatur & possit. Illi quidem cum eadem mercede mutuantur: premium consequi debeant, & competat ob suum crimen actio in factum utrisque, quæ damno afficiantur. Tamen ei in quem prius agetur magis fauebitur, quæ locum possidentis, cuius longè melior conditio, quam petentis subsequutus est. Qui uero agit, necesse habet probare factum rei fuisse in dolo, cum de eo non possit replicare. Hoc autem in stipulatore & promissore dicatur, quorum alter alteri fuit impedimento, quo minus ad iudicem ueniret. Quibus ob dolum communem, ut restituantur, nullum auxilium debetur.

### Paragraphus.

¶ Illi debet permitti pœnam petere, qui in ipsam nō incidit.

### Interpretatio.

Ad eum pertinet pœnam petere, in quam non incidit. Veluti inter socios conuenit ante septem annos nō à societate discessuros. Interim alter intra tēpora societatis discedendo in pœnam conuentionis incidit. Eam petet, qui & animo & facto continui septemniij communis tem bonorū non soluturus monstrauit. Nec ulla exceptio reo proderit, nisi causam probabilem & iustam ostenderit.

### Lex 197. Paulus.

¶ Fastum cuique suum, non aduersario suo nocere debet.

### Interpretatio.

Delicta suos authores sequuntur, nulliq; detrimentum afferūt, nisi ijs qui fecerunt. Cum eorum pœna ab uno in alios non possit trāsferri. Simili ratione, damna incomodaq; illis duntaxat nocent, qui intulerunt. Quod autem dici potest in eo qui dolo malo, ut societate solueret, renūciauit quod ei aliunde uenerat hereditas, erat enim societas omnium bonorum. Solus damnium hereditatis feret, cōmoda oīa inter socios communicabit.

### Paragraphus.

¶ Non uidetur uim facere, qui iure suo utitur, & ordinaria actione experitur.

### Interpretatio.

Meminiſſe oportebit non omnem impetum facere, qui iuris constitutione, actioneq; non improba usus est, ut rem suam occupatam uin-

dicaret. Nam qui honeste uersatur in repetendis rebus, ille neq; damni dati tenetur. Verum sine iactura aliena liberum cuique est, bonos mores consuetando inspicere cognoscereq; quid à se diminutum fuerit, illudq; si fieri potest, repetere. In eo enim, si fecerit, optimo iure confirmabitur. Sine ullo igitur metu quisq; defendat, quod ad se pertinere perspicuum fore arbitratus est.

### Paragraphus.

¶ In pœnalibus causis benignius interpretandum est.

### Interpretatio.

Cur de poena aliqua agitur, & dubium aliquod impediatur, quo minus iudex non intelligat quid dicendum, quod minus erit interpretabitur. Nam sæpe accidit furti non teneri, qui iure suo utebatur. Ut de eo qui socius erat, & subtraxit. Dicitur potius iure suo uti, quam furti consilium inisse.

### Lex 198. Vlpianus.

¶ Inuitus nemo rem cogitur defendere.

### Interpretatio.

Vim in defendendo nullam habebit causa, in qua quis coactus patrociniū præstiterit. Nullo enim iure, nulla ratione, nisi ui & uolentia, quis rem aliquam defendat, cogitur. Nam ante quàm aliquid fiat, necesse est consensu, & libera uoluntate fieri. Is autem non animo furandi fruentū detraxit, qui metus causa furatus est. Ita nobis persuadeamus, neminem inuitum defendere, indeq; nullum commodū futurum. Ad id enim nemo cogi potest.

### Paragraphus.

¶ Cui damus actionem, eidem exceptionem competere multo magis quis dixerit.

### Interpretatio.

Versus iste sumptus ex capite primo sub titulo de superficie libro quadragesimo quarto Pandectarum, ubi ait Vlpianus superficiarium, ut ad tempus modicum conductam superficiem retineat, in dominum agere posse, qui si ab illo uelit uindicare excipiet. Nā cui datur actio, eidem exceptio de eadem re non denegabitur.

### Paragraphus.

¶ Cum quis in alicuius locū successerit: nō est æquū, ei nocere hoc, quod aduersus eum non nocuit in cuius locum successerit.

### Interpretatio.

Cum succedimus in alicuius locum, iustum est, ut nobis non noceat, quod in eum nihil nocuenti attulit, cuius uices gerimus. Quum enim fundum sine uitio possederim: unde nihil damni mihi poterat accidere. Is qui in meum locum ueniet, siue iure emptionis, siue hæreditario, me auctore, iure optimo utetur, nec sibi quicquam nocebit. Hic etiam uersus desumptus est ē capite tertio sub titulo de itinere, actūq; priuato Pandectarum libro quadragesimo tertio.

### Paragraphus.

¶ Plerunque emptoris eadem debet esse causa circa petendum ac defendendum, quæ fuit auctoris.

### Interpretatio.

Qui emit eodem iure petet, defendetq; quo et uenditor si res adhuc penes eum esset. Nam nullus plus commodi aliquo iusto titulo in alium mittere dicitur, quàm ipse habere uideretur. Ex quo fit emptorem tantum iuris in re emptæ, quantum, cum uenderetur, eius auctor habuit.

### Paragraphus.

¶ Quod cuique pro eo præstatur, invito non tribuitur.

### Interpretatio.

Beneficium, quod solet dari cuique, nolenti non conferetur. Nam invito priuilegium non datur. Cuique autem licet abicere, quod pro se constitutum est. Minor enim, si uelit, in integram restitutione non utetur.

### Lex 199. Vlpianus.

¶ Ad ea, quæ non habent atrocitatem facinoris, uel sceleris: in his ignoscitur seruis, si uel dominis, uel his qui uice dominorum sunt (ueluti tutoribus & curatoribus) obtemperauerint.

### Interpretatio.

Si serui atrocissimum crimen mandato aut iussu dominorum aduenerint non defendentur: sed cum suis dominis, in capitis poenam adducentur. Nam leges duodecim tabularum noluerunt eos morem gerere in atrocibus (ut sunt furari, occidere, adulterari) sceleris terrore inferentes. Quemadmodum si dominis scientibus occiderint, uel raperint in solidum eos obligauerunt, qui delictum fecisse uidentur. Idem dicemus de ijs, qui uires dominorum gerunt, ut sunt curatores & tutores. Sini, alijs, ut tenentur, obediuerint, quæ etiã parũ legitima appareret, facile ueniam impetrabunt. Turpe enim esset illis obuiam ire, relicturq; quibus obsequias est. Omni igitur tẽpore bonos mores imitando, obedientia probatur.

### Paragraphus.

¶ Semper qui dolo fecit, quo minus haberet: pro eo habendus est, ac si haberet.

### Interpretatio.

*Verfus iste satis liquet ex duobus capitibus, Qui dolo, & Paremi  
esse, sub eodem titulo supra.*

### Paragraphus.

¶ In contractibus successores ex dolo eorum, quibus  
successerunt, non tantum in id, quod peruenit, uerum  
etiam in solidum tenentur: hoc est unusquisque pro  
ea parte, qua hæres sit.

### Interpretatio.

*Item hic uersus postremus idem habet, quod paragraphus in con  
tractibus, capitis, hoc iure, sub eodem titulo.*

### Lex 200. Vlpianus.

¶ Quoties nihil sine captione inuestigari potest: eli  
gendum est, quod minimum habeat iniquitatis.

### Interpretatio.

*Huc repete hæc capita, Semper in obscuris, Semper in dubijs, In  
ambiguis, In obscuris inspici, In obscura, & uersum in poenalibus, ca  
pitulis Factum cuique, sub eodem titulo.*

### Lex 201. Vlpianus.

¶ Omnia, quæ ex testamēto proficiſcuntur, ita statu  
euentus capiunt, si initium quidem sine uitio ceperint.

### Interpretatio.

*Quæ ex testamento exeunt, ita formam utilem induunt, quemad  
modum à principio fuerunt sine ullo uitio. Si autem aliquid sit, quod  
non oporteat, illud aberit, cum quo nullo modo ualere poterit. Talis  
enim est euentus, quale principium. Pater quidem utile fecit testamētum,*



qui seruitutes legauit. Si uero aliud, quod est ædibus iunctū ab initio non ualuit. Quoniam autē senatus censura prohibetur. Hoc inuenies in capite. Cætera, sub titulo de legatis primo.

### Lex 202. Vlpianus.

¶ Omnis definitio in iure civili periculosa est, rarum est enim, ut non subuerti possit.

#### Interpretatio.

Cum plerumque oriatur de iure magna dissensio, definiendū est sepe etiā ex contrarijs, sepe ex dissimilibus, sepe ex paribus, ut definitio genere declaretur, & proprietate quadam quid sit eluceat. Nō dubiū est tamen rationem eius, & uia talem esse ut nō semper oēs formas cōplectatur sub eodem genere. Sed nōnunquā ob uarias multasq; exceptiones ē manibus extorqueatur uno uerbore prehensio, aut addito quo raro fit, ut non subuertatur, & maxime in iure civili, ubi ualde periculosa est.

### Lex 203. Vlpianus.

¶ Quod quis ex culpa sua damnum sentit, non intelligitur damnum sentire.

#### Interpretatio.

Licet ob alicuius delictum damnum interueniat, tamen non creditur interuenisse quo ad alios, sed ut sibi imputetur, qui cōmisit. Nā inter socios aut alios, ut coheredes damnum cōmune esse nō oportet, quod culpa socij aut coheredis euenerit. Quēadmodū iumenti furto sublato dolo aut culpa eius, qui custodiā præstare debebat, detrimentū unius erit propriū, non autem ad communionem pertinebit.

### Lex 204. Vlpianus.

¶ Minus est actionem habere, quàm rem.

#### Interpretatio.

h.i.

Actores in suis, quod intendunt habere, coguntur probationibus multis confirmare, meliusque facere arguuntis. Vbi multa pericula, et exceptiones occurrunt. Rei uero illud beneficii habent, ut rem suam tanquam ueri possessores teneant, seruentque infirmando, refellendoque omnes aduersariorum rationes, quae contra se facere uidentur. in quo multo eorum conditio melior est et tutior, quam agentium. Hi enim saepe numero repulsam patiuntur, nihilque eorum adipiscuntur de quibus contendebant. Certius igitur est illud tenere, quod contigit, quam persequi, si in manibus nostris non fuisset.

### Lex 205. Vlpianus.

¶ Plerumque fit, ut etiam ea, quae a nobis abire possint: perinde in eo statu sint, atque si non essent eius conditionis, ut abire possint: et ideo quod fisco obligamus, et uindicare interdum, et alienare et seruitutem praedio imponere possimus.

### Interpretatio.

Rebus ita saepe accidit, ut sub duobus dominis esse uideatur. Altero certo et uero, altero sub conditione ad aliquod tempus. Ille superat dignitate et dominio, qui si uelit, ut fiant alterius locum dabit, aut de manibus suis eripietur liberum erit, alijs tradendo, aut alienando. Propterea quod primus solus possit obtinere, ad sequi reducere. Sicut in his usu uenire uidemus, qui ad momentum temporis res suas aut fisco, aut alteri obligauerunt. Pro animi sui libertate eas in alios transferre, aut uendere, aut seruitutes imponere possunt. Cum sint in eo statu et conditione, qua abire, aut non abire, ab illis queant. Quare quod semper in numerum rerum nostrarum aggregare solemus, nihil impedit, ut retineamus, aut aliorum faciamus.

### Lex 206. Vlpianus.

¶ Iure naturae aequum est, neminem cum alterius detrimento et iniuria fieri locupletiores.

## Interpretatio.

Quid prodest domos amplissimas, aut fundum pingue à parentibus relictū, aut alia ratione tenere, honeste quæsitū, si incertum sit, an retinere possis? Cum non solum à natura, uerū etiā lege ciuili & publica prohibitū fuerit, ne perturbarentur, cōmutareturue iniuste rerum dominia? quæ fuerint à maioribus descripta finibus, possessionibus, itinereq;. Quid igitur magis impium legem naturæ & hominum perdere, inuerrere, & omnino cōfundere, non solum possessionem pauperū uā occupādo, uerū etiam pupillorū facultates calumnia, & dolo malorū apīdo? Quapropter nō minus diligēter ea quæ à maioribus accepimus, seruare studeamus, sed etiā ab omni rapina & incommodo, si fieri potest, defendamus. Hoc enim tempore, nihil tutū est, nullus autē studet, nisi ut iure, aut iniuria, suas fortunas argeat.

## Lex 207. Vlpianus.

¶ Res indicata pro ueritate accipitur.

## Interpretatio.

Cum iudiciū in codicem publicū relatū est, quod salutē & utilitatē cuique pollicetur, locū habebit perinde ac certius certo esset. Tantā enim rem enunciat, ut in auctoritatē reducat, tantāq; uim, ut ius ei pro quo datū est, inducat. Non autē arbitror, an satisfaciat, nec ne, quoniā cōflatū æquitatē & iustitiā esse cōstat. Perspicuū igitur ipsam nihil polliceri, nisi quod uerū, simplex & pium, in quo nihil criminaretur, liceretq; unquam reprehendi. Absurdū enim esset, si quisquam eius fundamenta euertere conaretur.

## Lex 208. Paulus.

¶ Non potest uideri desisse habere, qui nunquam habuit.

## Interpretatio.

b. ij.

Tota uis huius capitis est in uerbo HABERE, quod generale ad ius dominij & possessionis. Cum etiam fur dicatur habere, si possideat. At qui nunquā habuit, in eam partem non eatur, ut desinat aliqūdo habere. Quod enim initiū nō habuit exitū nullū consequetur. Quemadmodum, si colonus non fuit in fundo, post eius mortem, hæres nullo iure possidebit, quod à defuncto non accepit. Nam non dicitur finem habendi fecisse, ut in suos transferret. Qui uenissent in istum fundum, non aliter quā esset in bonis coloni mortuā. Nullo autem tempore, usus est, possedit, coluit. Nihil est igitur si ingredi experiantur, quod rem alienam iniuste occupent.

### Lex 209. Vlpianus.

¶ *Seruitutem mortalitati ferè comparamus.*

#### Interpretatio.

Seruitus, cum sit miserrima, conditionem durissimam intulit. Non qui seruit, si spectes actus ciuiles, & maxime solemnēs, uitam agere nō dicitur, nec cum alijs hominibus natū esse censemus. Quid autem infortunij in seruiēdo nō suscipitur? Quid denique in seruorū sorte potest spectari, nisi calamitosum? Quā dura est domina, quā misera est illa seruitus? Nihil enim honoris, imperij, dignitatisq; admittit. Cum oīa solemnia iuris, cum quibus cōmunionē nō habet, exercere prohibeatur. Quare si seruus tabulas testamenti obsignauerit nullæ sunt, qui non habuit facultatem faciendi testamentum, per quod aliquis in possessionem mittatur.

### Lex 210. Licinus Rufinus.

¶ *Quæ ab initio inutilis fuit institutio, ex post facto conualescere non potest.*

#### Interpretatio.

In hoc capite nobis dicendum, eius hominis testamentum nulla ratione ualere, quod ab suo auctore, cui non concessum erat, ut institue-

ret, iam aliquam non suscepit. Nam hic elegantissime definitur institutionem locum non habere, quæ ab initio non ualuit, ut si furiosus aliquem suorum testamento heredem instituerit, cum compos mentis erit, inutiliter eo testamento institutus experietur, ut in hereditatis iura recipiatur. Nam tractu temporis testamentum conualescere non potest.

Lex 211. Paulus lib. 69. ad edictum.

¶ **Seruus reipublicæ causa abesse non potest.**

Interpretatio.

Singuli quidem hominum seruitutem ferre possunt, nulla re publica potest, nec aliam ob causam, nisi quod seruitutis foeditatem fugiat, quæ ut careat, omnia etiã bella, & clades maximas perpeti mauult. Cum ad uirtutem dignitatemq; omnia referat. Quare seruus causa reipublicæ abesse non possunt, cum negocia ciuilia tractare non dicantur, ut milites ducendo, aut reducendo, aut principi gratulando. Si quid igitur amiserint, nec restitutionis auxilium implorabunt.

Titulus decimus septimus digestorū seu Pandectarum iuris ciuilis libri quinquagesimi, ex fide antiquissimorum codicum, tum Pandectarū Florentinarū notis, quo ad eius fieri potuit, diligentissime restitutus, finit.

Laus deo opt. max.

b. iij.

Ad nobiliſſ. D. Protonotariũ Taurinum Mara-  
cum Calmontanum P. Cruſelij in F. Iammetij  
interpretationem Epigramma.

Optaſti Taurine dari compendia iuris:  
Hæc tibi Iammeti Regula docta dabit.  
Texuit obſcuras leges Iammetius, illas  
Exhibuit magna ſub breuitate tibi.  
Quæ tibi congeſſit multos quæſita per annos,  
Gottorum fugiens tecta ſuperba nimis.  
Fronte igitur capies hilari chartacea dona  
Permuitis alijs anteferenda, Vale.

Epigramma F. Iammetij ad F. Floretum  
iuris conſultum.

Diſpeream, ſi te mihi quiſquam charior uno  
Nunc fuerit, quis te dulcior eſſe poteſt?  
At ſum, qui fatear, debere tibi bona multa:  
Per te doctior autem mea Muſa manet.  
Quare illud ſatis, & ſi nunc permittis amari  
Cum tibi non poſſim grandia dona dare.

Caroli Marthani Fontebraldenſis Hendeca-  
ſyllabi ad Lectorem.

Vide quàm bene conſulat diſertus  
Hic Iammetius, omnium ſaluti

Lector, qui petit eruditione  
 (Vt certe uaria refertus ille est)  
 Virtutum cupidos sua iuuare  
 En adest tibi, sanus hic libellus  
 Iuris, quem uario labore quemque  
 Diuersa, explicat eruditione:  
 Hunc legas, uberes (scio futurum)  
 Fructus est tibi lectio datura.

PARISIIS.

Apud Michaellem Vascosanum uia ad diuum Iaco-  
 bum, sub signo Fontis.

M.D.XXXIII.

ANT  
 131859P

THE  
HISTORY  
OF  
THE  
CITY  
OF  
BOSTON  
FROM  
1630  
TO  
1800  
BY  
JOHN  
B. HENNING

APPENDIX

THE  
HISTORY  
OF  
THE  
CITY  
OF  
BOSTON  
FROM  
1630  
TO  
1800  
BY  
JOHN  
B. HENNING















A16.

X  
B1

vr